

Anna G. G. G.

1840

10

2-d

21



10. 2. d. 21









REVERENDI PATRIS  
ALBERTI  
CHANOWSKY

è Societate JESU

VESTIGIUM

Boëmiæ Piæ

Sen:

RES QVÆDAM MEMOR

ratu dignæ, quæ in Boëmia  
præsertim in Districtu Prachensi &  
Pilsnensi, vel ab hominibus sunt plectæ,  
ga DEUM gestæ, vel à DEO hominibus

bus singulari favore, aut etiam in  
pœnam acciderunt.

*Notis illustratæ & auctæ à P.*

JOANNE TANNER ejusdem Socie-  
tatis Sacerdote SS. Theologiae

Doctore.

*Primum Colonia Anno 1659.*

Nunc verò recusum Vetero-Pragæ in Ma-  
gno Collegio Carolino Typis Ge-  
orgij Labaun. 1689.






# PROTESTATIO

**Q**Uod ipso vita P. Alberti Chanovsky principio sum protestatus, id ipsum hic iterum iterumque repetitum cupio, delictet me hac omnia fide solum humanâ historicâ proponere ( exceptis quibusdam, quæ in capite 3. & 4. posita publicam habent à S. Ecclesia auctoritatem ) ut omnes intelligant à me fieri, servatâque velle ea omnia, SS. Papæ Urbani 8. Constitutio, declaratio, & Confirmatio circulatorum virorum à virtute commendatorum exigit, prout superius idius est declaratum; ita ut si quid secus dictum esset, id omnino non um aut scriptum esse velim. Unde nomine Sanctitatis, aut Sancti, Martyris, me uti contingit circa inas ab Ecclesia non canonizatas,

X 2



id



*id me facere profiteor jure, quo vocabulis ejusmodi licet uti, etiã rhetoribus, ac profanis Historicis, alijsque Latina lingua Scriptoribus sinè ullo præjudicio ulteriori, cùm solius sit S. Romana Ecclesia Catholica (cui Salvator ipse Spiritum Sanctum est in Evangelio pollicitus) infallibile ferre judicium de cujusvis Sanctitate, aut vera virtute, ac meritis coram DEO. Quare hac omnia & singula plenè ac perfectissimè subijcio, sensui & judicio Sancta ejusdem Matris Ecclesia, cujus obediens filius esse ac vivere semper volo, auxiliante Deo itã, ut atrocissimis malim potius interire tormentis, quàm ab ejus decretis & sensu dissentire. Itã me DEUS adjuvet.*

JOHANNES TANNER  
Societatis JESU.

PRO-



## P R O O E M I U M.

**E**Xigere videbatur singularis  
 P. ALBERTI CHANOW-  
 SKY virtus, ut quæcunque  
 ri hujus haberi possent lucubra-  
 ones, tanquam Sacra quæpiam  
 alecta proferrentur in usum ac-  
 ctum publicum, non minimum  
 rtè allatura etiam gloriæ divinæ  
 Salutis animarum augmentum,  
 m sæpè Spiritus & vis animi ma-  
 s appareat in eis, quæ quis dixit,  
 scripsit, quàm quæ de ipso scrip-  
 re alij & dixere: præsertim cùm  
 ris sanctissimis non semper scri-  
 ores obveniant paris Sanctitatis.  
 Paraverat quidem typo plura  
 ter CHANOWSKY lingvâ Boë-  
 icâ: inter quæ est præclara quæ-  
 m in dialogi reducta normam  
 catecheseos, variorumque Eccle-

fiæ rituum explicatio; item dialogi de Nativitate & de Passione Domini ad plebem rusticam varijs in locis producti. Hæc autem, quæ stylo & phrasi ejus servatâ, in lucem proferuntur Latina, affecta solùm sunt à morte ejus reperta: adeoque cùm manus extrema defuerit, faciliorem apud Lectores invenient veniam, sicubi numeris suis non absoluta putabuntur.

Præfixerat ille suis hisce collectaneis Titulum *Boëmiæ piæ*, cujus tituli Majestas, cùm opusculi hujus conditionem excedere longè videretur, illi Epigraphen *Vestigij Boëmiæ piæ* præfixi, quia P. CHANOWSKY Boëmiæ piæ Tomum, quasi quoddam ædificium ingens moliturus, in his collectaneis suis, velut in quodam futuræ structuræ vestigio, cogitationes suas incepit delineare.

Nec

Nec mirum id videri debet, cū  
m ante Wenceslai Pigri tempora  
gnum hoc maximō pietatis cul-  
præ reliquis Evropæ provincijs  
estibus Ænea Sylvio, Cochleo.  
) floruerit, deindēque Hussita-  
m oppressum armis, innumeros  
elo dederit Martyres, ac tandem  
per ingenti DEI beneficio, rur-  
s Augustissimorum Austriaco-  
m Cæsarum studiō Sanctæ resti-  
tum Ecclesiæ, multis viris Apo-  
olicis ingentium laborum pariter  
virtutum, præbuerit amplissi-  
am occasionem.

Habet etiam Natio Boëmica id  
eculiare, ut, cū pietatem suam  
DEUM vult contestari, quam  
entes aliæ pijs peregrinationi-  
us, arctis jejunijs, acribus cor-  
oris diverberationibus, prolixis  
recibus, publicis inspectante po-  
pulo



pulô, pænitentiaë & ardoris indicijs, magnificis supplicationibus, personalibus erga ægrotos in Nosocomijs obsequijs, ab hominum consortio secessibus, aliisque modis sanctissimis, declarant; ipsa se non putet id præstare posse excellentius, quàm si liberali munificentia opes suas in cultum DEI promovendum, in Religiosorum ordines sustentandos, in Templorum donaria, atque in alia ejusmodi infumat.

Hinc tanta vetustissimarum Foundationum multitudo, tantus olim in Boëmia Cænobiorum, Xenodochiorum & Nosocomiorum numerus, tanta Templorum amplitudo & Majestas, tantæ Ecclesiarum opes. Hinc etiam tanta iterum à gloriosa Ferdinandi II. Imperatoris in Albo monte adversus hereti-



hereticos Anno 1620. Victoria, in-  
a tam breve annorum spatium,  
onasteriorum Religiosorumque  
equentia, ut cum ante illam vi-  
oriam prope nulli censerentur,  
inc eorum millia possint iterum  
merari.

Quare, quæ in his Auctarijs bre-  
ter nunc adijciam, boni Lector  
nsulat: in quibus ipsis cum plu-  
nùm adjutus sim operâ Reveren-  
rum è Societate nostra PP. Geor-  
Crugerij viri veterû & abstrusio-  
m patriæ monumentorum peri-  
simi, & Bohuslai Balbini omni  
litori eruditione excultissimi,  
riptis suis de patria pietate benè  
eritorum, eorum etiam honori-  
am memoriam grati animi ergò  
oportuit collocari.

Quæcunque autem hîc seu de-  
arationis, seu complementi, cau-

sâ addidi, ea, ut Lector à genuino  
 P. Alberti partu, & ab eis, quæ reli-  
 giosæ venerationis causâ ubiq; re-  
 tinui, verbis proprijs secernat, se-  
 orsim aut charactere diverso aut  
 præfixo speciali titulo, distin-  
 cta excudi feci.



VES-



# VESTIGIUM BOEMIÆ PIÆ

Autore P. Alberto Chanovvsky So-  
cietatis JESU.

## CAPUT I.

### *Eucharistica.*



Nea, quæ ex Boëmia  
ducit in Bavariam  
semita, non procul  
à Templo peregrina-  
tionibus celebri  
Deiparæ dicato, ad  
S. Cruorem dicto,  
lapis visitur non

modicus uno ex latere à summo ad hu-  
mum quasi abscissus. Cùm enim reliquos  
inter è Boëmia peregrinos quondam An-  
cilla Rustica è tugurio, propè Templum



S. Catharinæ Virginis ad limitem Boëmiæ sito, ubi vulgò na Královstvy / id est, in Regno, nuncupatur, sacratissimo Domini corpore apud S. Cruorem sumpto, domum reverteretur, accidit, ut ex nimia potûs cibique ingluvie, quâ se se illo die immodicè ad ebrietatem ingurgitaverat, excitatum vomitum in eum lapidē ejecerit: qui statim, quasi petras in Domini morte quondam scissas imitaturus, ita medius diffiliit, ut nullius manu artificis melius findi potuisset: simulque hoc, quod etiamnum eò loci superest, frusto immoto, segmentum alterum ad spatium sex ulnarum occultâ vi fuit inde revolutum: quod postea Don Martinus de Huerta in arcem suam Welhartitz miraculi memoriam, curavit inferri.

Nepomuci habetur cista, in qua sacræ vestes in prætorio illius oppidi asservabantur. Exorto autem aliquando illic incendiô, totum ferè prætorium conflagravit. Arserant sub cista pavementum & trabes; supra fuit igne coöperta; a partibus tota in igne, & cùm constaret ex lignis

gnis

piccis, tamen ignem non concepit,  
ue sacræ vestes, quas continebat, mi-  
um quid detrimenti passæ fuerunt.  
ic ibi piè servant, propter prædictæ  
memoriam.

Ibidem circa Annum Domini 1580.  
es V. Sacramentum unà cum Ciborio  
eperunt, & ejectis sacris hostijs in  
rem lignorum, cum sacro vasculo ab-  
ant. Manè autem factò, Pastor mina-  
pecora ad pascua versus prædicta li-  
: quo cùm venissent, rugitu & mugi-  
& genu flexionibus honorabant Cre-  
rum suum. Neque abigere illa indè  
tor potuit priùs, quàm sacerdos cum  
pulo venisset, & inde V. Sacramentum  
nestè detulisset in Ecclesiam. In eo au-  
n loco est nunc sacellum Corporis  
risti.

Cùm monasterium Milivvsko, Ordinis  
amonstratensis tempore hæreticæ ad-  
rsus Cæsarem in Boëmia rebellionis,  
cupasset quidam Dominus Hodiegovv-  
y inclusissetque in Templum oves suas  
rciter trecentas, omnes illæ eâdem  
cte illâ sunt extinctæ.

Horazdovvicij Festo Corporis Christi tempore processionis, quædam Materfamilias dixit, *claudite nostram domum, nè forsitan iste DELL'S apus*, (seu carens pedibus) *adnos ingrediatur*. Volens eâ blasphemiam Christo benedicto exprobrare quòd cùm, alienis sacerdotum manibus circumferatur, ipse ambulare non posse videatur. Sed omnino suâ potentiâ ingressus fuit. Nam procax illa Mulier Filium, quem utero gestavit, peperit sine pedibus, & educavit usque ad Adolescentiæ, aut ferè virilis ætatis annos, ut esset exemplum omnibus. Ipsa miserabiliter periit. Maritus ejus seipsum interemit. Testes hujus rei tota civitas Horazdovvicensis.

Strakonicij in Templo arcis est foramen seu vorago in terra, ubi absorpta dicitur quædam Domina, eò, quòd præ superbia sibi curaverit pinsi crepidas ex simila, seu triticeo candido pane, id quod videbatur redundare in contumeliam V. Sacramenti à Christo Domino sub specie candidi panis instituti. Supra hoc foramen



men est altare, in quo propter evaporationem aquæ ex illo foramine omnia madent.

Budwicij habitabant plurimi Judæi, & olim synagogam habebant propè ad Templum Christianorum. Contigit autem aliquando, ut V. Sacramentum cum Monstrantia ex Templo furtim auferetur. Et dum sacerdos Catholicus sollicitè inquireret de amissis, Sol resplenduit in pariete synagogæ Judæorum, in quo splendore visa fuit Monstrantia; quare eo indicio amissa invenerunt. Judæos maturos omnes occiderunt, cum junioribus matrimonia junxerunt.

Non longè à civitate Kutenbergensi in pago dicto Priow, V. Sacramentum in quodam pomario sub arbore inventum fuit; fures enim direpto quodam Templo, id illuc projecerunt. Quidam autem vir & mulier valdè adversa valetudine colluctantes eò advenerunt, Christum adoraverunt & sanati sunt.

Olomucij in Moravia eo loco, quo nunc est sacellum nobilium convictorum, fuit

fuit quondam synagoga, in qua Judæi V. Sacramentum confixerunt: Et hinc origo illius facelli: nec ab eo tempore quisquam Judæorum in ea urbe habitat.

## AUCTARIUM.

**G**Itzinij, civitate olim Pikartitarum hereticorum nido, Fides Catholica cœpit post Anni 1620. Victoriam à Ferdinando Secundo Casare in Albo Monte obtentam reflorescere hâc occasione. P. Joannes Flaxius è Societate JESU ibi feminam quandam agrotam cognomine Holubianam sacrâ synaxi refecturus accesserat. Dùmque sacratissimam hostiam super patenam elevatam jam porrigere pararet, repentè ex hostia illa cœpit sanguis guttatim stillare, nemine tamen id ipsum, præter solam agrotam advertente. Quæ cùm paulò antè hæreticis adhesisset, negassètque sub specie panis, etiam sanguinem Christi Domini contineri, hoc prodigio admonita, cepit & ipsa tantò firmitus Catholicam amplecti veritatem; & ad aliorum



orum conversionem maximum attulit momentum, cum hoc suum visum plurimis divulgasset, idque constantissime testaretur ad mortem usque, quæ paulò post fuerat consecuta.

Cum Anno Domini 1618. Hæretici, qui civitatera Pilsnam duce Mansfeldio obsidebant, Templum omnium Sanctorum in colle civitati vicino locatum convertissent in ovile, eorum quidam super aram maximam petulanti proterviâ jacere, & dormire ausus, inventus est à socijs suis exanimis, & ex ara translatus ad sepulchrum.

## CAPUT II.

### *Mariana.*

**A**Nno 1620. cum Maximilianus Baviaræ Dux & Comes Bugwoi exercitus Catholicos contra Pragam ducerent, invenerunt civitate Strakonicensi imaginem bea-  
Virginis Deiparæ sculptam, à militibus

bus hæreticis pessimè tractatam ac vulneratam. Hanc Pater Dominicus Ordinis Carmelitani, vir sanctitatis celeberrimæ, tunc exercitum Catholicum comitatus, secum ad Album montem abstulit ad locum victoriæ, quam ipse clarissimè prius (haud dubiè ex Regina cælorum patrocínio ac revelatione) palàm prænunciavit. Indè imaginem illam Romam secum detulit, Templumque in quo locaretur fecit erigi, dictum: *Beatissimæ Virginis de victoriâ Boëmica.*

Ad civitatem Pržibram est Templum beatissimæ Virginis in colle, qui vocatur *Mons Sanctus*, cujus denominationis causa dicitur esse, quòd cùm olim in illo colle patibulum, & in alio remotiori à civitate Templum ædificare disponderent, materia futuri ædificij Templi transferretur ad propinquiorem collem civitatis; id quod occulto quodam & miro modo fiebat: & indè dicitur appellatus *Mons Sanctus*, quòd sibi eum DEUS elegerit, & sanctificaverit. Alij autem referunt equitem quendam cum adversarijs congressum,

gressum, & ad certam mortem petitem, rix fugâ vitam salvâsse, & cursu velocissimo equi, tandem in prædicto monte contitisse & indè vocasse eum Sanctum montem; & pro gratiarum actione illic DEO & beatissimæ Virgini sacellum exstruxisse. Imago ipsius non ita pridem fuerat depicta in ipsa æde sacra, & literæ tantum initiales nominis & cognominis ipsius. In renovatione autem Templi hæc deleta sunt. Illic igitur nostro tempore erat vetus Imago Beatissimæ virginis, quæ fortè, dum hæc civitas aliquando Catholica erat, miracula, faciebat, sed tempore hæreticorum sinè dubio cessârunt. Quo tempore etiam quidam cremita hæreticus sacris imaginibus in pariete templi depictis oculos eruit.

Contigit aurem Anno 1629. circa diem 20. Julij parocho Præibramij existente D. Joanne Welwarsky (cujus maxime operâ Senatus prædictam imaginem unâ cum altera statua S. Elisabethæ curavit renovari) sequens historia.

Pictor hæreticus ridicula quædam de his



his imaginibus loquens à Domino Parocho monitus fuit, tales jocos relinqueret; sed is cùm renovasset imaginem sanctissimæ virginis Matris & Filij, inhonestè illas appellabat, in domo Primatis, ubi pingebat. Et ecce ultio divina in illum. Paulò post fulmen ter subitò consequenter intonuit cum maximo boatu; & pictorem prostravit, manúmque dextram adussit. Erat tota sicut pannus, vel carbo, nigra. Interim ignis ille discurrebat per hypocaustum, & atrium domûs: sed neque imaginibus, neque ulli rei in domo quidquam nocuit, quia tantùm ad ultionem de blasphemo pictore sumendam missus erat. At ille animadvertens manifestam pœnam sui sceleris, vitæ emendationem promittebat: & factus Catholicus ad huc hodie vixit.

Eodem Anno 1629. fuit quidam Prægæ textor, nomine Joannes Swoboda Nimburgo oriundus, qui eliso aliquando uno oculo, altero tantùm ad videndum utebatur, sed illo etiam obtenebrato omnino cæcus multo tempore extitit: cujus  
rei

rei testimonium habet scriptum à Senatu Pragenfi. Hic varia noctu somnia, & de die internas motiones habuit, ut adiret sanctum Montem, illic Eremita fieret, ut visum reciperet. Huic divinæ monitioni non statim locum dedit, partim, quòd dubitaret, num verè id voluntas DEI esset; partim quòd nesciret, qui & ubi Mons Sanctus diceretur, & cæcus eò ire non posset; partim quòd uxor ejus Pragâ abire, & solitariam cum illo vitam agere nollet. Distulit hoc itaque duobus annis. Tertio tandem anno, qui fuit Christi 1632. ita hujusmodi cogitationibus agitatus, & fatigatus fuit, ut ferè amens efficeretur. Et tunc tandem de loco inquirere coepit, & conducto puero Präibramium adductus Anno 1632. decimâ Junij. Visum autem illius oculi recepit eo Anno die 14. Junij: nam alter oculus pridem omnino excussus fuerat.

Hic plurima DEUS in honorem Matris suæ operatur miracula, licet ea ex mera negligentia non conscribantur. Hæc tamen quasi in communi præcipua  
his

his 6. Annis ab Anno 1632. adusque Annum 1638. notata fuerunt.

Imprimis , diversis hominibus eò venientibus , aliquando imago nihil mutatur , aliàs autem fit cærulea , uti cæruleus pannus ; aliàs pallida , sicut alba tela ; aliquando erubescit ; aliàs unum vel utrumque oculum claudit : & subinde uberes lacrymas fundit. Forsitan proüt sunt gravia alicujus adstantis delicta. Terribilis autem mutatio contigit Anno 1638. die 19. Martij pluribus præsentibus , quando manifestè tota imago se avertit à Domina Dorothea Miesiczkowa , & cùm violentè eam vertissent vultu ad eam Dominam , iterum tota statua magnâ vi , se ab illa avertit. Et licet hoc quidam conati sint obscurare , & suppressere : tamen illa ipsa Domina , hoc idem multis retulit , & multi , qui huic miraculo aderant , testantur.

R. Dominus Sallerus Parochus Pržibramensis sæpius conabatur montem illum equo vectus conscendere ; equus aliàs mansuetus tulit Dominum usque ad radi-

• cem



cem montis, sed ulterius nullâ ratione progredi voluit; quod multi pro miraculo habent, quasi bestia non auderet Montem Sanctum contingere.

Anno Domini 1637. die 20. Junij noctu utraque campana, quæ supra Templum sunt, pulsabantur. Exterritus eremita consurrexit, Templum clausum reperit, aperuit, & nihil amplius audiuit, neque vidit motus funium camparum. Quare conterritus existimabat illusionem; donec manè ex civitate ad illum quidam miserunt, rogantes, quis pulsus illâ nocte fuerit, & quid significaverit. Quibus respondit se etiam audivisse, sed causam facti ignorare: totus tamen fuit turbatus, nesciens quidnam hoc portenderet.

Anno 1638. die 1. Junij lumen quasi fulguris coruscantis totum Templum exterius circumdedit. Quod subinde dicitur fieri, maximè verò circa festa Beatissimæ Virginis.

Catharina filia Joannes Tubicinis Brzefniczenfis continuâ feбри divexata nullis



nullis medicinis curari potuit. Voto autem concepto, & peregrinatione susceptâ ad S. Montem Pržibramensem sanata fuit.

### *Hæc de Monte Sancto hætenus.*

*Notandum, quòd dum hæc de S. Monte scriberet P. Chanovsky, tunc necdum fuerit Sacellum illud curæ Societatis commissum, nec adhuc in magna publica veneratione; sed solitarium stabat clausum, aperiebaturque dum D. Curatus ab advenis fortè rogatus ascenderet, aut etiam sacum celebraret.*

*Prosequitur sua Mariana P. Chanovsky.*

Illustrissima Herula Euphrosyna de Sternberg filia Domini Adami supremi Burgravij Boëmiæ, compluribus annis adversâ veletudine laborabat, ut vix ossibus hæreret. Vidi frequenter illam jam nubilem ab ancilla vel famulo tanquam infantem in ulnis gestari. Hanc subiit aliquando vehemens desiderium, ut peregrinatio-

nati-



nationem pedes susciperet ad sacram ædem S. Jacobi Ordinis Conventualium S. Francisci, Vetero-Pragæ; quod Mater Comitissa ab Hohenzollern prohibebat, eò quòd prædicta virgo ne hypocauftum quidem commodè transire posset. Tandem victa Mater Filiae importunis precibus cessit, & concessit dictam peregrinationem. Est illic celebris Imago beatissimæ Virginis, quæ frequentibus miraculis exornatur. Eundum erat per arcem Pragensem, per Pontem, per minorum ac veterem Urbem: comitabantur sorores, & plures pedisequæ, ut deficientem roborarent; non est tamen passa, ut earum obsequium admitteret in via, quamvis sæpius ipsa substituterit, & respiraverit. Donec tandem feliciter ad optatam imaginem Beatissimæ Virginis perveniret; ubicùm vota exolveret, & dona offerret, statim sensit, se sanatam. Quare gratias agens Christo, & Beatissimæ Matri domum jam faciliè sine ullo humano auxilio repedavit. Et tandem salutari consilio cum eodem Christo, & B. Vir-

B

gine

gine factò ad ordinem Carmelitarum Discalceatarum Viennæ est adscripta, ubi in vitæ austeritate, maximè verò humilitate & obedientia, etiam modò vivit.

Nezamislicz est pagus sub Dominio Žichowicensi Illustrissimi Domini Francisci Libšteinsky de Kolo wrat, ubi Templum Beatissimæ Virginis egregium visitur, olim à Puta Barone Swihowio ibi erectum. Magnæ & solemnes eò fiunt peregrinationes, præcipuè Festo Annunciationis & Assumptionis B. Virginis. Plura sinè dubio olim facta, sed nulla notata miracula, excepto uno, quod nostrâ ætate contigit, & ibidem depictum & descriptum cernitur: cujus exscriptionem hîc expono. Sic ferè se habet. Anno 1626. venerunt aliquot milites ad prædictum Templum, & in summa æstate ac mense Julio illic sub dio in campo pernoctârunt. Erat autem inter illos unus cum uxore valde prægnante, quem reliqui notârunt nummos asservare. Quare conspiratione factâ ipsum interemerunt: Uxorem illius etiam novem vulneribus infli-



infiētis in ventrem punctim, & totidem alijs cæsim vulnerârunt, & aliàs multum contuderunt, & mortuam (uti existimabant) manipulis contexerunt, atque distributâ inter se pecuniâ, abierunt. Illa autem fœmīna preces & vota ad DEUM & Beatissimam Virginem fundebat. Manè factō, rusticus quidam suos dissipatos manipulos colligens mulierem vivam reperit & aquâ turbidâ potavit, & vulnera lavit. Illa recreata ad vicinum Templo Xenodochium perrexit, sed inde repulsa, & extrusa ad pagum sub quodam tectō ventis pervio duobus diebus jacuit. Tertiâ autem die peperit infantem mortuum, atque tunc ad exilem rusticanam domunculam est recepta, cibo sustentata octodecim diebus à Domina Lucia de Martinitz Fundatrice deinde Collegij Clattoviensis. Miraculosè auxilio Beatissimæ Virginis sanata; demum in Bavariam septemdecim milliaria, duce quodam nuncio confecit, promittens se quotannis Nezamislicium pro gratiarum actione visitaturam; quod etiam pluribus annis fecit.

Illustrissimus D. Henricus Baro de Kolowrat Dominus in Žichowitz cum conjugē Elisabetha de Lobkowicz vixerat jam annis 8. neque ullam prolem susceperat. Quodam tempore incescit utrumque conjugem desiderium peregrinationis ad B. Virginem in Bavaria, dictam *ad Sanctum Cruorem*. Habuerunt eo tempore apud se in missione nostrum Religiosum Patrem Gregorium Kaminsky, qui longitudine morbi semper ingravescentis, desperatâ jam valetudine, Domini & Dominae precibus se commendabat, & ut pro ipso sive vivo, sive defuncto Sacrificium Missæ in prædicto sacro loco offerri curarent, exorabat. Petierunt pariter ab ipsâ Domini pia in eodem loco suffragia, duo conjuges illorum subditi pro filio suo, quem infantem distortâ facie, manibus & pedibus deformiter divaricatis habebant. Postquam igitur prædicti Domini locum sacrum attigissent, & sequenti die sanctam ædem adiissent, Domina visis tot Sacerdotibus, quasi divinitus mota, singulos rogare cepit, ut in Missa

Deo



Deo offerrent desiderium ipsius, quod illi inibi occurrerat ex repentina quadam re, se nimirum certo concepturam Filium, si pro ea ad Deum illi Sacerdotes exorarent. Factum est, & Mulier concepit, & suo tempore peperit Filium Franciscum nomine qui nunc utilissimus servit suæ Majestati, Ferdinando III. Consiliarius intimus, Camerarius, Præses Cameræ Boëmicæ & Aulicæ, semper præsens suæ Majestati. Et pro grati animi signo imaginem Filij depictam in eo loco sacro appenderunt, quæ etiam hodie inibi visitur. Appromiserunt etiam DEO, & Divæ Virgini, se quotannis semel, dum viverent, eam ædem adituros, & gratias acturos. Accidit autem, dum illic morarentur, curârunt Sacrum fieri pro dicto Patre Kaminsky, & infante deformi, ut dictum est, Sacrum, inquam, in Bavaria, & ecce in Boëmia illâ ipsâ horâ Sacri, Pater propè moribundus surrexit, indutus deambulavit, cibum sumpsit, integrè denique sanatus fuit, mirantibus & stupentibus omnibus. Infanti quoque de-

miter informi eâdem horâ divinitus omnia membra directâ, & decenter suo ordine & loco composita subitò sunt. Hinc DEUS & Regina cæli summè laudati fuerunt. Vidi hunc puerum jam juvenem barbatum in aula prædicti Domini, qui jam uxoratus vivit.

Reperta fuisse aliquando narratur imago Divæ Virginis in agro Cajoviensi, quæ in Templo collocata inibi plura edidit miracula, quæ notata non fuerunt. Celeberrimæ tamen eò processiones, & accursus populi habentur. Majoribus etiam solennitatibus Beatissimæ Virginis, vigiliæ, veteri more Ecclesiæ celebrantur. Maximè verò ad initium autumnî collectis jam frugibus, tria, ut vocant, aurea Sabbata, maximâ populi frequentîâ, vigilijs, & devotione transiguntur. Unum tamen occurrit, quod contigit nostrâ ætate cum Reverendo Patre Marco Mariano Societatis JESU. Natus is fuerat Budvicij honestis parentibus, membris tamen quibusdam distortis. Quare solliciti & afflicti parentes ad Christum Do-



Dominum & Reginam cæli humillimè confugerunt rogantes, ut illum rectitudine membrorum donarent: quin etiam infantem Cajoviam deferentes Divæ Virgini obtulerunt. Nec frustra, nequè morâ; citò membra omnia suis locis directa fuerunt, puérque ob id *Marianus* appellatus; quamvis, ne fortè esset aliquando beneficij immemor, vestigium mali in altero pedum supersit, quo aliquantum claudicare cogitur.

Quodam tempore, ut homines fide digni, qui etiam nunc supersunt, testantur, Buccinator hæreticus ex oppido Milin, concionatus in pago Peczicz, & post concionem promulgaturus Festum B. Virginis Assumptæ dixit: Utrum sit assumpta nescio, sed hoc scio, fuisse peccatricem, uti aliam quamlibet fœminam. Post hæc cum ædituo & puero revertebatur domum; & cùm gravis somnus illi obreperet, in quodam prato decubuit, & somnū mortis somno naturæ sociavit. Et multij pij dixerant ipsū à Christo Domino, ob injuriam S S. Matri illatam, meritò punitum fuisse.

Anno 1160, Sub Rege Boëmiæ Wladislao, rustico quodam, apud veterem Boleslaviam arante agrum suum, cùm ad eum locum venisset, ubi nunc majus altare in sacello B. Virginis visitur, (*quando enim hæc scribebat P. Chanovsky, tunc necdum erat erecta grandis illa, quæ nunc stat, Basilica pro imagine B. Virginis*) equi substituerunt, & nullâ ratione ulterius progredi voluerunt. Suspiciatus ruricula, id quod erat, aliquid mirabile eò loci latere, scrutando profundius in terra, imaginem D. Virginis cum puerulo JESU reperit. Bis & tertio ad vicinâ Sacram ædem S. Wenceslai reposita, ter in prædictum locum, ubi prius reperta fuerat, redijt. Adverterunt Canonici Boleslavienses eam colendam in eo loco. Quare exiguam prius ædiculam inibi extruxerunt, quæ deinde piorum hominum Eleëmofynis dilatata fuit. Hoc gratum fuisse Numini testantur miracula divina, piorum vota, peregrinationes, & dona. Hæc autem Imago putatur fuisse D. Wenceslai Martyris, cui occiso ali-

quis



uis de collo detractam in terram abjecit, & humo profundius sepeliverit; ex eodem enim metallo, scyphus ejusdem S. Martyris conflatus visitur (*Quando hæccribebat P. Chanovsky, tunc scyphus adhuc visebatur, sed nunc amissus est, statûrque in Galliam ablatuſ per quosdam religiosos, apud quos tempore belli Sveci Praga depositus fuerat*) Jam autem iracula sinè dubio plurima, quæ frequenter illic contingebant, non sunt conscripta, nisi hæc pauca, quæ nostro tempore contigerunt.

Anno 1588. Carolus Campagnionem fregit, sed conceptô votô ad D. Virginem Boleslawiensem, statim sanatus fuit.

Anno 1609. Elisabeth Baronissa Berolina, aliàs oriunda è familia Baronum Hierotin, in partu moribunda, votô tunc per maritum, feliciter enixa, cum sole & Marito votum læta persolvit.

Anno eodem 1609. Anna Feldkyrin ex gravi in pede vulnere, post votum subito sanata.

Illustriſſimi Domini Comitis Jaroslai Martinitz duo Filij diversò tempore, graviter usque ad mortem decumbentes, votis conceptis à Parentibus, sanati sunt. Idem aliàs & Parentes, & filij, in varijs necessitatibus magna beneficia per eandem Reginam cæli experti.

Anno 1610. Georgius Ludovicus Landgravius de Leychtenburg cum filia, quæ postea nupsit Duci Bavarix Alberto, in gravissimis morbis per votum subitò sanati.

Eodem Anno Joannes Besch Silesius Boleslawix existens duabus filiabus in Silesia commorantibus sanitatem impetravit.

Eodem Anno 1610. Bartholomæus Tyksler ex nova civitate Pragensi manum fregerat, eodem modò sanatus est.

Sic Anno 1611. Illustrissimi D. D. Christophorus Albertus de Raupowa & Christophorus Comes de Fürstenberg ex morbo sanati.

Anno 1612. Margaretha Comitissa de Donin sanata.



Sic quidam Silesius Hæreticus, quam-  
is in Beatissimam Virginem blasphemus,  
tamen patrociniò ejus ad Catholi-  
um fidem sincerè & ardentè est conver-  
sus.

Anno 1613. Illustrissima Domina Lu-  
a Slawatina ultima Familiæ de Nova-  
mo, & Sabina Zeidlicowa, eandem Vir-  
nem benignam erga se expertæ.

Anno 1626. Quidam Civis è minori  
vitate Pragensi seu parva parte, lethar-  
ter æger, invocatâ hac Sanctâ Patronâ  
nitatem recepit.

Anno 1626. Eodem modò Wilhel-  
us Wirtenhorst ferè stultus sanatus fuit.

Anno 1627. Quædam Mulier dolores  
lli, tactu veli, quod Sacram Imaginem  
tigerat, sanavit.

Eodem modò R. P. Wenceslaus Rau-  
nar Societatis JESU Religiosus, e-  
rvatæ unius manûs sanitatem impe-  
vit.

Anno 1628. Quædam Virgo Barbara  
parva parte Pragensi sanata est.

Anno 1629. Elisabetha Tanneriana

B 6

Civis

IV.V

Civis Pilsnensis . Jacobo filiolo ex calculo gravissimè ægro sanitatem impetravit.

*Et hac ipsa Elisabetha est Mater , Jacobus verò est frater meus Joannis Tanner, qui vitam P. Alberti Chanovsky conscripsi , & hac collectanea auxi , testorque miraculum illud omnino sic se habere.*

*Hactenus de veteri Boleslavvia.*

Illustrissimus Dominus Florianus Theodoricus Šdiarsky, cùm in Italia Loreti existeret, ingens ipsum desiderium incessit, ut si incolumis in Patriam revertisset, tempellum Beatissimæ Virginis ad modũ Lauretani in suis bonis ædificaret. Accessit pòst etiam altera causa, quæ ipsum ad ædificandum prædictum Sacellum vehementiùs perurfit.

Cùm enim Uxorem duxisset Illustrissimam Dominam Elisabetham Coronam Comitissam de Martinicz & nullam prolem ex ea suscepisset, idem desiderium votò firmavit. Post felicem itaque victoriam illam, quam Divina Majestas largita est Ferdinando II. Imperatori, receptâ Pragâ & totâ Boemiâ, prædictus Illustrissimus



rissimus Ždiarsky, ubi Passaviô domum revertisset, locum aptum pro Sacellum rigendo elegit. Est campus undique patens, in quo Silvula quadrata, quarum levcs Pragâ, in cujus medio fundatum est Sacellum ad longitudinem & latitudinem Sacelli Lauretani in Italia, anno 1623. Primum lapidem Illustrissimus Dominus cum uno Patre Societatis fuit. Indictæ sunt deinceps peregrinationes magnâ populi pietate, & Spirituali fructu quotannis celebratæ, ubi nonnulla etiam miracula evenerunt.

*Lapidem illum fundamentalem posuit D. Comite, ipsemet P. Chanovsky propterea in Vita ejus dictum est. Postea D. Franciscus Filius prædicti D. Comitæ erexit illam sacram adem Monasterium Patri-  
Bernardinis S. Francisci.*

## CAPUT III.

*Sancti Boëmi.*

Patro-

**P**Atronus Boëmia habet multos. Domestici sunt S. Wenceslaus, S. Adalbertus, S. Gaudentius (Boëmis dictus S. Radim) S. Adalberti carne & Religione Frater, ejusdem in Archi-Episcopatu Gnesnensi Successor, ex Polonia Pragam cum S. Adalberto translatus à Duce Brzetislao Anno 1039. S. Procopius, S. Ludmilla, Joannes Nepomucenus, Agnes Przemislai Ottocari, filia, Hroznata à Kuttenstein & Woyslawa Soror ejus, Zdislava Stemmata Berkowna, Mlada filia Boleslai crudelis, Przemislawa Soror S. Wenceslai, Podiwin aulicus S. Wenceslai, Amabilia stemmata Szwioskiana: Ernestus Archiepiscopus Pragensis, Wenceslaus Secundus Rex Ottocarus, Kunhuta vidua Monialis filia Ottocari, Soror Wenceslai Regis.

Plurimi Martyres Sacerdotes & Laici clàm & palàm sub Principatu Drahomiræ & deinceps usque ad principatum Boleslai Pij occisi.

Quinque



Quinque Martyres fratres germani S. Adalberti, quorum nomina sunt: Sobiebor, Spitimir, Bohuslaw, Boržeg, Cziaslav ab Ethnicis in civitate Libice, vivente S. Adalberto occisi.

Catechismus historicus Dauroultij scribit, quod Eurosia Filia Regis Boëmiæ in Hispania à Mauris ob fidem & Virginitatem servatam occisa, in civitate Laca, multa ediderit miracula, promiseritque illi DEUS, quòd qui illam invocaret pro pluvia, vel contra pestem, per intercessionem ejus exaudiendus esset.

Adjacet Nepomuko Arx, (ubi olim fuit monasterium) nomine Zelena Hora/ id est viridis mons. Cùm igitur olim Boëmi suo Sancto Episcopo Adalberto inobedientes fuissent, ipse desertis illis Romanam petijt, & expetijt à Summo Pontifice in illos excommunicationem: unde non pluit in terram illam duobus circiter annis, sed cùm postea repeteret Boëmiam, ascendit in prædictum montem, & absolvit, jussu Papæ, Boëmos ab excommunicatione. Et ecce subito Cælum pluere cepit,



cæpit, & montis prædicti herba arida statim reviruit, unde nomen accepit, Montis viridis. In illa arce est lapis durissimus, in quo aliquoties sedit Sanctus Episcopus Adalbertus, & manent vestigia illius sessionis.

Medio milliari à Nepomuco, est in Silva sacellum S. Adalberti, & in eo lapis valdè durus, in quem impressum est signum totius corporis S. Adalberti jacentis, quia Sanctus jacuerat in illo. Multa DEUS ibi sanitatum operatus miracula; ego bis jacui in eo lapide, & bis fui sanatus à febribus.

In Sacello Arcis Zwikow scriptum est: *Mi Sancte Gerlace, ora pro me.* Fuit hic vir valde pius ex ordine Præmonstratensi, cujus corpus in Zwikow fuit aliquot annis, postea translatum in oppidum Miliwsko.

Cajoviæ ostendebatur capitis humani calvaria, quæ in altari reperta, ad ossarium deportata non semel iterum priorem locum repetijt. Forsitan alicujus Sancti viri fuit.

NOTÆ

## NOTÆ ET AUCTIONARIA.

## §. I. De Sanctis domesticis Patronis Boëmia.

**Q**Uæ P. Albertus hoc capite indigesta congregavit, explicatione indigent, præsertim, cum non paucæ ab eo hîc memoratæ personæ nec à S. R. Ecclesia in Sanctorum sint catalogum relatæ, nec vulgo nunc notæ, multò minùs publico aliquo cultu his temporibus afficiantur. Ut ergo constet, qua de causa Pater Chanowsky eas in numerum Cælitum Boëmiæ Patronorum reponendas judicârit, res hæc est prolixius deducenda, non quòd de Sanctitate cujusquam putemus esse alterius, quàm S. Universalis Romanæ Ecclesiæ, certum & infallibile ferre judicium, sed ut salvò, & inviolabiliter observatò decreto Sanctissimi Urbani Octavi Papæ, humanâ historicâ fide P. Alberti mentem illustremus. Quare quos hîc Beatos exemplo Patris Chanowsky appellabo, id solùm faciam



juxta consuetudinem, quâ video in Boemia has à Sanctitate laudatas personas, passim Beatorum titulo affici; neque id volo ullum facere præjudicium, ad earundem Canonizationem, cum nec è mente hæc scribam, nec mihi constet de omnibus fundamentis, ex quibus hæ appellationes sunt exortæ, adeoque totum hoc omniâque alia in hoc opere non tantum S. Ecclesiæ Romanæ judicio submitto, sed etiam insuper constitutionem Urbani 8. plenè observatam cupio, siquidem solâ nudâ fide humanâ hæc à me proponuntur.

De sancto autem Joanne Nepomuceno satis relatum est in vita P. Alberti Charnowsky cap. 1.

Sanctus Wenceslaus ac Avia ejus S. Ludmilla, & S. Adalbertus, ac S. Prokopius in Boemia solennes per annum habent ferias, cultui suo, Catholico ritu dicatas, & à Regno Boemiæ universo tanquam Patroni Cælitres publicè coluntur. Sciendum enim est gentem Boëmam fuisse cultui SS. suorum Patronorum magnâ



inagnâ pietate semper addictam : Unde hodiéque per Archidiæcesim Pragensem universam clerus Sacrum Officium feriâ quintâ nullo festo 9. Lectionem impedita recitat, sub ritu Semiduplicis de SS. Patronis. Tametsi autem magnus est numerus horum Sanctorum Boëmiæ Patronorum, primarij tamen, notæque præcipuæ antiquitus fuêre solum quinque, videlicet.

• S. Wenceslaus Martyr, Boëmiæ quondam Dux, Regis titulo ab Ottone 1. Cæsare decoratus, quamvis is humilitatis studio nunquam titulum illum admiserit.

S. Ludmilla ejus Avia.

S. Vitus Martyr gente Lucanus in Italia.

S. Adalbertus Martyr Pragensis Episcopus.

S. Procopius Abbas Ordinis S. Benedicti.

His à Carolo 4. Cæsare additus est S. Sigismundus Martyr Burgundiæ Rex, cujus corpus tunc Pragam est allatum Anno 1365.

Deinde

Dein

Deinde ad Annum 1630. nutu pijs-  
 ſimi Ferdinandi II. Imperatoris in nume-  
 rum illum cooptatus eſt S. Norbertus  
 Magdeburgenſis Archiepiſcopus, Ordinis  
 Præmonſtratenſis Fundator, dum ſa-  
 cræ ejus exuvie Magdeburgo Pragam ad-  
 veniſſent.

Anno demum 1655. inſtante Sacraſſi-  
 ſimo Cæſare Ferdinando III. Sanctus Jo-  
 ſeph Filij DEI Nutritius Boëmiæ octa-  
 vus numero Patronus acceſſit authoritate  
 Eminentiffimi Cardinalis ab Harach  
 Archiepiſcopi Pragenſis.

Inter illos autem, qui in ſecundis nu-  
 merantur, Boëmiæ Sanctos Patronos ſunt  
 SS. Cyrillus & Methudius Epifcopi, Boë-  
 miæ Apoſtoli. S. Benedictus cum Socijs  
 Martyribus Benedictinis quinque comiti-  
 bus S. Adalberti. S. Georgius Martyr.

Magnâ etiam jam pridem fuere Boëmis  
 in veneratione S. Joannes Baptiſta, SS.  
 Catharina, & Margareta Virgines & Mar-  
 tyres ac SS. Coſmas & Damianus, quorum  
 honori dicatum fuit Templum, ad cujus  
 oſtium Boleslaviæ S. Wenceslaus à Fratre  
 ſuo Boleslao occiſus eſt.



Vita S. Wenceslai virtutum mirandarum exemplis plenissima in multis exstat codicibus, quamvis nusquam viderim plenam, & rerum ad eum pertinentium serie perfectam. Corpus ejus Pragæ in Sacello speciali intra Templum Cathedrale collitur, quod quondam in Tumba ex puro auro jacuit, donec tumbam illam Sigismundus Cæsar indè ablatam in numos conflâset, & inter suos adversus Hussitas stipendiarios divisisset, qui tamen postea nec Cæsari illi fidelem in bello operam præstitere, & cladibus sunt innumeris ab Hussitis afflicti: ità DEO factum illud Sigismundi displicuit. Sic & Joannes Boëmiæ Rex Sigismundi Cæsaris Avus, quâ die ab ejusdem S. Wenceslai Sepulcro 12. justâ viri magnitudine Statuas Apostolorum argenteas abstulit, utriusque oculi usum usque ad mortem planè amisit, atque ob id *cæcus* dictus est.

De S. Ludmilla, hoc est dignum admiratione, quòd terra illa, in qua sacrum ejus Corpus primâ vice in oppido Tetin sepultum fuit, nullum aliud, nequidem

Inno-

anno



innocentis infantuli cadaver intra se patiat, quin illud sequenti die extra terram eiectum manè inveniant.

De S. Adalberto illud advertendum est, cum natum in Boëmia circa oppidum Mielnik fuisse filium Slawnici Comitum Boëmiæ, Henrici Aucupis Imperatoris (qui paulò ante Boëmos bello vicerat) ex filia, aut ex sorore Nepotem, Matrem verò S. Adalberti dictam Stržežislawam fuisse Sororem Sancti Wenceslai, prout id colligitur ex Christanno Fratre Boleslai Pij Ducis Boëmiæ, Religioso Ordinis Sancti Benedicti in Monasterio Brzewnio wienfi, vetustissimo Boëmiæ Historico, in ejus vetustissimo manu scripto in Bibliotheca Capituli Pragensis asservato, ubi S. Adalbertus nepos S. Wenceslai appellatur.

Fuit porrò S. Adalbertus in delicijs Ottoni 3. Imperatori, prout refertur in vita eiusdem Sancti, in antiquis lectionibus Henrici Canisij annotata, & à Baronio citata, ut proinde non sit mirum Gisela S. Henrici Cæsaris Sororem, S. Stephani

phani Ungariæ Regis uxorem S. Emerici Matrem, fuisse ejus filiam Spiritualem, teste Jacobo Philippo Bergomensi. Ungaris præterea Christum prædicavit, & S. Stephanum Regem manu propriâ baptizavit, primûsque gessit munus Archiepiscopi Strigoniensis, prout etiam Tabulæ Archiepiscoporum Strigoniensium ab Ungaris editæ attestantur: quamvis hæc Provinciæ Ungariæ domestica monumenta Baronium, dum ejus temporis Annales primò scriberet, latuerint. Deinde verò progressus in Poloniam, ibidem Gnesnensem Archiepiscopatum (secundus ordine, ut fertur) administravit, cui deinde monitu jussûque Angeli in Prussiam abeunti successit Tertius Archiepiscopus S. Gaudentius ejus secundum carnem pariter, & secundum Benedictinam Religionem (quam in Monasterio Břewniowienſi fuerat professus) Frater: quorum amborum corpora Pragæ Gnesnâ ex Polonia à Břetislao Duce delata esse, frustra negant aliqui, cùm & miracula luculenta, quæ in translatione illa contigerunt



tigerunt & documenta alia, id clarè confirmant: nam & Wladislaus Boëmiæ Rex Casimiri Poloniæ Regis Filius S. Casimiri Frater, S. Adalbertum in quâdam visione è Sepulchro suo Pragæ confurgere, atque cum reliquis Sanctis ex suis itidem Sepulchris prodeuntibus vidit procedere ad sacellum & Sepulchrum S. Wenceslai, concinentem cum illis Antiphonam: *Isti sunt Sancti*: Ob quod & Rex ille Natione Polonus fundatione attributâ instituit, ut Sacerdos & Cantores ritu supplicantium quotidie in Metropolitana illa, post decantatam Primam, hoc ipsum Sacellum ac Sepulchrum D. Wenceslai etiam adirent, ac per viam, exemplo Sanctorum illorum prædictam decantarent Antiphonam: id quod hodièque observatur.

De S. item Gandentio hoc prodigium annales Boëmiæ recensent, Anno 1070. Polono cuiusdam Cracoviæ gravi carceri incluso apparuisse & eum è carcere miraculosè liberatum monuisse, ut Pragam ad suum sepulchrum peregrinaretur, ibique



que gratias DEO ageret, prout habet Hagek, Bohemicæ Historiæ Scriptor primarius.

Sunt & hæc de S. Adalberto in Bohemia valde memoranda, quòd Pagus sit in districtu Pilsnenfi propè Tustam nomine Milayecz, in quo quisquis cornu Pastoritium inflaverit, mox obsurdescit: quia cùm S. Adalbertus illac iter ageret, & cum suis ex via fessis in campo dormiret, pastor ex pago illo, dum manè pecora eduxit ad pascua, accessit, & cornu ad aures S. Adalberti applicatum petulanter inflavit: ob quod mox furditate percussus est: atque hujus rei memoriam vult DEUS etiamnum in illo pago superesse. Unde pastores in eo loco signum pascuorum non tubâ dant, sed frequenti & multiplici crepitu flagelli.

Est & ad Albim fluvium infra Vetero-Boleslaviam Pagus alius dictus Neratovice, cujus incolæ quondam S. Adalbertum, cùm is nautum, quem pro trajectu solveret, non haberet, calceis spoliârunt; ob quod eis Sanctus ille pœnam imprecatus

C.

apud

apud DEUM effecit, ut sequentibus seculis multis per annos singulos ita annona deficeret, ut nunquam (etiam si fruges optimè provenirent) tantum haberent panis, quin ante messē sequentem proximam eogerentur emere alimenta. Nuperis bellis Svedicis pagus ille humi stratus, nunc omnes habet novos incolas, quos utrum pœna illa etiamnum prosequatur, non habeo dicere.

Sancti etiam Adalberti precibus ascribitur ingens illud divinæ bonitatis erga Bohemos privilegium, quòd morbo lepræ non laborent: ille siquidem morbus, cùm in vicinissimis Provincijs regnet vehementer; in Bohemia non modò est rarissimus, verùm etiam ignotus; nisi fortè aliquis alienigena eo infectus huc accedat.

Quinque illi Sancti Adalberti secundum carnem Fratres suprà nominati, sunt illi ipsi, quorum funeri S. Adalbertus eodem tempore divinitus adfuit, quo eodem ipsissimo Romæ simul coram Pontifice Missam celebravit, atque in hujus  
tanti

tanti miraculi fidem chirotheca, quâ tanquam Episcopus in celebrando usus est, altera Romæ fuit in altari, quando eodem momentô temporis alteram idem S. Adalbertus in Bohemia reliquit in loco funeris; prout missis à Papa Legatis in Bohemiam, id ipsum est deprehensum, habetúrque chirotheca illa etiamnum vetero-Boleslaviæ in Bohemia. Corpora horum Fratrum sunt translata ex Arce Libice, ubi passi fuerant Anno 980. Pragæ & sepulta in arce ad Sanctum Georgium sub magno Altari Anno 1216. De ijs habebant per aliquot Secula Moniales ejusdem Monasterij Breviarium, à quo orando sunt à 40. circiter annis per errorem & antiquitatis ignorantiam abductæ: ut & à quibusdam alijs Sanctorum veterum Bohemiæ commemorationibus.

S. Procopij Abbatis vita sæpius est typis edita. Vir fuit Benedictinorum Ordinis Decus, Thaumaturgus; sed præcipuè in eo enituit imperium in Dæmones, quorum erat terror, & flagellum: nec modò eos eiecit è corporibus locisque a-



lijs, sed & sub jugum missos arare & quidem etiam petras & saxa compulit, prout hodièque sulci longissimi profundique per medias petras aratro à Dæmonibus ducti à Monasterio super flumen Sazavam versus Chrudimium visuntur. Udalrico Bohemiæ Duci aquam è fonte propinatam in poculo ligneo convertit mox in vinum. Poculum illud memoriæ causâ servabatur per annos plurimos apud Illustrissimos Dynastas Waldsteinios in Arce Komornj. Gradet/ donec Illustrissimus D. Victorinus Comes à Waldstein circa Annum: D. 1670. illud P. P. Benedictinis ad Monasterium Saza wense donâset.

Cùm illi orationi vacanti pica sæpius obstreperet, eam impofterum omnesque alias picas propiùs ad Monasterium illud accedere vetuit: atque in hodiernam diem post tot jam sæcula, nulla pica intra spatium Germanici Milliaris circa Monasterium illud, nisi eò ab hominibus inferatur, comparet, sed certos habent terminos, ultra quos ulterius versùs Monasterium illud non provolant, prout eorum locorum incolis vulgò res est notissi-

ma. Monasterio illi post S. Procopij mortem intrusus erat à Duce Boëmiæ non legitimus Abbas, quem ipse per visum monuit, ut officio decederet. Sed cum is monitionem flocci faceret, iterum ac iterum conspicuus eum tandem baculo è Cænobio expulit.

Innocentio Papæ, à quo Abbas Sazavensis impetrare non poterat ejus canonizationem, apparuit ipse, seque canonisari imperavit.

### § 2. *Sancta Parenteta S. Wenceslai.*

Sancta Przibislava Soror S. Wenceslai miraculis ante & post obitum clara (cui etiam revelatum divinitus fuerat, quo loco S. Wenceslai sinistra auricula à Fratre ejus Boleslao amputata esset quærenda) sepulta primùm prope pagum Jablon sub monte Krutina, luminibus cælestibus, & cantibus honorata, ob quæ Gentiles non pauci Christo accesserunt. Post annos deinde complures in Templum, quod ipsius honori, ac nomini Christianus quispiam nomine Chotislaw ædificavit, est honorificè translata: postea Pragæ in

Arce prope S. Wenceslaum jacuit juxta portam templi Cathedralis, cum ossibus Podivini, sed cum locum illum occupasset columna quæ sub Celsissimo ac Reverendissimo Archiepiscopo Matthæo, pro nova fabrica reparandi Templi Metropolitani fuit ædificata, translatum est sacrum ejus Corpus, unà cum reliquijs Podivini, intra Sacellum S. Wenceslai.

B. Milada seu Mlada à Joanne Papa dicta Maria, S. Venceslai ex fratre Boleslao Sævo neptis, prima ad S. Georgium Pragæ in arce Abbatissa Monialium Ordinis S. Benedicti à Pontifice illo constituta, ab eodem impetravit Ecclesiam Pragensem ( quam Ecclesiam ille jam tunc SS. Viti, ac Wenceslai Martyrum in Bulla appellat ) erigi in Episcopalem. Sepulta est in eodem Monasterio in Sacello S. Annæ, ubi 8. februa. memoria ejus habetur in privato sanctimonialium illarum Breviario antiquissimo.

Hujus Frater Bohemiæ Dux Boleslaus pius, cum Sanctitatis opinione vixit & obiit. Sepultus in Templo Sancti Geor-

gij,



gij, atque super ejus monumentum ara erecta est, in qua, prout ad Sanctorum corpora aliàs solet, Sacrificium Missæ offertur; fuitque ibi à sæculis pluribus nomen ejus cum titulo *Beati*, sepulchro inscriptum. Hic demum Boëmiam plenè Christo subjecit, verámque pietatem ubique plantavit, morisque illius imprimis auctor fuit, ut cruces ac sacræ columnæ passim juxta vias collocarentur.

Sancta Agnes Primislai Ottocari primi Regis Boëmiæ filia Ordinis S. Francisci non solum ab Historicis Bohemicis, sed & ab alijs (inter quos Lucas Wadingus, & Franciscus Paduanus) celebratissima, & miraculis innumeris, vitæque Sanctitate clarissima, atque ob virtutem & miraculorū famam, etiam dum in terris superstes, varijs summorum Pontificum literis ac donis honorata, nec non in vitæ perfectæ instituto à S. Clara, magna illa Sanctimonialium Matre per Epistolas confirmata, vulgo Pragæ est notissima, utpote cujus Sacrum corpus ab Augustissimæ memoriæ Ferdinando III, tanto fuit

labore in Templo S. Francisci (quod ab ea passim *S. Agnetis* nuncupatur) annis aliquot venerationis causâ inquisitum. Nata illa fuit circa Annum Domini 1225. Obijt Anno 1289. Anno verò 1253. fundavit cum Fratre suo Rege Wenceslao monoculo Monasterium & Hospitale S. Spiritûs Pragæ juxta pontem, illudque Crucigeris cum rubea stella ex Terra Sancta tunc per Saracenos ejectis tradidit & effecit, ut ea esset Sedes supremi Ordinis illius per has Provincias Magistri, Mater ejus erat Constantia soror Andreæ Regis Ungariæ (qui fuit Pater magnæ illius S. Elisabethæ Landgravix Hassiæ) ædificavitque Monasterium Virginum Tiffnowiense & Woslovanense in Moravia.

Hujus S. Agnetis Amica seu soror Patris ejus Premislai Ottocari, etiam ipsa nomine Agnes, Filia Wladislai secundi Bohemiæ Regis, Abbatissa ad S. Georgium Pragæ, itidem titulo *Beata* à nonnullis decoratur.

Hæc à fratre suo Rege quædam privilegia suo Monasterio procuravit. Sepul-  
ta

ta ibidem in sacello S. Annæ propè corpus B. Miladæ, in quo Sacello sæpè luminaria conspici referuntur.

Altera præterea S. Agnetis Amita, esse S. Angela Carmelitana dicitur, cujus vitam in Belgio P P: Carmelitæ vulgârunt. Obiisse illa perhibetur 26. Julij, sepulta in templo SS: Deiparæ ad Nives, ubi tunc Monasterium fuit Carmelitanum. Revelationibus cælestibus inclaruit, quarum librum unum, alterum verò de Venerabili Sacramento, præter alios plures conscripsit. Unde & imago ejus, Monstrantiam, ut vocant, super librum tenentis, Pragæ inter alios hujus Religiosi Ordinis Sanctos extat in Templo S. Galli in dextero majoris altaris pariete suspensa apud P P. Carmelitanos. Ejus tanquam Sanctæ Virginis, honorificè meminere Martinus Delrio lib. 4. Disquisitionum magicarum cap. 1. Quæst. 3. Sect. 4. Antonius Possevinus in appendice Tomi primi Apparatus Sacri, & Collectores Bibliothecæ Gesnerianæ.

Tertia ejusdem S. Agnetis Amita fuisse



se putatur S. Ephrasia, seu Evrosia Virgo & Martyr illa, quæ Regi Hispaniarum nuptura, dum in Pyrenæis montibus in manus Maurorum latronum devenit, in Virginitatis suæ defensione ab illis occubuit miraculis ab obitu clara, & à populis vicinis contra tempestates apud DEUM advocata, solita implorari. Ejusdem meminit Marinæus Hispaniæ historicus, & Marchantius.

Fuit & Albertus seu Adalbertus Wladislai Secundi Bohemiæ Regis filius, adeoque S. Agnetis Patruus, primùm Mielnicensis in Bohemia Præpositus, dein Salispurgensis Archiepiscopus magnæ virtutis Heros, qui multa à Friderico Barbarossa Cæsare ob sedem Apostolicam sub Alexandro III. Papa defensam iniqua tulit, ex sede sua etiam ad tempus aliquod depulsus. Hujus Mater erat Filia Sancti Leopoldi Austriæ Ducis. Fundavit prope Straubingam Cænobium Præmonstratensibus (nam & ipse hunc ordinem in Cænobio Strahoviensi quondam Pragæ fuerat amplexus) ei que fundos in Bohemia

mia circa Sufficium applicuit, quos Monasterium illud adhuc possidet. Sepultus est Salispurgi.

De hujus Fratre Wladislao Moraviæ Marchione, Fundatore Cænobij Welehradensis Ordinis Cisterciensium refert multa Dubravius spirantia egregiam Sanctitatem.

Inter Beatos Ordinis Præmonstratensis habetur & B. Henricus Wratislai primi Regis Bohæmiæ filius, Cænobij Strahoviensis Religiosus, Olomucensis Episcopus, miræ Sanctitatis & profusæ in miferos largitatis & charitatis: cujus tempore Wenceslaus, Othonis Moraviæ Marchionis Filius, Olomucij Templum, honori D. Martyris Wenceslai in Arce sua erexit, Sedemque Episcopalem, permittente Innocentio II. illuc ex Ecclesia S. Petri transtulit, duodecim Canonicis ibidem constitutis. Beatus autem Henricus Corpus S. Christini Martyris unius ex quinque S. Adalberti Fratribus Benedictinis Templo illi intulit & eidem Ecclesiam S. Mauritij, quæ prius ad Monasterium

C 6

rium

rium Præmonstratensium Gradicense pertinuerat, attribuit. Demum varijs pro DEI gloria, Sacerdotum Cælibatu, & pace publica perfunctus laboribus, gloriosus Pontifex, virtutibus ac prophetico Spiritu clarus 15. Iunij Anno 1157. migravit ad Dominum, Pragæ in Monasterio Strahoviensi honorificè tumulatus.

Sed & Henricus Břetislav Pragensis Episcopus, Bohemiæ ante Přimislav Ottocarum Regem Interrex, Wladislav secundi Regis ex Henrico filio nepos, magnâ etiam virtutum laude multorum Historicorum testimoniis floruit.

Lusatia Historici memorant piissimam Heroïnâ Ludmillam filiam Wratislavi Bohemiæ Regis, uxorem Viperti Marchionis Lusatia Comitis Groicensis, cum quo fundavit, ditavitque Monasterium Pegaviense Ordinis S. Benedicti

Meminere insuper Matthias Miechovius, Revhnerus, Cromerus, pietatis Judithæ alterius ejusdem Wratislavi filia, uxoris Vlatislavi Polonia Regis, à quibus sterilibus Parentibus, S. Ægidij Abbatis

in



in Gallia patrocínio ortus est Boleslaus  
Křivoustus Poloniae Rex.

Nec minùs & Abdela Ottonis Misniae  
Marchionis Filia Přimislai Ottocari pri-  
mi Regis Bohemiae uxor huc pertinet,  
quæ à Marito repudiata sanctam scribitur  
vitam inter Conversas Cistercienses egis-  
se Wassenburgi in Misnia. Hujus verò  
ex Primislao Filia, itidem dicta Abdela,  
Gerenshodæ in Saxonia Sanctimonialium  
Abbatissa, eâ Sanctitate vixit, ut eam  
Fabricius in originibus Saxonis asserat  
relatam inter Divos.

Abdelæ in matrimonio Primislai suc-  
cessit Constantia Andreae Hungariae Regis  
soror, S. Elisabethæ Hassiacæ Amita, S. A-  
gnetis Virginis Franciscanae Mater.

Felix ergo Wladislaus Bohemiae Rex  
secundus tot sanctis prolibus propriæque  
etiam pietate in DEUM eximius, Nobi-  
lissimum montis Sion, vulgo in Strahow  
Monasterium Præmonstratensium Pragæ  
ædificavit, Conradum Cæsarem in bello  
Sacro Hierosolymam est comitatus Anno  
1147. demùmque victorijs in Italia ad-  
versus

versus Mediolanenses clarissimus, primus Bohemiæ ex dono Friderici Barbarossæ Cæsaris intulit bicaudem candidum Leonem pro Insigni.

Hujus autem Regis soror fuit B. Amabilia filia Wladislai hujus nominis primi Ducis Bohemiæ, quæ quia Fratri suo Theobaldo, à quo originem ducit stemma Dominorum Ssvihovvsky, adhæsit, & in ejus territorijs habitavit, solet annumerari illi stemmati & à Dominis Ssvihovvsky specialiter, tanquam Cognata colitur. Sepulta est Clattoviæ apud Patres Dominicanos in Monasterio S. Laurentij, quod olim Benedictinis Virginibus ipsa crexerat, & in eo prima munus Abbatissæ gesserat. Suis apud DEUM meritis effecisse perhibetur, ut etiam in vita miraculis divinitu illustraretur.

Non desunt, qui eam putant Pilsnæ in Templo S. Spiritûs, ubi olim erant sanctimoniales Dominicanæ, esse sepultam.

Hujus soror Elisabetha à quibusdam titulo *Beata* decoratur, quæ fuit in Cænobio Dogsanensi Ordinis Præmonstratensis

stratensis Priorissa ordine secunda, magnis virtutibus illustris, & cum opinione sanctitatis defuncta.

Ejusdem S. Agnetis Franciscanæ ex Fratre Wenceslao, dicto *Monoculo* Rege Proneptis, filia Primislai Ottocari Secundi fuit, B. Cunegundis seu Kunhuta, quæ jam desponsata filio Rudolphi I. Cæsaris, nihilominus orta inter Cæsarem discordiâ ex voluntate sui Patris est S. Francisci Ordinem, & Monasterium ingressa cum quatuordecim alijs Virginibus, sub disciplina Proamitæ suæ S. Agnetis; sed parente occisô, jussa est nubere Filio Rudolphi itidem Rudolpho Sveviæ Principi, post cujus obitum vidua redijt Pragam ad Monasterium S. Georgij, ubi inter Sacras Virgines Ordinis S. Benedicti vitam egit sanctissimam multis de Dæmone victorijs, donoque Orationis illustris. Sepulta ibidem in sacello S. Annæ. Hanc tamen Cunegundem alij dicunt mansisse Virginem, sed sororem ejus Agnetem fuisse datam Cæsaris Filio; post cujus obitum illa vidua piè obierit in Monasterio S. Georgij.

Hujus



Hujus Beatæ Cunegundit Frater & S. Aguetis Pronepos ex Fratre fuit Wenceslaus II. Ottocarus filius Primislai Ottocari à Rudolpho Cæsare occisi cognomento Bonus, vir miræ in DEUM pietatis, raræque prorsus virtutis, qui etiam singulari DEI favore tribus Bohemiæ Hungariæ ac Poloniæ Regnis imperavit, divitijs & gloriâ ad mortem usque insignis. Tanto SS. Evcharistiam prosequabatur affectu, ut sæpe duodecim, quin & quandoque quatuordecim Missæ sacrificijs, flexis genibus publicè summa cum pietate & reverentia, nec minore cum stupore Procerum, totiûsque Populi admiratione interesset. Fundaturus in Beatissimæ Virginis honorem Monasterium Cisterciensibus, liberam eis optionem permisit, ubi ubi in tota Bohemia id locari vellent. Qui cùm locum Bohemiæ Regum delicijs, & voluptatî destinatum, atque ob id *Aulam Regiam* dictum designâssent, obstantibus licet, & frementibus Proceribus, locum illum DEO ac DEI paræ donavit, dirutâque ibi Aulâ suâ Regiâ, magnificentissimum,

& inter præcipua dignum computari Monasterium erexit, miréque ditavit. Anno deinde 1420. cum Monasterium illud à rabidis Hussitis esset die S. Laurentij re-  
 daetum in cineres, ejus ac filij itidem Wenceslai cognomento *Juvenis*, coram Crucifixo constitutorum effigies, atque alia præterea divæ Virginis imago inter flammæ permansisse dicuntur illæ, quæ duæ Imagines solæ ex amplissimo illo Cænobio supersunt, & à Religiosis inter ruinas illas nunc degentibus servantur: qui etiam ad dicti Wenceslai Boni ossa lampadem perpetuam alunt.

His adjungi possent Wratislavv, S. Wenceslai Pater, Templi ad S. Georgium in Arce Pragensi Fundator ibidem sepultus, cujus nomen cum titulo Beati est ibidem sepulchro ejus jam à sæculis inscriptum, ob virtutis ac fidei Christianæ Zelum, quam in Bohemîa, Authore, ac Hortatore S. Methudio propagavit: appositumque est ad monumentum ejus altare, ut fieri solet ad corpora Sanctorum, & in eo Missæ sacrificium DEO offerri consuevit.

Magnæ

Magnæ etiam fuisse pietatis pronum est suspicari Dumbrawkam Boleslai sævi filiam Miecislao Poloniæ Principi nuptam, quarum nuptiarum occasione Polonia est ad Christum conversa.

Atque ex hac tot virtute illustrium Personarum cognatione apparet, quam veridicè olim magnam S. Wenceslai, ac S. Adalberti Sanctitatis Gloriam spiritu Sybillino prænunciârît Bohemiæ Dux Lybussa, quamvis Idolorum cultrix, dum Anno 723. Urbis Pragensis fundamenta locatura, vaticinata est in hac Urbe plantatum iri duas oleas, quarum odor septimum penetraturus esset cælum, gloriosâque facinorum eorum fama totum orbem terrarum impletura: Et alteri quidem earum fore Nomen *Major Gloria*, alteri verò, *Consolatio bellica*: id quod in Sanctos hosce quadrat optimè, Sanctus siquidem Wenceslaus Bohemis *Waclaw* / dicitur, quod Latinis sonat *Major Gloria*, Sanctus verò Adalbertus ab eisdem Bohemis vocatur *Wogtëch* / quod Romanâ lingua *Belli solatium* interpretamur.

Ut



Ut verò Personarum harum omnium  
 Sanctitate illustrium etiam stirpis conjun-  
 ctio, & sanguinis affinitas appareat, bre-  
 vem subjeci Tabulam Genealogicam, in  
 qua uno aspectu series Sanctorum Divis  
 Wenceslao & Adalberto cognato-  
 rum tota simul occurrat.

*Prosapia S. WENCESLAI*

Borzivog ex Libussa oriundus I:  
 Dux Bohemiæ Christianus Funda-  
 tor Basilicæ Teinensis Pragæ.

S. Ludmilla Uxor ejus.

---

Wratisslaus Fundator Templi S. Georgij  
 in Arce Pragensi.

---

S. Wenceslaus.

S. Przibisla- Strzezislavva Uxor Slavv-  
 vva Vidua. nici Comitis Nepotis Hen-  
 (a) Boleslaus rici Aucupis Cæsaris  
 Fratricida

---

c, Adalbertus Martyr S. Gaudentius Ar-  
 chi-

chi-Episcopus SS. Sobiebor, Spítimír-  
Bohuslavv, Borzeg & Cžaslavv, Mar-  
tyres. Et octavus Frater qui in Poloniã  
fugiens, ibi Heroibus de Rozdrazovv  
originem dedit.

(a) Boleslaus Fratricida.

Boleslaus Dubravvka, Christannº, B. Mi-  
pius Fun- Uxor Mie- Religiosus Iada,  
dator E- cžislai Po- Benedi&ti- Bene-  
piscopatº loniæ Re- nus in Brze-di&ti-  
Pragensis gis primí vvnovv. na Ab-  
& Mona- Christia- batissa.  
sterij Brze-ni.  
vvnovvienfis.

Boleslaus cæcus.

Udalricus.

Brzetislaus, qui corpus S. Adalberti  
retulit ex Polonia.

Spitigneus æ-	(b) Wratislaus Rex Otto
dificator Ma-	Fundat: Exem-Marchoi
gnificæ Basili-	ptæ Ecclesiæ Mora-
cæ S. Viti	Wissegraden- via
Pragæ.	sis. fig. *

fig. \* Wenceslaus Fundator Olomucen-  
sis Episcopalis Ecclesiæ S. Wenceslai.

(b) Wratislaus Rex.

Ludmila Vi-	Wladisla-	B. Hen-	Juditha
perti Mar-	us Dux	ricus E-	Wladi
chionis Lu-	Fundator	piscopus	slai Po-
fatiae Uxor	Cænobij	Olomu-	loniæ
Fundatrix	Kladrubi-	censis.	Regis
CænobijPe-	ensis Be-		Uxor.
gavenfis	nedicti-		
Benedictini	ni.		

B. Amabi.	Wladislaus	Theobaldus
lia V. Bene-	Rex Fundator	Baronum
dictina	Cænobij Straho-	Schvihovy-
Clatoviæ.	vienfis Præmon-	sky origo.
Elisabetha	stratenfis. Ulti-	Henricus.
V. Præ-	ma Uxorum e-	
monstra-	jus fuit Filia S.	Henricus Br-
tensis Do-	Leopoldi Mar-	zetislaus E-
kanij.	chionis Austriæ,	piscopus Bo-
		hemie Inter
		rex.
		B. Ange-

fig. o



B. Angela V. Carmelitana, Wladislaus Marchio Mo- raviae.	Przimislaus S. Albertus Ottocarus seu Adal- Rex Funda- bertus Salis tor Cænobij burgen: Ar- S. Jacobi Pra- chiepisco- gæ. Uxores e- bus nepos jus Abdela & S. Leopoldi B. Euphrasia V. & M. B. Agnes Benedictina.
	Constantia ex Matre Amita S. Eli- Funda: Cæ- sabethæ. nobij Præ- monstra: ad straubingam.

B. Abdela cisterciën- sis ex Abdela genita. S. Agnes Franciscana Confundatrix Cæno- bij S. Francisci & Ho- spitalis ad pontem, ge- nita ex Constantia.	Wenceslaus Otto- carus Rex Funda- tor Hospitalis Crucigerorum ad pontem geni- tus ex Constan- tia.
--	--

Przimislaus Ottocarus Rex

B. Kunhu- ta Benedictina.	Wenceslaus Ottocarus bonus Rex Fundator Cænobij Cif- terciensis Aulae Regiae,
------------------------------	---

Elisabetha Uxor Wenceslaus Ottocarus  
Joannis Luxen- ultimus Regum è linea  
burgici Boëmiæ Masculina Boëmiæ  
Regis.

Carolus IV. Cæsar

Sigismundus Cæsar.

Elisabeth Uxor Alberti Austriaci Cæ-  
saris.

Elisabeth Uxor Casimiri Regis Polo-  
niæ.

Wladislaus Bohemiæ Rex. S. Casimirus.

Elisabeth ( aliàs Anna ) Uxor Ferdi-  
nandi I. Cæsaris.

Carolus Archidux Austriæ, Dux Styriæ.

Ferdinandus II. Cæsar.

Ferdinandus III. Cæsar.

Leopoldus I. Cæsar.

Josephus Ungariæ Rex.

Podi-

§. 3. *Reliqui Boëmi cum Opinione Sanctitatis honorati.*

Podivvîn Nobilis Aulicus S. Wenceslai, secretis quæ ab eo adhiberi solitus, à pluribus Scriptoribus *Beatus* appellatur. Hic cædi S. Wenceslai præsens postea à factione fradricidæ Boleslai in silva proxima suspensus ex arbore triennio incorruptus pependit. Sepultus Pragæ in Arce propè S. Wenceslaum in eodem cum S. Přzibislavva monumento, ut supra explicatum est.

Ernestus I. Bohemiæ Archiepiscopus ex familia Malovvecziana oriundus, satis notus ob elegantissimum illum librum, de B. Virgine conscriptum, *Mariæ* nuncupatum nuper Aug. Ferdinandi III. mandato typis Pragæ editum; Glacij in Templo nunc Societatis IESU sepultus est, ibique ut Sanctus cultus, nam & nostrâ ætate vota sua per eum DEO homines offerunt, & eidem anathemata, ac donaria dicant: quin & in pariete vetusto superest Scriptura, in qua ei titulus *Sancti* tribuitur. Monumentum ejus medio  
pro-



propè in templo Parochiali Beatissimæ Virgini dicato extat, in quo ipso templo imago DEIparræ, quæ adhuc in summa arayisitur, faciem ab eo puero quondam averrerat, prout ipse de se fusiùs testatur in Marialis sui appendice. Erexerat autem ipse Glaci. Templum aliud, ad quod & Canonicos Regulares Sancti Augustini collocârat, sed nè in Templo illo sepeliretur, ante mortem cavit, eò quòd in Templo illo quondam equi essent stabulaturi. Et verò præsagium firmavit eventus, illa siquidem Ecclesia, cùm dominante hæresi, Societatis JESU usibus cessisset, fuit à rebellibus hæreticis, Anno 1618. occupata, expulsisque inde Societatis JESU Patribus, conversa in stabulum, ac demum unà cum Collegio penitùs diruta & solo adæquata. Unde Societati JESU postliminio redeunti, est Templum illud Parochiale attributum. Sed & mirabilis est alia ejusdem Ernesti prædictio, tunc nimirum Boëmiæ magnas calamitates superventuras, quando lapidea ejus Statua Sepulchro ipsius imposita

D

rumpi

rumpi inciperet. Vidimus autem eas rumpi cepisse ante nupera bella Germanica, quibus initium dedit hæreticorum in Boëmia rebellio: ruptaque est deinde sæpius in frustra permulta, sed modo tam admirabili, ut quasi frameæ ictu per medium secta aliquot in locis videatur, quo modo lapis nullus rumpi solet.

De vita ejus refert Hagekad Annum 1364. quo scilicet obierat, eum à die, quâ in Archi-Episcopum electus est, Anno 1343. omnes suos defectus quotidie in libello annotasse, ut eos emendaret. Eleëmofynas dabat largissimas, idque non solum publicè, sed & in occulto. Singulis annis in Parasceve minimùm ex 70. Voluminibus panni vestes pauperibus paratas distribuebat. Fame urgente egenis per totam Boëmiam succurrebat. Ea, quæ adhuc paganos ritus sapiebant, penitus à Tribunalibus Boëmiæ sustulit. Imagines Beatissimæ Virginis curabat passim etiam in parietibus ac fenestris, & ubique se coram illa, abjectis in terram omnibus Archiepiscopalibus ornamentis,

tis, flectentem depingi. Cultum DEI & officiorum Ecclesiasticorum dignitatem miris modis promovit, librariâ suppellectile annuísque censibus plurímis comparatis.

B. Hroznata Comitis Zezemani & Dobreslavvæ Filius de stemmate Dominorum de Wrtby & Gutenstein (qui originem referunt ad stirpem S. Ludmillæ S. Wenceslai Avia) Fundator Monasterij Teplensis Ordinis Præmonstratensium, ejusdémque Religiosus, & ob id Martyr, in eodem Monasterio sepultus est. Habitum Religionis illius Romæ accepit ex manibus ipsiusmet Pontificis. In Boëmia est nunc non ignotus, cujus etiam chalcographica effigies, cum radio & titulo *Beati Martyris* edita à Patribus Præmonstratensibus, in manibus est. Illustrissima Domina Anna Maria nata Sternbergica primùm Domino Udalrico de Lobkovicz, tum Comiti de Rotal nupta, quâdam vice cùm nomen, laudésque Beati hujus audiret, in risum effusa cepit eum, utpote sibi ignotum, contemnere: at ecce mox ejus, eâ formâ

quâ Sancti solent sculpi, imaginem à se nunquam antè prorsus visam, in suo libello precatorio, non sine admiratione invenit, cùm adverteret iconem illam à nullo homine potuisse libello illi tam citò inseri; unde & Beati hujus apud DEUM merita capit impostèrum æstimare.

Soror ejus B. Wogslavva Ottonis Cracoviensis Ducis uxor, dein vidua, suscepit ordinem Præmonstratensium; fundavit unà cum Fratre Cænobium Virginum ejusdem Ordinis Chotieffovvij, ubi sepulta est. Primæ in eo Cænobio fuere Virgines hujus ipsius Wogslavvæ sorores tres, Beatrix, Bolislavva, & Juditha. A quibusdam appellatur Svvogslavva ideò, ut suspicor, quod sæpè in libris præfixa ejus nomini litera S. quæ *Sanctam* significabat, tandem irrepsit in ipsum nomen, ut pro Wogslavva Svvogslavva diceretur.

Beata Zdislavva, stemmate Berkiana, septennis fugerat in Eremum soli DEO vacatura, ubi vitam egit asperissimam in cilicio, jejunio, humi cubationibus, & su-

per



per dura saxa ad sanguinis effusionem flexionibus. Coacta nubere, immitem nata Maritum, ipsa mitissima, Czienkonem de Wartenberg ( quantum ex veteribus monumentis deprehendi potuit ) virum eâ tempestate potentem. In conjugio Mater pauperum, pro quibus necessaria nebat manu propriâ, pedes eorum lavabat, & ulcera lingendo miraculosè sanabat. Demum permissu asperrimi sui Mariti Religionem Prædicatorum ingressa, obedientiæ fuit studiosissima: lapides ad ædificium Monasterij, pro quo sumptum ipsa præbuit, manibus proprijs portabat aliosq; subibat labores duros. Mortis præscia, Sepulchrum sibi præparavit in Jablon, ubi post obitum miraculis inclaruit, maritoq; mæsto apparuit in veste rubra, ex qua frustum apud eum solatij causa pro Cælesti dono reliquit. Habetur Jablonæ in veneratione. Vixit circa Annũ Domini 1240.

His adhuc annumerari possunt B. Andreas Pragensis Episcopus pro libertate Ecclesiastica plurima iniquissima sub dominatu Primislai Or-

tocari I. perpeſſus, atque ob id etiam exemplo S. Adalberti Romam profectus, miraculis poſt mortem clarus. Hujus caput Anno 1369. fuit in Sacello S. Wenceslai Pragæ impoſitum in murum ſuper S. Crucis Altare in cornu, ubi Crux aurea picta eſt, quia propter facta ab ejus obitu miracula pro Sancto cultus fuit. De hoc, ut Sancto, meminit Paulus Zidek in ſuo codice pro Catholicæ fidei deſenſione ad Regem Georgium Podiebradium circa Annum 1460. manuſcripto.

Beatus Chulmannus Ordinis Eremitarum S. Auguſtini in Monasterio Pivvotka ſeu Pivvonia in Boëmia ſepultus, ponitur inter Beatos Confeſſores in arbore ordinis illius, referturque à pluribus ex Ordine Historicis. De eo habet Encomiaſticum Auguſtinianum litera C. ſequentia. *S. Chulmannus Boëmus Eremita vir ſingularis Sanctitatis & miraculorum famâ vigenſ in eade Sacra Joannis Baptiſte Monasterij noſtri Pivwonenſis in Boëmia humiliter conditus piè colitur, & devotiſſimè invocatur, ubi ut Eremita ex noſtris*

*nostris sepultus est.* Ædes illa Divo Jo-  
anni Sacra, est Sacellum ad pedem rupis  
adjunctum, Monasterio ipsi proximum, in  
quo B. Chulmani monumentum visitur  
jam olim ante hominum nostrorum me-  
moriam ligneis cratibus venerationis  
ergò circumseptum. Memorant autem  
Pivvonkani B. Chulmannum in silvis il-  
lis, alijs cum duobus, (sed an sanguine,  
an solum Religione, non est compertum)  
fratribus vitam Anachoreticam duxisse,  
quorum nomina vetustate exciderunt.

Eorum alter jacet in fundis Tinhors-  
fovienfibus in Sacello quodam Divæ Bar-  
baræ; alterius verò tumulus Cælo pro-  
stat aperto, unius & dimidiæ horæ itine-  
re à Cænobio Pivoniæ juxta Pagum  
quendam dictum Danavva. Adsitâ lo-  
co illi est columna è muro erecta, ubi ru-  
ricolæ imagines varias suspendunt, to-  
tûsque locus in longum passus fortè 6.  
in latum 4. ligneâ sepe clauditur, quò fe-  
rijs secundis Paschalibus & Pentecostes  
Populus ruralis Beatum ibi sepultum pre-  
cibus alijsque modis veneraturus con-

fluit, atque in vicem muneris, virgam unam singuli afferunt, quas in fascem colligatas super tumulum illum erectas collocant, prioribus vetustioribus inde amoris: Tempus quo hi viri religiosi vixere, mansit incognitum, quamvis conjectura sit eos circa Annum Domini 1000. aut non multò post vixisse.

Monumenta Ordinis Præmonstratensium referunt, B. Castulum Abbatem Siloënsis seu Zielivensis in Boëmia Cænobij circa Annum Domini 1200. Virtutibus & miraculis ante & post obitum clarum, cujus Sacrum Corpus eo in Cænobio magna habetur in veneratione, extâtque ibidem fons accurrentium hominum frequentia clarus, qui, Sancti hujus viri meritis mira in Salutem Mortalium operatur.

## CAPUT IV.

*Sancti Patroni Boëmiæ externi:*

**S**S. Vitus, Sigismundus, Norbertus, Janus,



nus, Guntherus, Gerlacus, Quinque religionis fratres S. Adalberti, Monachi Itali, quorum nomina Benedictus, Matthæus, Isaac, Joannes, Christinus occisi secundum Hagek Historicum Boëmiæ Anno 1004. translati verò ex Polonia in Boëmiam Anno 1039.

Huc spectant omnes alij quorum reliquias habet Boëmia.

S. Guntherus auream, ut vocant viam, id est angustā semitam, ex Bavaria in Boëmiam primus invenit, ut testis est noster Raderus. Illic hoc Anno 1639. in æstate quidam sanatus est ex gravi morbo. Vocabatur is Joannes Kacirek famulus Domini Joannis Thomek fuitque per podagram officio & usu pedum & manuum omninò privatus, sed spe & voto ad S. Guntherum conceptò, alienis manibus desperatā jam valetudine ad aquas Guntherianas deportatus cum summa fiducia corpus lavit, & sanitatem integrè recepit. Circa Civitatem Sutticensem, eundo ad fines Boëmiæ & Baviariæ propè oppidum Hartmanicz, est memoria ejusdem

D 5

S. Gun-

S. Guutheri, celebribus frequentata peregrinationibus. Is Sanctus vir in Seculo Nobilis cum esset, Sæculum deseruit, & in sancta paupertate, pauperem Christum secutus, primum Monachi vitam egit: deinde in densas Boëmiæ silvas cum licentia & benedictione superiorum suorum penetravit, & vitam eremiticam instituit. Est lapis in loco speluncæ, quam sibi extruxerat, ubi vestigia manuum & genuum, eò quod in eo flectere solitus fuerit, expressa sunt. Post multos autem annos Břetislaus Dux Boëmiæ, cervum venatu insecutus, hunc sanctum reperit. Corpus ejus jam defuncti duo ferri equi placidè ad Monasterium Brevvnovvienne devexerunt, ubi sepultus est. Obijt Anno 1046. die 9. Octobris, cujus sanctitatem DEUS multis miraculis declaravit. In vita ejus nuper Boëmicè edita non nulla referuntur. Fiebant illa miracula in prædicto Monasterio à temporibus Břetislai Ducis, adusquè Gubernationem Boëmiæ, Wenceslai Filij Caroli IV. Sed in eo loco ubi duxit vitam

vitam eremiticam, etiam nostris temporibus fiebant sanitates per aquam effluentem per locum speluncæ; ubi nunc extat facellum. Videtur autem S. Guntherus hanc aquam sibi à DEO impetrâsse. Est illa in monte & à sua scaturigine fac copiosè decurrit: sed ubi aliquantulum profluxit, in terram mox absorbetur. Conati sunt oppidani Hartmanicenses illam aquam in Oppidum deducere, quod vix distat indè medio quadrante milliaris; sed hoc nunquam efficere potuerant. Dicitur autem aliquando cujusdam viri equus cæcus circa prædictam aquam gramen carpisse, & cum hausisset aquam, illuminatus fuit: quâ famâ sparsâ aliquot cæci ibidem oculos laverunt, & lumen receperunt; unde etiam nunc plures infirmi eò confluunt, atquè per merita & intercessionem S. Guntheri, loti corporis illâ aquâ sanitatem recipiunt, & locum olim dictum Brzęznicz nunc vocant *apud bonam aquam.*

## N O T Æ.

§.1. *Sancti exteri Boëmiæ aut Patroni aut Incolæ.*

**S** Vitus puer sub Diocletiano in Italia S. Martyr depingi solet, cum Pomo Imperatorio in manu, quia illud circa sacrum ejus corpus est adversum, & ab Historicis, atque etiam à Baronio notatum, quòd quæmcunque id in Provinciæ deferatur, mox & Dignitas Imperatoria, in Provinciæ illius Principes transmigret; adeò, ut quàm diu Sacræ hæ Reliquiæ erant in Italia, Cæsarea dignitas ibidem remanserit; eis verò translatis in Galliam, Reges Galliæ facti sint per Carolum Magnum Cæsares: eisdem verò rursus ex Gallia (quod deplorat Spondanus in *Annalibus Ecclesiasticis*) ex Monasterio Corbeia translatis in Germaniam itidem in Monasterium Corbeiam, sic pro honore S. Viti appellatum, Honor Imperij transiverit quoque in Germanos; ac demum indè ex dono Bodonis Abbatis ad Carolum



tolum 4. missis (prout refertur à Reverendissimo D. Thoma Joanne Pessina Pragensi Decano in Phosphoro septicorni, Radio quarto, pagina 477.) & in Boëmiâ illatis, (quò idem Carolus 4. etiam sacrum Caput ac residuum corpus Papiæ ex Italia transtulit) Augusti Nominis Majestas in Reges Boëmiæ sit delata, apud quos hodièque perseverat.

Solet præterea S. Vito Gallus Gallinæ appingi, cujus rei origo à Sancto Wenceslao profuxit, qui Boëmos suos à cultu Martis (quem suo Idiomate Witek appellabant) averfurus, impetravit ab Ottone I. (vel Henrico Aucupe) Cæsare brachium S. Viti, ut honores Witkoni impiè exhiberi solitos, plebs Boëma tantò faciliùs ad sanctum Idolo illi propè cognominem assvesceret transferre. Magnificâ ergo Divo Vito Basilicâ Pragæ erectâ, fecit ad ejus corpus die eidem festâ, quæ est 15. Junij, ab omnibus offerri gallos gallinæcos colore atros, quos priùs Marti suo offerebant.

Quia verò eidem Idolo Witko ejus-

D 7

modi

modi Gallum atrum appingebant, factum quoque est, ut imposterum Gallus ille ad S. Viti effigiem addi inciperet.

S. Sigismundi Burgundiæ Regis Martyris patrociniū solebat quondam specialiter à febricitantibus implorari.

S. Norbertus, quamprimum Magdeburgo Pragam fuit translatus, mox gravissima illa Magdeburgicæ Urbis ruina est consecuta, ut Civitatis illius hæresi infectæ Salutem apud DEUM hætenus in solo adhuc Sancti huius Archi-Episcopi patrociniū constituisse apparuerit.

De Sancto Iuvano Regis Croatiae Filio Eremita in Boemia peregrinationibus ad Sacrum ejus corpus celeberrimo, illud tamen passim ignoratur, illum prius, quam in eo loco, in quo obiit, habitasset, alium quendam specum trans Misam flumen uno milliari ab hoc dissitum prope Arcem Carlstein incoluisse, ex quo cum petulantia nautarum per Misam ligna vectantium exturbavit, quorum, ut pote tunc adhuc gentilium blasphemias in DEUM ultra tolerare indignatus, domicilium mutavit.

tavit. Antrum illud Carlssteinensibus est notissimum.

De S. Gerlaco alij sentiunt prius ejus corpus fuisse in Monasterio Milivsko, ubi is per annos 28. vixit Præpositus, Spiritu Prophetico & miraculis ante & post obitum illustris: ac inde translatum in Zvvikovv. Postea dicitur fuisse apud Celsissimum Principem Wenceslaum à Lobkovicz. Obijt 7. Maii. Anno incerto.

Sancti illi quinque Fratres Marryres Benedictini Româ usque in Poloniam Comites S. Adalberti aliquandiu in Boëmiâ in Monasterio Brževnoviensi habitârunt.

Fuit & in Boëmia Eremita exterus P. Guilielmus Peregrinus famâ Sanctitatis clarus, quem, ait Raderus, trans Danubium in Sclavonum seu Boëmorum monte dicto Vimburgum habitasse.

Habet præterea Raderus consignatos plures Sanctos, qui olim Boëmiâ præsentiam suâ decorârunt, inter quos (prout etiam ex historijs Boëmiæ constat) fuit Sanctus Wolfgangus Ratisbonensis Episcopus.

scopus, à quo Raderus dicit auspicijs S. Bilgrini, seu Peregrini Batavorum, seu in Bathaus in Bavaria Episcopi totam Boëmiam ad Christum Dominum conversam ante Annum Domini 972.

Sanctus ergo Pilgrinus misit S. Wolffgangum in Boëmiam, quem eundem etiam advocaverant in Ungariam ad fidem Christi ibidem prædicandam:

Superest memoria S. Wolffgangi in Boëmia supra pagum & Castellum Chudenicz Illustrissimorum Dominorum Czerniniorum Stemmatis Titulare, ubi in nemore colli imposito ad Sacellum prædicto Sancto dedicatum, hodièque in petra apparent vestigia utriusque pedis Sancti illius Episcopi, quæ is, dum per Boëmiam in suo munere Apostolico peregrinaretur, dicitur ibi impressisse. Magnus solet ad illud ferijs secundis Paschatis ac Pentecostes fieri hominum piorum concursus, narranturque inibi nonnulla supra naturam fieri solita. Etenim Sanctus Wolffgangus, ut olim, cùm esset Episcopus Ratisbonensium, Boëmiæque

carc-



careret Episcopo, curam gessit Boëmiæ, ita adhuc Boëmiam suam è Cælo videtur respectare. Nam & circa annum Domini 1600. Domino Humprecht Czerninio, loci illius Domino, tum Regni Boëmiæ Subcamerario, vegeto ac valenti, nihilque de morbo, nedum de morte suspicanti, vox vigilantis insonuit: *Humprechte dispone domui tue, morieris post triduum: prius tamen peregrinare ad S. Wolfgangum, ibique peccata confiteri & SS. Eucharistiam sume.* Paruit ille monito, tametsi nullum periculi signum in se adverteret, summoque manè res suas cum familia, & cum Parocho Chudenicensi, aliisque, quorum intererat, composuit, S. Wolfgangum, ut jussus erat, adiit, & quartâ die, diem suum piè obiit.

Idem Raderus in Bavaria pia refert Posonem, seu Bosonem Episcopum Merceburgensem (qui obiit Anno 967.) Sclavis, seu Boëmis, Lusatijs, Ungaris, qui ad orientem vergunt, Idololatris, vel saltem adhuc moribus paganis cælestem Christi legem ingenti cum labore promulgasse, dicit.

dicítque eum natum Bavarum in Bavaria obijſſe.

Nihilominus præcipui primique Boëmiae Apoſtoli ſunt, SS. Cyrillus & Methudius Epiſcopi, qui è Græcia egreſſi, corpus S. Clementis Papæ & Martyris è Cherſoneſo ſublato, ſecum detulère varias per Provincias, in quibus Chriſtum Dominum paganis annuntiavêre, donec tandem Moravos ac demum Boëmos Eccleſiæ ſubdidiffent.

Primus quem Borživogio Boëmiae Duci in Moravia ad Chriſtum converſo domum redeunti, Sancti Epiſcopi adjunxêre comitem Sacerdotem, vocabatur nomine Kaich, qui primam in Boëmia miſſam Regiæ Hradecij celebravit in Templo S. Clementi dicato.

Venerabilis autem ille Paulus Sacerdos, ſi is fuit alius & diſtinctus ab illo Sacerdote Kaich, qui poſtea Borzivogio & S. Ludmillæ fuit à confeſſionibus, & qui S. Wenceslaum intra finum ſuum educavit, ac ad omnem Sanctitatem inſtituit, putatur ab eiſdem Sanctis in Boëmiam fuiſſe adductus. Sed

Sed & temporibus reliquis viri Sancti concionibus suis Boëmiā illustrarunt, inter quos B. Joannes Capistranus Franciscanus qui Pilsnæ, Glacij, aliisque Boëmiæ locis Apostolicis suis sermonibus mira in hominum pectoribus est operatus, multaque Hussitarum millia reduxit ad Ecclesiam, multa millia excitavit in militiam adversus hæreticum, & ab Ecclesia repudiatum fædifragum Regem Boëmiæ Georgium Podiebradium, contra quem à summo Pontifice Paulo secundo declaratus est Catholicæ militiæ Dux, Zdenko de Sternberg Baro Boëmus. Adversus Turcas etiam è Boëmia multos in Ungariam excitavit, inter quos & ille Boëmus est, qui cum Albam Græcam reliquos inter Præsidarios tueretur, & Turcarum non nemo tempore acerrimæ oppugnationis vexillum Turcicum jam manibus infingeret, profusit, Barbarum illum in præceps daturus. Sed Turca ille Boëmum medium ita complexus est, ut is se eripere & à Barbaro expedire non posset. Quare ad B. Joannem Capistranum

num

num ponè cum Crucifixi effigie adstantem & Christianorum animos accendentem conversus, petijt, num; si unà cum cane isto (ita Turcam appellavit) se se daret è mænibus præcipitem, anima ejus esset futura Salutis æternæ compos; cùmque id B. Joannes pollicirus esset, sese unà cum Barbaro vexillum manu tenente, nullâ morâ abjecit in Arcis fossam, & lapsu illo vitam sibi pariter eripuit & Barbaro.

Exstant manu scriptæ variæ B. Joannis Capistrani Epistolæ, quas is ad Georgium Podiebradium scripsit ardenter, pro Hæresum in Boëmia extirpatione.

Ex eodem S. Francisci Ordine B. Jacobus de Marchia fortiter in Boëmia adversus Hussitas decertavit, veneno ab illis sæpius tentatus.

Sed & S. Henricus Imperator in bello, quo ope S. Laurentij Boëmos vicit, terram Boëmicam sacris suis pedibus aliquando calcavit, eaque victoriâ ad Boëmos nondum omnes Christianos, Ecclesiæ plenè adjungendos est usus.

Nec



Nec dubitari debet Sanctum quoque Ottonem Bambergensem Episcopum, dum per Boëmiam, ad Barbaros convertendos sæpius Wladislai, Sobeslaique temporibus est peregrinatus, occasione illâ bene usum ad Boëmorum animas pietatis amore imbuendas, adeoque Sanctitatis Zeliq̃ue sui radijs etiam hanc Provinciam illustrâsse.

Refertur in ejus Vita ab Andrea Abbate conscripta, & studio P. Jacobi Gretseri Socii JESU in lucem prolata & notis illustrata, libro 2. c. 42. quòd postquam iste Sanctus Pomeranorum Apostolus Gentem illam barbaram lingvâ & idioma te Slavvonicam universam ad Christû D. convertisset, in Metropoli illorum dictâ Julin Ecclesiam ædificaverit *sub honore SS. Adalberti & Wenceslai, qui (ait) magna. apud Barbaros Opinionis erant, in loco, ubi profani demonum ritus agi solebant: ut ubi spurca pridem commercia, Christi deinceps frequentarentur mysteria.* Ex quo etiam apparet necesse esse, ut maximis fuerint in honoribus apud omnes Slavvicas

cas Gentes duo Sancti Boëmi Martyres  
Wenceslaus & Adalbertus, cùm eorum  
veneratio etiã ad paganos adhuc Po-  
meranos penetraverit.

## §. 2. VITA S. GUNTHERI.

**D**E S. Gunthero habet Raderus præ-  
clara: sed & Vita ejus existat apud  
Henricum Canisium in antiquis Lectio-  
nibus, quam quia vulgo ignota est hîc  
appono.

## VITA S. GUNTHERI

Thuringi,

S. STEPHANI Regis Ungarorum  
cognati, Monachi Altensis, demum Ere-  
mitæ in Sylva Boëmica in Rinchnach, ubi  
37. annis exactis mortuus est præfente  
Břetislao duce Boëmiæ, quem S. Gun-  
therus è fonte Baptismi susceperat.

Auctore Anonymo, qui S. Gunthero  
perquam familiariter notus fuit.

**R**egnante piïssimo Imperatore S. Hen-  
rico hujus nominis Secundo cum B.  
Godehardus Althanense cænobium rege-  
ret, fuit in Turingiæ partibus quidam vir  
Nobi-

Nobilis, dignitate & meritis illustris, nomine Guntherus, qui pro delictis Juventutis ingemiscens, & consideratâ diligentius actuum suorum qualitate, faciem Domini in confessione præveniens, Hersveldiam, ad eundem Godehardum Abbatem noviter eidem Ecclesiæ ab ipso Imperatore præstitutum, dignè, ut postea patuit, prænitendo accessit, ei que omne secretum cordis ac voluntatis suæ funditus aperuit.

Quem Abbas justè in DEO immoratus, blandâ consolatione, & condignâ etiam provisione pœnitentem suscepit, & ad Monachicam usque professionem saluberrimâ sui commonitione, Domino cooperante convertit. Qui propriæ diffidens imbecillitatî corporis & animi ad penitus abdicanda quæcumque sunt sæculi; multiplicem suæ hæreditatis proprietatem, quam acceperat à Progenitoribus, S. Wigberto, cum consensu hæredum suorum, firmâ traditione totam delegavit, sub testibus tamen primitus testamentò pactus, ut Monachus factus, Monasterium, quod Gellinge dicitur,

tur,

tur, victus & vestitus gratiâ ipse possideret, ac fratribus Christo illic servientibus secum indè necessaria provideret. Sanctus Abbas prudenti pertractans consilio hujusmodi noviter converso talem passionem in via mandatorum DEI maximo futuram esse periculo, & plus indè per dies animæ nasci dispendium, quàm corporis, ut putabat, subsidium; interim illum providâ mente ab incepto suspendit, & laico habitu adhuc usum ad Althanense Monasterium secum perduxit. Ibidem vir prudens prædictus Guntherus cordetenus compunctus, petijt ab Abbate, ut ante professionem liceret sibi Romam petere, & Apostolorum Christi, & aliorum Sanctorum intercessionem pro transactæ vitæ devijs, & pro novæ ingressu quærere. Quo permittente & redijt, tandèmq; ante altare S. Mauritij cingulum deponens, caput & barbam tondit, & factâ de more petitione susceptus ac aliquamdiu regulariter probatus ab eodem Pastore Monasticæ vitæ habitum est adeptus. Verùm post votum  
pro-



professionis, non immemor suæ, quam præscripsimus, pactionis, adiens Abbatem Godehardum, petijt licentiam Patriam repetendi, & locum, quem pepigerat, juxta conditionem incolendi. Quod pius Pater Godehardus interim consensit, nolens cum obstinatâ contradictione ab affectu, quamvis iniquo, prohibere, donec ratione dictante, illicita cupientem animum paulatim posset mitigare. Venienti igitur ad locum Gelînge dictum & disponenti necessitates ibidem commanentium, ex occultis tentationibus tentatoris, & insidijs, DEO, ut certè credimus, ad exemplum B. Job, permittente, multa & varia ei occurrerunt incommoda, pro quibus dum ipse, scilicet antea paupertatis ac laboris insolens, ad Abbatem sæpius queritando confugeret, ejusque pro talibus, consilium & auxilium anxie perquireret, sollicitus Pater fluctuationem mentis ejus profunde prospiciens, & subsequituram forte cordis mutabilitatem vehementer pertimescens, blandâ interdum consolatio-

E

ne

ne & suaviloquâ commonitione mæstiti-  
am cordis ejus mitigabat: interdum ve-  
rò, juxta Apostolum, arguendo, obse-  
crando, increpando opportunè & impor-  
tunè nutantem animum ejus castigans, ad  
viam salutis eum reducere studuit; qui  
tamen adhuc modicum profecit.

Sed cùm in hac altercatione sæpius lu-  
staretur, & in hujusmodi molestia ambo  
crebriùs fatigarentur, illi iterum quan-  
dam suæ sollicitudinis querelam sugge-  
renti, Vir DEI debitò justitiæ Zelò per-  
motus, turgente, ut ajunt, pulmone re-  
spondit, ut aut in promissa obedientiæ  
stabilitate DE O devotus serviret, aut  
certè ad solitam sæculi vanitatem laqueis  
iterum Sathanæ irretitus abjecto habi-  
tu rediret. Ad quam vocem stupefactus  
auditor intremuit, & erroris sui nimieta-  
tem serò tandem perhorrescens ingemuit;  
sed & hanc causam pio Imperatori Henri-  
co per ordinem Abbas totam secretiùs  
insinuavit, ipsúmque Adjutorem ad cor-  
rigendum talem hominem corrogavit.  
Quem confestim Princeps ad colloquen-  
dum

dum clementer evocans, per semetipsum convertit, & ex Evangelicis vel Apostolicis regularibus præceptis instruere cepit, nullum posse duobus Dominis servire, nec Monachum, Matthæ : 6. ut canem ad vomitum, reverti debere. His, & alijs hujusmodi 2. Pet. 2. præcautionibus, tandem in Christo verè compunctus Vir memoratus, omni prædictâ pactione cordatenus oblitâ, & totâ cujuscunque incommodi querimoniâ abolitâ, ad Althanense Monasterium, ubi tunc sub ejusdem Patris cura (ut in gratia omnium loquar) singulare Divini cultûs fervebat studium, se contulit, & illic Fratribus humillimè subjectus, & in Sacræ Religionis distractione pleniter in brevi tempore, divini roris infusione instructus, ultra regulare præceptum semet, Prælati admirantibus, affixit. Cùmque in austeritate vitæ perseveraret, & exemplô suô quamplures ad viam veritatis incitaret, veluti lucerna super candelabrum posita, fama ejus bono odore resperfa, ad aures B. Stephani Regis Ungarorum, ipsius Venerabilis

E 2

bilis Viri Cognati emanavit, cujus animus magno dilectionis incitavit amore, ut hunc facie ad faciem videret, quem sic de virtute in virtutem proficere frequens fama prædicaret. Unde factum est, ut ad ipsum nuncios dirigeret, & ut ad eum venire non recusaret, omni studio postularet. Vir autem Domini conversationis suæ non immemor, hæc sibi minimè licere respondebat, quæ Rex pius postulabat. His Rex auditis majoris inflammatur charitatis amore, & velut antea, nuncios direxit. Sed ille se venire etiam secundo denegavit. Tertiò itaque post illum veluti primò & secundo trans mittebat, & ut ipsius petitioni assensum præberet, humiliter postulabat. Igitur S. Guntherus Regis tandem victus precibus, ejus petitioni licet invitus an-nuit, & acceptâ Abbatis, & Fratrum benedictione, cum transmissis legatis, pariter & ipse ad Regem pervenit. Rex autem viso S. Gunthero, gavisus est, & quomodo hunc arctius veluti justum & Sanctum diligebat, circa ipsum majorem diligen-



ligentiam habere satagebat. Factum est autem, dum horâ prandij S. Guntherus mensæ Regis pariter consedisset, Rex sibi pavonem assatum apposuit, & ut carnis vesceretur, intimè flagitare cepit.

Sancto autem Viro sub regulari conversatione degente, & hujusmodi cibis abstinente, penitus contradicebat, & illicitis cibis se contaminari nolle asseribat; cujus voluntati Rex non minùs resistebat, ut apposita manducaret, non solum rogando, verum etiam præcipiendo laborabat. Quidnam facere poterat? Præcepto Regis se obtemperare promittebat, sed in divino adjutorio fiduciam retinebat. Quapropter factum est, ut inter prandentes hic solito more orationi insisteret, caput manibus inclinaret, profusis lacrymis, nè illicitis cibarijs pollueretur, divinam clementiam implorabat. Mira res atque stupenda! completâ DEI famulus oratione, caput de manibus elevabat, avis assata mensæque superposita reddita vitæ pristina devolabat, & ab ejus usu gratia divina virum liberabat.

E ;

Quo

Quo visô cuncti miraculô inauditô,  
DEO gratias referebant, nec amplius  
Sancti viri voluntati resistebant. Sed  
DEI famulus plûs appetens mala mundi  
perpeti, quàm laudes; pro DEO labori-  
bus fatigari, quàm vitæ hujus favoribus  
extolli; deserti loci secessum, cum aliquan-  
tis sibi de Altach cohærentibus, in quo-  
dam saltu Boëmico, de permissione sui  
Abbatis Domini Godehardi petijt, ibi-  
que cellulam in honore S. Joannis Bapti-  
stæ construxit, & ipsum locum Rinch-  
nach propriô nomine appellavit, in qua  
ad 37. annos in studio Sanctæ Religio-  
nis, & in summa discretionem paupertatis  
spontaneæ, cum sibi remanentibus vixit.  
Annona denique erat vâria, ubi de potu  
& deliciosis cibis nihil erat, & ubi non  
nisi sola aqua habebatur, & ipsa etiam ho-  
spitibus ad sufficientiam, Fratribus verò  
ad mensuram dabatur. Literas omninò,  
nisi tantum Psalmos aliquos. non didi-  
cit, & tamen omnem rationem & intel-  
lectum Evangeliorum, Regis, & Prophe-  
tarum, historiarumque ex crebra Fratrum  
recla-

relatione & avidiore verbi DEI auditione, mirabiliter percepit, adeò ut sapissime obscuriora mystica intelligentiæ, interdum subridendo, interdum verò admonendo, stupentibus auditoribus proferret. Quod nos quidem, qui cum familiarius cognovimus, frequenter audivimus, præcipuè tamen cum in summa sua festivitate adesset in cella, quam ipse honori B. Joannis Baptistæ construxerat, specialis sui Patroni, sermonibus ejus affuimus, quo in Capitulari collatione eodem die Fratres suos admonebat, dum eos de ejusdem Patris, Beati videlicet Joannis Vita & moribus, victu & etiam vestitu ac operibus ad paupertatis suæ DEO placitam tolerantiam instruebat. Verum enim dico, & coram DEO non mentior, quia omnes penè, qui aderant eidem Sermoni, aduberrimam lacrymarum effusionem dono DEI sunt compuncti.

Assedit & ibidem Venerabilis Ratmundus Abbas cum plurimis sui cænobij Fratribus, & alijs insuper multis hospitibus,

præter nos, quos in canonico habitu il-  
 luc ingredi Religio vetuit; quos tamen  
 familiaritas, & maximè Abbatis licentia,  
 circumquaque ad fenestras, ignorante  
 concionatore clanculò collocavit. Erat  
 enim, ut de S. Benedicto dicitur, quem  
 post Dominum vitâ & moribus sequeba-  
 tur, scienter nescius, & sapienter indo-  
 ctus.

Hæc itaque breviter diximus de ho-  
 nestate morum, & conversatione, nobi-  
 lis viri Guntheri, quantumque per pæni-  
 tentiæ satisfactionem Domino compla-  
 cuerit; quæ nobis ad imitationem boni  
 exempli sufficiant. Ecce enim camelus  
 depositâ gibbi sarcinâ angustum foramen  
 acûs penetravit, ipsum ducente, cui o-  
 mnia possibilia sunt, & nihil difficile, qui-  
 que est mirabilis in operibus suis, maxi-  
 mè in misericordijs, neminem propter  
 enormitatem scelerum deserens, omnia  
 dissimulat, propter pænitentiam, peccata.  
 Unâ horâ convertens impium, Sanctum  
 facit, cujus virtute caput antiqui hostis  
 pugnando contrivit Christicola Gunthe-

rus.



rus. De virtutibus verò hujus Venerabilis Viri, quibus adversarium superavit, vel quas ejus insidias pertulit, nulli compertum habetur, eò quòd multo tempore hominibus incognitus mansit; qui tamen licet locum mutaverit, hostem non mutavit, nullique dubium, quin quantò in spiritualibus profecit, tantò plus acriora certamina toleravit. Igitur quanti meriti Vir iste sit, per lapidem indicatur, in quo dum in vasta eremo solitarius Christo militaret, post laborem quievisse, quantiras membrorum ipsius veluti in molli strato quiescentis nunc usque apparet impressa. Et quid dicimus? nam sicut ad roborandum fidem credentium Petri Apostoli vestigijs fluentis maris Christi pietas solidavit, Matt. 14. sic ad declaranda famuli sui Guntheri merita, duritiam silicis in mollitiem ipsius membri stravit, ut ex hoc clareat, quantà suavitate in Cælis animam ejus pius Judex remunerat, quem ad sectanda sua præcepta misericorditer inflammavit.

Cùm verò omnipotens DEUS beatum

E s

Virum

Virum vellet à labore quiescere, & æternâ mercede remunerare; ejusque vitam in exemplum hominibus demonstrare, ut posita super candelabrum lucerna claresceret, quatenus omnibus, qui in domo DEI sunt, luceret, contigit ut inclitus Tiro, Dux videlicet Br̃etislaus, cū Poloniam gloriōse sibi subjugasset; victorque cum pace ad sua redisset, cujusdam urbis, quæ Prachen dicitur, confinium causâ venationis cum suis adiit, ubi quâdam die, ut solebat, venatum exivit. Cūque sui omnes huc illūcque discurrerent, nec in aliquo proficerent, subitò apparuit eis cervus miræ magnitudinis, quem ipse Dux cum magna alacritate subsecutus, & tunc cervus quasi fugam simulans, in quendam locum ipsius silvæ quàm celeriter devenit, & veluti nullo sequente securè stare cæpit. Hoc Dux intuitus ac solo cliente parvo contentus, cervum aggredditur, & ejus formam & magnitudinem diligenter scrutatur, denique cum fidei armis munitus hæsitaret animo, subitò de Cæli fastigio audivit claram sibi

sibi vocem taliter insonantem. O Brē-  
tislai, non semper, quæ alta sunt DEI con-  
silia, tuo fragili desiderio quaras, sed cum  
humilibus humilia, tibi tuisque posteris  
profutura nè pigriter attendere. Hoc  
enim in loco latet DEI thesaurus, tibi  
quondam valde amabilis, nunc verò in  
futura tempora cunctis quærentibus piè de-  
siderabilis.

Hæc talia dum Dux tacitus audiret, &  
ut amens stupefactus, de loco quo stratus  
jacebat, vix resumpto spiritu, surgit, ac  
circumquaque aspiciens, illico in ipsa va-  
sta solitudine rivulum parvulum à longe  
videt, pulchròque gramine circumda-  
tum, quasi quibusdam odoribus abunda-  
re; quo in loco lapidem miræ magnitu-  
dinis, & super eum cellulam vilibus de  
lignis constructam, miro odore redun-  
dantem invenit, & solus cum solo clien-  
te de supercilio montis descendens, licet  
pavidus, cruce tamen sanctâ in fronte si-  
gnatus, quid ibi lateret cogniturus, cele-  
riter intrat. Et ecce senem pulchrâ ca-  
nitie sedentem, & albescentem ac veluti

Angelum DEI in vultu relucentem, letóque cœu in oratione prostratum aspicit, nimio quoque horrore pervasus cœpit stare. Quem senex pio vultu intuitus, nè ad talia trepidaret, sed ut DEUM omnipotentem in omnibus laudaret monuit; & quod ipse Guntherus esset, qui eundem de sacro fonte suscepisset, diversis indicijs, licet admiranti Duci, assignavit. Tunc Dux his verbis Spiritum ad plenum resumit, & constantiâ animi receptâ pium virum interrogavit, quomodo vel quando ad tam insolitam solitudinem devenisset, vel cur tam duram vitam monachorũ attigisset; ac satis amicabili & multum lacrymabili affatu precatur, nè ulterius tam nobiljs Vir hominibus lateret incognitus, sed ad terram sui Ducatûs meliùs fovendus perduceretur, quàm plurimum rogabat. Quod Vir DEI prorsus renuit, & ne DEI voluntati in aliquo contrairer sollicitè DEUM rogans. Unde Dux valde miratus, & in ejus pijs admonitionibus, & diversis verbis consolationis, orationibus se Sancti Viri commendavit,

&



& ut in reliquò de apparatu proprio nulla necessaria ei deessent, se daturum promisit. Quæ omnia Guntherus à præfatto Duce benignè suscipiens, & multa prædixit futura, & veluti quodam prælagiò inter reliqua pij affaminis verba proloquens dixit: *Mee dilectionis causâ sive venisti, Fili, mee petitioni esse contrarius noli. Nam corpusculi mei jam dissolutio instat, & quamvis de sepultura mei, diversi diversa sentiant, ego, ut in spiritu loquar, corpusculi mei Brzegwnovia depositionem locandam testor, & quod in spiritu loquor, id ab omnipotente, ut fiat, exopto. Proinde, charissime Fili, memoria causâ prædicto loco Brzegwnovia aliquid solatij apta, ut & mei in Domino, & tui tuorumque omnium imposterum in DEO memoria habeatur, & in mea requiei, quæ futuri inibi diem judicij expectabit, dignum memoria fructum tuis licet postea, vel tuorum Successorum in temporibus confirmanda, prudenti consilio adapta. Super hac autem omnia, si mee discessionis vel migrationis terminus delectat, crastina die, ter-*

*tia hora, quid de meo transitu divina operatio sentiat, mea fragilis vita terminus declarabit.* His Dux auditis turbatus est animò, & in oscula ruens, amarissimis circumfusus lacrymis magnò rugitu talia proclamabat.

*O! charissime Pater, cur me, ad te licet tardè venisse detestaris? ô canities veneranda, quem veluti Angelum DEI, licet indignus amplector? cur me filium, ut dicis, tuum spiritualem tam citò, ceu orphanum reliquis? tua enim pure orationes, tua crebra, ut spero, jejunia, meæ pravitatis deberent esse, & fuerunt tuta præsidia, ut apud DEUM omnipotentem pro meis criminibus, quibus humana fragilitas sæpius convincitur, hostisque mille fraudum dolis atteritur, fierent assidua suffragia.* His clamoribus motus pius Guntherus dixit flenti nimiumque gementi: *Desine fili, desine talia agere, & sperans in Domino noli metuerе, meæq; petitionis effectum libenter excipe, veraciter perfice.* Jam jam ad tuos redi meiq; secretum prodere noli, sed crassino non tardè redeas, & meæ migrationi.

ni.

ni, si Dominus DEUS voluerit, interesse poteris. Tunc Dux valde tristis & gemitundus benedictione tamen acceptâ, cum suo cliente discessit, & ne cui talia secreta prodat, sub interminatione interdixit. Igitur sequenti die Břetislaus Dux, assumptô venerabili Episcopo Severô, qui sibi speciali familiaritate adunabatur, summô diluculo ad Viri DEI cellulam pervenerunt, ipsûmque orationi instantem, laudesque DEO omnipotenti psallentem invenerunt. Completâ verò oratione post longa futuræ vitæ colloquia, peractisque à Severo Episcopo Missarum solennijs, Vir, Domini corporis & sanguinis perceptione se muniens, horâ diei tertiâ, canentibus, qui aderant, & flentibus, inter orationis verba immaculatum DEO spiritum reddidit. De carnis igitur ergastulo tam felici recedente animâ, tanta de eo suavissimi odoris redundavit fragrantia, ut cunctorû ibi assistentium perfunderet nares & pectora. Cujus odoris suavitas, tam diu stabilis permanebat, quousque viri DEI corpus ad locum Sepulturæ perveniebat. Post

Post hæc peractis omnibus ad exequias attinentibus, Corpus illud sanctissimum indomitis equis est superpositum, quod cum tanta mansuetudine ad locum Sepul uræ ab eisdem delatum, ut profectò claresceret quanti meriti existerit in Cælis, ejus corpus bruta animalia postpositâ ferocitate venerabantur in terris.

Obijt autem Christi famulus Eremita Guntherus Anno incarnationis Domini M X L V: Septimo idus seu 9. Octobris sepultusque est, in Monasterio Brževnoviensi, quod à Civitate Pragensi distat X. Stadijs, ubi ipse, dum adhuc viveret, se se sepeliendum esse iu spiritu prædicebat; in quo loco per ejus merita fiunt assiduè miracula, multa infirmis præstantur beneficia, donante Christi gratiâ, qui cum DEO Patre vivit & regnat DEUS per infinita Seculorum Secula, amen.

§. 3. *Reliqua notabilia circa*

*S. GUNTHERUM.*

**M**artyrologium Ecclesiæ Pragensis  
9. Octobris dicit, S. Guntherum  
fuisse

fuisse Landgravium Thuringiæ. Fuerit  
haud dubiè Filius aut Nepos regnantis  
Landgravij.

Jacent porro S. Guntheri Exuviae in  
Sacello S. Benedicti sub ruderibus apud  
Cænobium S. Margaritæ, dictum Brževv-  
noviense, Ordinis S. Benedicti, prope  
Pragam, fundatum à Boleslao Pio Boë-  
miæ Duce & S. Adalberto Episcopo Boë-  
miæ. Ætate nostrâ, Reverendissimus  
loci Vice-Abbas D. Zdislaus Berka de  
Duba & Lippa, hortatu cujusdam è So-  
cietate JESU Patris, accinctus jam ferè  
erat operi, ut sacrum ejus corpus è rude-  
ribus Cænobij ac Templi illius ab Hussi-  
tis diruti, in lucem, ac pristinam populi  
venerationem produceret: sed mors co-  
gitationes illas abruptit.

Est & alia ejusdem Sancti prope Ar-  
cem Raby in Boëmia memoria in colli-  
culo, ubi vetus exstat Ecclesia Sanctorum  
omnium nomini sacrata: juxta quam, quæ  
oppidum Raby respicit, vestigia Asini aut  
muli, petrae altè impressa apparent, quo-  
rum origo hæc celebratur. Repertum  
fuisse



fuisse Sanctum Guntherum quondam eo in loco à Monachis Benedictinis Monasterij Brževnoviensis, multisque ac importunis fatigatum precibus in Canobium illorum migrare voluisse, atque adeò itineri jam accinctum, jumentum conscendisse. At ecce, ut testatum esset migrationem illam non fieri è DEI placito, vestigia bestiae profundè in petram, idque iterum ac repetitis vicibus descendisse, ut his moti Religiosi illi, Sancto viro esse molesti desierint, illéque ad suum Tuguriolum, ubi nunc Ecclesia illa est, fuerit reversus.

Ex plurimis, quæ apud Sepulchrum ejus facta sunt miraculis, pauca hîc subjiciam ex Boëmico hac de re impresso libro excerpta.

1. In Ungaria Procerum nonnemo, nomine Laurentius, membris omnibus captus, cum diu à DEO per merita S. Stephani Ungariæ Regis sanari oraret, apparuit ei Sanctus Stephanus Rex, monuitque, ut in Boëmiam profectus ad Sepulchrum Sancti Guntheri precaretur. Obsecu-

secutus ille mox Sanitatem obtinuit; & Monachi Cænobij illius sonantibus omnibus campanis, DEO hymnum: Te DEUM laudamus, magno jubilo concinuerunt. Gratitude ergo. Sepulchrum Sancti Guntheri eleganti tegumento vestivit, cum gaudio reversus in Ungariam.

2. In Bavaria in Monasterio Altenfi nonnemo dictus Landfridus, etiam ipse membris captus omnibus, monitu SS. Virginis Deiparæ, die S. Dionysij Areopagitæ (qui ipse etiam dies est S. Guntheri) in Brževnovium venit, ubi cum vir quispiam Religiosâ veste indutus cum crexisset, momentoque persanasset, mox ab oculis ejus evanuit. Ob quod more solito Campanæ Cænobij ejus omnes in lætitiæ, gratique erga DEUM animi signum sunt pulsata.

3. Nobilis quidam Boëmus ex familia Racšinorum, à Dæmone obsessus, è vestigio ad Sepulchrum S. Guntheri est liberatus, campanis, ut post singula miracula fieri solebat, jucundè resonantibus.

4. Ci-

4. Civium Pragensium unus nomine Martinus, filium cæcum, & mutum natum ad Sepulchrum S: Guntheri delatum, sine mora, sanum præsentî maximâ Pragensium turbâ, recepit, statimque dimidium bonorum suorum Cænobio illi donavit. Illo visô miraculo quidam Bavatus domum reversus, amico suo author fuit, ut filium suum cæcum etiam deferret ad S. Guntherum, sed is filiô domi relicto peregrinatus ad S. Guntherum, cum hîc jejuniis & orationi vacaret, cælitus intellexit, filium in Bavaria illâ ipsâ horâ visum recipere; id quod verissimum fuisse postea deprehendit.

5. In Thuringia Petrus quispiam præcipue nobilitatis Vir, triennali morbo prostratus, à medicis relictus, amicis jam gravis, famâ horum miraculorum exciatus, se S. Gunthero commendavit, sanatusq; Brževnovium gratitudinis causâ advenit.

6. A tumore colli alius, alius à morbo caduco, duo à lepra, alius à periculosis Dæmonum tentationibus, femina quæpiam

Anno

Anno 1256. die S. Magdalenæ à rabie, alia à fluxu sanguinis; alia Anno 1258. die S. Valentini, alijque aliàs à cæcitate, atque à morbis alijs sunt liberati; multis manus aridæ sunt restitutæ sanitati.

7. Lampas apud S. Guntheri corpus suspensa aliquando nullò hominum cooperante ignem concepit.

8. Anno 1248. 2. Septembris Gertrudis quædam in morbo jam deposita, svasu cujusdam ex ordine Prædicatorum, semimortua ad S. Guntheri monumentum delata, revaluit.

6. Quidam à duobus Dæmonibus sub viri ac fæminæ figura conspicuis vexatus, cùm ad opem S. Guntheri confugisset, ab eo sibi etiam conspicuo vehementer baculò percussus hæc verba audivit: *Fili, hac plagâ liberaberis*: & mox verè liberatus est.

10. Anno 1256. 4. Augusti Udalrici Pragensis civis filius à gravi morbo, filiola ab Hydrope apud monumentum S. Guntheri sunt sanati: deindèque ejusdem alius filius ab equo graviter percussus,  
itidem

itidem sanatus, causam dedere, ut Patrens eâ die annuè in pane & aqua jejunaret.

11. Alius Pragensis civis dictus Putna, cum filiolum suam jam depositam Brževnovium deveheret, illa prope Cænobium exspiravit. Quare mortuam ad Sepulchrum S. Guntheri detulit, & mox vivam recepit.

12. Ex pago Bubenecž Virgo dicta Dauchavva, cum usum manuum pedumque ac insuper lingvæ amisisset, die S. Matthiæ apud S. Guntherum valetudinem recuperavit.

#### §. 4. Reliquia sacra in Ecclesia Metropolitana Pragensi.

Sunt in Boëmia, ac præsertim in Metropolitana Pragensi Ecclesia præclarissimæ Sacræ Reliquiæ, ex quibus aliquæ asservantur in Sacrario, seu Sacristia, aliquæ verò in Sacello Sancti Wenceslai Martyris. Inter eas quidem quæ in Sacristia sunt, inveniuntur aliquot Sanctæ Cru-



Crucis partes in quarum una est foramen clavi, Sangvine Christi D. purpureum.

De eodem Filij DEI Sangvine varijs in linteorum partibus ibidem habetur multum, præsertim in uno frusto aureæ Cruci magnæ incluso quod Urbanus V. Papa Carolo IV. Cæsari donavit.

Frusta item flagellorum, Spongiæ, & clavi.

Frustum item Sudarij, quo Caput Salvatoris nostri in Sepuchro fuit obvolutum.

Frustum lintei quo Christus D. fuit præcinctus.

Grandis aliquot ulnarum pars lintei illius mensalis, seu mappæ, quâ tecta fuit mensa, dum Christus Dominus ultimam cænam manducaret, adeoque super quam Venerabile Sacramentum instituit.

Est hæc pars mappæ pretiosæ grandi crystallinæ amphoræ inclusa, quæ singulis diebus Feriæ quintæ in Cæna Domini populo monstratur, & quidem ita, ut cui-

cui-

cunque manibus, rosarijs, cruculis attingenda permetteretur, usq; ad pauculos abhinc annos (quando iustis de causis non amplius cujuslibet manibus porrigitur) & tamen post tot secula adhuc perdurat integra & solida, quando per sola hæc tria secula, quibus à Carolo 4. Cæsare Pragæ visitur, quæcunque alia seu sericea, seu linea, seu bombycina tela in flocculos putridos concidisset pridem.

Pars mensæ, in qua eandem ultimam cænam sumpsit.

Aculei duo ex spinea Corona, quæ Christus Dominus coronatus fuit.

Crines Beatissimæ Virginis.

Mamillæ S. Annæ, Aviæ Christi Domini Matris Beatissimæ Virginis in argentea Statua, sub grandi crystallo inclusæ.

Dimidium ferè Evangelij S. Marci autographum Latinum, ejusdem Sancti Evangelistæ manu propriâ scriptum, sedecim folijs membraneis, magnitudine folium ordinariæ chartæ paulum excedentibus comprehensum, incipiendo ab eis capitulis 12. versus 21. verbis: *Et secundus*

*duſ accepit eam, & mortuus eſt; & nec iſte reliquit ſemen &c. uſque ad finem totius Evangelij.*

Capita S. Bartholomæi Apoſtoli. S. Barnabæ Ap. S. Lucæ Evangeliftæ.

Manus unius ex SS. Innocentibus ab Herode occiſis.

Os S. Stephani ProtoMartyris.

Os S. Sēbaſtiani Martyris.

Brachium S. Georgij Martyris.

Brachium S. Evphemiæ.

Galca, Gladius, & Lorica S. Wenceslai Martyris Bohemiæ Regis.

Cafula ſeu Planeta, Infula, duo annuli, duæ Cruces, unum granum ex Roſario, Reliquiaria Theca, & pecten ligneus S. Adalberti Episcopi Pragenſis & Martyris.

Habet variam earundem Sacrarum Reliquiarum conſignationem D. Thomas Peſſina in ſuo ſepticorni Phosphoro, radio 4. præſertim à pagina 490. inter quas ibi enumerantur etiam

Sudarium Chriſti Domini.

De veſte Chriſti Domini.

De linteo Christi Domini.

De fascijs Christi Domini.

De vestitu B. Virginis.

De peplo B. Virginis.

Portio de Palma, quam S. Joannes Evangelista portabat ante funus B. Virginis.

Reliquiæ SS. Patriarcharum Abraham, Isaac & Jacob.

De ossibus S. Petri Apostoli.

Dens S. Andreæ, S. Jacobi Majoris, S. Bartholomæi, S. Matthæi, S. Philippi, S. Mathiæ.

Notabilis pars S. Andreæ Apostoli.

Brachium S. Matthæi.

Reliquiæ SS. trium Regum. S. Jacobi & S. Stephani.

Reliquiæ S. Laurentij. S. Augustini.

De Capite S. Ananiæ. S. Lazari de Bethania ossa & pulveres.

De Cruce S. Andreæ.

De vestitu S. Augustini & Adalberti.

Rosa S. Dorotheæ.

Pars de Virga Moyfis.

De Ossibus S. Eleutherij, qui fuit Sponsus S. Ursulæ.

Ulla-

Illarum verò, quæ in Sacello Sancti Wenceslai asservantur, catalogus nuper impressus passim haberur, ex quo aliqua referam.

Cruce de ligno S. Crucis.

Peplum B. Virginis tribus guttis Sanguinis Christi sub Cruce tinctum.

De lacte Beatissimæ Virginis.

S. Joannis Baptistæ aliquot partes.

S. Petri Apostoli pars Maxillæ.

Reliquiæ S. Pauli, & omnium Apostolorum & Evangelistarum.

S. Philippi caput integrum.

S. Stephani Protom:

S. Clementis Papæ & M. mandibula.

SS. Fab. & Sebast: MM pars capitis.

SS. Cosmæ & Damiani pars capitis.

S. Dionysij Epif. & M. caput.

S. Timothei Epif. & M. caput.

S. Christophori pollex.

SS. Trium Regum.

S. Gregorij P. & Eccl. Doct:

S. Ambrosij Epif. & Eccl. Doct:

S. Augustini Epif. & Eccl. Doct

S. Hieronymi Eccl. Doct,



- S. Leonis Papæ & Conf.
- S. Joannis Chrysoft: Epif.
- S. Basilij Magni caput.
- S. Martini Episcopi.
- S. Nicolai Epif. digitus & partes.
- S. Lazari Epif. & fratris S. Magdalenæ.
- S. Hermagoræ I. Patriarchæ Aquileiensis.
- S. Benedicti Abbatis.
- S. Caroli magni os grande.
- S. Antonij Eremitæ.
- S. Mariæ Magdalenæ.
- S. Sapientiae Virginis & M. caput & totum corpus.
- S. Justinæ Virginis & M. caput & totum corpus.
- S. Barbaræ Virginis & M.
- S. Dorotheæ Virginis & M.
- S. Afræ M. caput & alia lipsana.
- S. Elisabethæ aliquot magnæ partes.
- S. Brigittæ.
- Facies Christi Domini, jussu Caroli quarti transpicta ex peplo Sanctæ Veronicæ.
- Peplum B.V.

De vestibus B. V.

Aliquot fila de cingulo B. V.

Pars cerei, qui arsit ad obitum B. V.

Pars vīrgæ Moyſis.

Pars Virgæ Aaronis, quæ floruit.

Crux ex ligno Arcæ fæderis.

Sancti Wenceslai poculum ligneum,  
pars loricæ cum argenteis bullis, col-  
lare, & vestes.

S. Georgij vexillum.

Nemini autem incredibile videatur  
tot Pragæ asservari reliquias ex antiquo  
etiam Testamento, quia cū res ejusmo-  
di lacras magnōque in pretio à Judæis  
habitas, Tītus post everſam Jerosolymam  
tranſtuliffet Romam, inde poſtea non-  
nullæ delatæ ſunt Constantinopolim ad  
Cæſarei theſauri ornamentum; indè aliò  
ſparſæ, unde tandem etiam Carolus IV.  
eas partim pretio, partim precibus, ma-  
gno labore & induſtriâ & interdum vi ac  
armis Pragam acquiſivit.

In eadem autem Metropolitana Pra-  
genſi, ſuper Sepulchrum B. Joannis Ne-  
pomuceni, ſtat baſis unius candelabri ex

templo Salomonis, quam cum reliquis è Mediolano occupato spolijs huc transtulit Wladislaus Boëmiæ secundus Rex, quando etiam imaginem DEI paræ à Sancto Luca depictam (quæ Mediolanum quondam Constantinopoli fuerat advecta) attulit, quæ nunc Brunæ servatur in Moravia in Monasterio Sancti Thomæ Ordinis Sancti Augustini. Alia ab eodem Sancto picta Pragæ in Sacristia etiam asservatur.

*§. 5. Reliquia sacra in Boëmia  
reliqua.*

**E**X his, quæ in Sancta Metropolitana Pragensi, adhuc habentur, sacris Reliquijs, facilis conjectura est, quantis olim fuerit tota Boëmia exornata sacris Thesauris, præsertim per incomparabilem in pietate Zelum Caroli 4. Cæsaris, a quo illata huc Sanctorum multorum corpora Tartareus Žisko-Hussitarum furor abiecit, exussit, pessumdedit.

In his fuit & corpus S. Longini Militis, & Martyris, qui Domini latus lanceâ aperuit.

aperuisse putatur. Hoc Sacrum corpus ex Ecclesia Wissegradensi Pragenses raptum de rupe præcipitârunt in præterfluentem Moldawam, unâ cum lapideo, in quo depositum erat, sarcophago: sed utrumque mirabiliter aquis supernabat: ut prodigio hoc moti senatores Neo-Pragenses illud Curia suâ intulerint. Sed cum ob id Curia aliquoties passa esset divinitus incendium, graviora hæretici veriti sacras has exuvias Religiosis quibusdam donaverunt, qui illas secum in Moraviam asportârunt (teste horum omnium tunc oculato Paulo Židek S. Theologiæ Doctore in suis manu scriptis) inde verò, quò delatum sit hætenus ignoratur. Sarcophagus ille lapideus à plebe hæretica adhibitus est, ut pisces in coenales proponerentur. Sed cum pisces omnes, quotquot impositi essent, statim emorerentur, in Wissegrad restitutus est, atque in ea, quæ nunc ibi diminuta est Ecclesia, hodièque asservatur sub Choro Cantorum adornatus permōdum Altaris, ubi & Missæ quandoq; celebrantur.

Corpus Sancti Clementis Papæ à S. Cyrillo huc allatum toto anno Pragæ requievit.

Corpus S. Callixti Papæ Imperatrix Anna, Matthiæ Cæsaris Uxor è Boëmia in Tirolim abstulit, quòd tam pretioso thesauro Boëmos hæreticos ( quos ad Ecclesiam redituros desperaverat ) putaret indignos.

S. Ignatij Episcopi & Martyris Caput Societati JESU ab Illustrissima Krumlovij Domina de Rosis, donatum ex Boëmia Romam translatum. ibi nunc colitur in Templo Domûs Professorum Societatis JESU.

Plurimæ etiam & præclaræ à Sigismundo Cæsare Norimbergensibus oppignorate Reliquiæ, ibi non pio quidem, sed reverentiali metu servantur, utpote in Civitate catholica.

Habuit inclyta familia Rosensium crucem grandiusculam è ligno S. Crucis concinnatam cuiusdam Heroum Rosensium quondam à Rege Galliæ ob ejus in Gallia merita donatam, quæ nunc apud familiam



miliam Lobkoviciam asservatur; apud quam etiam habetur pars rami unius è spinea Christi Domini Corona.

Supersunt adhuc sacra Divorum corpora in Boëmia non pauca, ut in arce Karlstein corpora S. Palmatij M. Trevirensium Consulis & S. Euphemiae V. & M.

Budvicij S. Aurentij M.

Micro-Pragæ ad S. Nicolaum Domus Professorum Societatis JESU, S. Crispi Præsbyteri & M.

Ibidem in antiqua Urbe in templo Salvatoris Collegij Societatis JESU, SS. Nominati & Justæ ac Valerij M.M.

Item caput S. Ursulae V. & M. Ducis undecim millium Virginum, quod Carolus IV. Cæsar quondam donaverat Monasterio Oibinenfri in Lusatia, prout literarum authenticarum testabantur, quæ apud Sacrum illud Caput sunt repertæ, quando ex Monasterio illo fuit Pragam translatum.

Præterea in templis Soc. JESU. Novæ domi corpus S. Hyppoliti M. Gicžinij corpus S. Secundinae V. & M. Kuttenger-

ga corpus S. Basilæi Martyris & S. Cæsareæ V. & M.

Corpus S. Benignæ ūnius, ut putatur, ex Virginibus Martyribus S. Ursulæ comitibus (quam Boëmi vocant Dobrótna) in Boëmiam afferri fecit Anno 1326. Udalricus Ecclesiæ Pragenfis Decanus Guilielmi de Waldek filius: sed unde allatum sit nescitur. Depositum est in Monasterio B. V. dictum in Verder sub castro Valdek. Pars præcipua est Pilsnæ in superiorem magni altaris tholum honorificè reposita.

In Monasterio Osek digissus index S. Joannis Baptistæ,

## CAPUT V.

### *Pij homines.*

**E**st locus uno milliari Bržezniciō inter silvas Bastinenses in loco Styadráze, sub antiqua desolata Arce, nomine Tremssim, ubi modò sunt quædam prata bonorum Bržeznicensium. Illic fuit quoddam Sacellum, & juxta illud tugurium

riolum, in quo 46. annis Eremiticam vitam egit. Benedictus de Dlužina, vir Equestris ordinis, sepultus in Hwoždian, in Ecclesia S. Procopij. Imago & Epitaphium ejus Anno 1637. deleta fuit in dealbatione templi. Dicitur fuisse tantæ innocentiae, ut cum leporibus subinde luderet; sed & quando illi in hortulo damnum in caulibus faciebant, vocabat illos ad se, & virgâ correctis documenta dabat, nè amplius ad damna redirent. Sunt quidam in vivis, qui hæc à majoribus suis acceperunt. Sacellum autem non ita pridem, idest, annò circiter 1620. destructum est à quodam Capitaneo Bržeznicensi Hæretico.

Ad Civitatem Strakonicensem est Arx, vel potiùs Conventus Equitum Melitensium, S. Joannis Hierosolymitani. Erant olim inibi duodecim Sacerdotes ejusdem Ordinis, qui etiam vicinas Parochias administrabant. In templo ejus Arcis est sepulta quædam puella, quæ à Matre Judæis vendita ab illis occisa fuit. Et cùm hoc rescissent Christiani, cor-

pus acceperunt, & in templo arcis sepeliverunt, ubi in lapide Sepulchri Cruce signato hæc scripta sunt: *Puella annicula Dorothea à Judæis occiditur die Martij prima 1503.* Unde Judæi non habitant ab eo tempore in illo Dominio. Mater verò illa est combusta.

### *Auctaria.*

DE Sanctitate Martini Strakonicky Parochi in Strassinie, sepulti in Bliži w dictum est in vita P. Alberti Chanowsky toto cap. 3.

### S. PRIMUS.

#### *Pij Homines ante Hussij hæresim.*

ANNO 979. refert Wenceslaus Hagek Bohumilum primum Ostroviensem à S. Adalberto constitutum Abbatem Ordinis S. Benedicti ab omnibus vulgò habitum pro viro Sancto.

Bonfinius in sua historia Ungariæ refert Anastasium Colociensem in Ungaria Archi-Episcopum ad illam dignitatem ex munere Abbatis Monasterij Brşew-

Bržewnoviensis in Boëmia (ubi à S. Adalberto primus Abbas constitutus fuerat) translatum tantorum apud DEUM fuisse meritorum, ut mortuos ad vitam revocaret.

Sacerdos quidam Proštivvog Anno 992. cum paganos Boëmos quàm ardentissimè in Christiana fide institueret, est à Hrabodog Wřššovicensi Ethnico interemptus.

Anno 1079. Judæi passim per Boëmiam Sacerdotes Christianos in vijs occidebant; eisq̃ue viscera extrahebant, donec deprehensi pœnas dederunt.

Memoratur ad annum 1220. eximia pietas clarissimi Herois Jaroslai Domini de Sternberg, qui à Wenceslao Ottocaro Monoculo Boëmiæ Rege adversus Tartaros post Russiam, Poloniam, Sileciam vastatam in reliquas Europæ Provincias impetum parantes missus, Ołomucij Metropoli Moraviæ octo Christianorum millia congregavit, quibus, ducenta Tartarorum millia aggressus, profligavit, Ducis eorum Petæ nomi-



ne, manu propriâ dextram amputavit. Priusquam in Barbaros movisset, in foro Olomucensi cum copijs suis omnibus flexit genua, opem DE Iparæ apud DEUM implorans, voto addito, templum se DEO sub titulo DE Iparæ erecturum, si victoriâ potiretur. Multis deinde à Rege Boëmiæ (congratulate etiam summo Pontifice) ornatus est dignitatibus, ejusque honori institutus supremi Moraviæ Capitanei Magistratus, quem is primus omnino gessit, ac deinde posteri ejus longâ serie obtinuerunt; quorum etiam multorum effigies ac Epitaphia supersunt in illo ipso templo B. Virginis Olomucij (nunc Collegij Societatis Jesu) quod ipse victoriâ obtentâ voti reus ædificaverat. Sepultus est Pragæ in Sacello S. Barbaræ apud Moniales S. Claræ in Monasterio S. Francisci, vulgò S. Agnetis, ubi super marmoreum monumentum exstat ejus effigies mitrâ & palliô ducali, exornata.

Refert Wenceslaus Hagek An. 1271. objisse pijsimum virum Vitum Ecclesiæ

Pra-

Pragensis Decanum, \*cujus eximium in concionando Zelum, in templis decorè ornandis divinisque officijs ac DEI cultu extollendo ac propagando mirum fervorem refert, quem, ait, relictis omnibus, totum se se obsequijs divinis mancipasse. Quotidie suæ mensæ tres mendicos, die verò Dominicâ quatuor adhibebat, aliásque eleemosynas plurimas secretò largiebatur. Instituit in Ecclesia Pragensi Viros, qui diu noctúque finè ulla intermissione Psalterium decantarent: quam Ecclesiam tunc ante tempora Caroli IV. necdum tam magnificam, donarijs, ædificijs, alijsque modis mirè exornavit. Multaque alia per Boëmiam templa erexit ac plenus meritis obiit in Domino.

Est & tenuis quædam adhuc memoria ejuspiam alterius sanctæ vitæ Canonici Ecclesiæ Pragensis Metropolitane, qui Monialium Benedictinarum ad S. Georgium in Arce Pragensi Spiritus Director, magnâ eis dicitur sanctitate præluxisse; apud quas sepeliri etiam voluit, cum prius

prius ante mortem suam ad eas scripsisset epistolam pijsimo spiritu plenam, quæ nuper admodum adhuc extabat. Ad sepulchrum ejus dicuntur etiam quædam cælitus accidisse.

P. Raderus Societatis Jesu etiam refert B. Bertholdum Franciscanum Ratisbonensem, qui circa A. 1270. Boëmiam concionibus suis sanctissimis animavit, in qua habuit ad populum Slavicum linguæ Germanicæ ignarum interpretem E. Petrum cognomento Odozincium, qui sepultus est Glacij, ubi etiam F. Bertholdus prædicavit in campo sub tiliâ, quæ usque hodie dicitur BERTHOLDI. Fuit autem hic B. Bertholdus Prædicator tam gloriosus, ut aliquando centum millia Auditorum haberet, atque in quadam ejus Concione fœmina vi contritionis mortua, vidit 60. millia tunc mortuorum ire ad inferos, tres ad Purgatorium, unum quendam Franciscanum in cælum, qui tamen duas alias è Purgatorio animas secum duxerat. Obijt Ratisbonæ 1272. 14. Octobris.

Circa

Circa annum 1360. Margaretha Vartembergica à morte Mariti sui Hinconis Hasenburgij inter Crumlovienses Clarissas Conversa virtutibus & miraculis clauit.

Meretur etiam à virtutis gloria celebrandis viris accenseri jure optimo clarissimus Imperator Carolus IV. cujus quidem vita obiter conscripta Typis aliàs excusa est; sed virtutes ejus, ac etiam Revelationes ei cælitus concessæ aliæque ab eo pijsimè gesta, dicta, scripta, volumen mererentur. Mirumque valdè est, quòd tantus virorum doctorum & studiosorum amator nullum habuerit hactenus specialem historicum Encomiasten.

Petrus Baro à Rosis, cùm jam Subdiaconus esset inter Cistercienses Cænobij Altovadenfis; quia familia illa inter Boëmicas princeps ad eum unum redacta fuerat, maritus factus, ac supremus Regni Camerarius, postquam liberos genuisset, ad Monasterium, consentiente Uxore, redijt, in eoque Vitam sanctè exegit, cùm 17. circiter templa prius trexisset, ac inter

ter illa etiam Basilicam S. Viti Crumlovij.

Ejus filius Itidem Petrus dictus Pragæ ad Omnes Sanctos in Arce Præpositus ob laudatissimam virtutem ab Urbano V I. decoratus est Galero Cardinalitio, quem tamen ipse humilitatis studio non admisit.

Habet Hagekus ad annum 1393. memoriam Doctoris Joannek Suffraganei apud Archiepiscopum Pragensem, à Wenceslao pigro è ponte Pragensi in Moldavam ob defensionem (ut apparet) jurium Ecclesiasticorum, præcipitati; cùm idem Rex 10. annis ante B. Joannem Nepomucenum prius crudeliter excarnificatum, eodem mortis genere affecisset.

Ibidem refert Jaroslaum de Klinstein (quem Rex ille cum alio Canonico in carceratum morti pariter destinaverat) Wenceslao pigro prædixisse eum, quia duos Canonicos injustè carceri mancipasset, bis carceri mancipandum, in eo que 40. hebdomadis detentum iri, eò quòd illos 40. horis in carcere detinuisset: quæ omnia eventus comprobavit. No-



Novædomi celebris est Fabianus seu Favianus Mařzan Dominorum Novodomensium de Rosis quondam cocus, qui relicta Aulâ se contulit in eremum quinque horarum itinere inde distantem, ubi cum vitam sanctè finivisset, omnes Novædomi campanæ ultrò nemine impellente sunt pulsatae: quo indicio mors ejus prodita & corpus allatum honorificè sepultum in templo S. Joannis propè medium, circa annum D. 1400. Vestigia ejus in lapide durissimo, in quo olim sedebat & cubabat, supersunt.

Pater Kogalowicz Soc. JESU in sua Lithuaniae historia, parte j: lib. 9. ad annum 1386. refert Sacerdotem quendam Camaldulensem, Boëmum Pragensem nomine Hieronymum (qui etiam Constantiae tempore Concilij adfuit) in Lithuanis ab Idolatria ad Christum Dominum adducendis sub Jagellone Rege Apostolicè defudantem, dum simulacrum Idoli dicti Percun securi demoliretur, incauto ictu pedem sibi graviter sauciâsse: itaque populum Numinis sui violati irâ hoc

accidit

accidisse vociferatum, religiones suas profanatas ploravisse. At cum idem Hieronymus, ductâ super vulnus manu Crucis sacræ effigiem designâset, verique DEI nomine implorato sanum momento pedem repentè circumstantibus ostendisset, tum verò insolentis prodigij spectaculo attonitos novæ Religionis dignitatem suspexisse, antiquæ vanitatē omnes derisisse.

S. SECUNDUS.

*Episcopi & Archi-Episcopi Pragenses.*

**M**agna laus est Sanctæ Pragensis Metropolitanæ Ecclesiæ, quòd Episcoporum ejus plerique virtutibus & specialis pietatis opinione floruerint, prout apud historicos Boëmiae invenire est, adeoque rem tam vulgatam non opus est hic recensere.

Ultimus ordine vigesimus septimus Boëmiae Episcopus Joannes hujus nominis IV. (cui primus Archi-Episcoporum Pragensium Ernestus successit) Canoni-

COS

cos Regulares S. Augustini induxit in Boëmiam, eisq̃ue Raudnicij Cænobium sub titulo B. Virginis instituit: ubi & Hospitale pro pauperibus munificè erexit ad pedem pontis, quo ipse curavit sterni Moldavam in gratiam pauperum itinerantium, nè trajectoribus ultrà naulum pendere cogerentur. S. Marthæ fuit cultor singularis, cujus festum voluit in sua Diœcesi etiam in foro celebrari. Pragæ templum S. Ægydij fundavit & quoad vixit ædificavit. Sepulchrum S. Adalberti laminis argenteis vestivit. Obijt A. 1343.

Successoris ejus primi Archi-Episcopi Ernesti Encomium jam etiam superius attigi, à P. Balbino typis vulgatum.

Huic successit II. Archi-Episcopus Joannes cognomento Ocellus prius Episcopus Olomucensis, primus inter Archi-Episcopos Boëmiæ dignitate Legati Nati ab Urbano V. Summo Pontifice ornatus. Magnis effulsit virtutibus, atque imprimis studio humilitatis, quâ munus Archi-Episcopale vehementer subterfugit, ità

piè constitutis obiit A. 1379. eo ipso anno, quo Wenceslaus Piger gubernatula Boëmiæ post obitum Patris sui Caroli IV. suscepit.

Vulgatissimum illum de S. Wenceslæ Hymnum Boëmicum: *Swaty Waczlawe* (qui alioquin Ernesto I. Archi-Episcopo auctori assignatur) sunt qui huic adscribant, qui canentibus concesserit Indulgentias 50. dierum.

Tertium Archi-Episcopum Pragensem itidem Joannem (cujus super Caroli IV. Cæsaris obitum extat Oratio funebris) magnorum apud DEUM necesse est fuisse meritorum, utpote cui DEUS revelaverat Hussiticam illam hæresim in Boëmia propediem exorituram, tantamque subsequituram proborum intereptionem & omnem Cleri gloriam interituram, bonaque Ecclesiastica in manus & possessionem Laicorum deventura. Quorum futurorum tristissimo nuncio exterritus, Archi-Episcopatum cessit Volbramo successoris suo, ipseque se Romam contulit DEUM sanctosque Apostolos pro

pro Boëmiæ salute deprecaturus, ubi ad S. Praxedis ingressus ordinem Benedictinum diem obiit circa annum 1396.

Volbramo successit in Archi-Episcopatu Nicolaus Pruchnicus. Huic Zbinko de Hazmburg sub prima initia Hussij, quo per venenum medio in conatu opprimendæ hæresis ab Hussitis sublato, constituit Archi-Episcopum Wenceslaus Piger Medicum suum Albicum: qui Archi-Episcopatu cessit Conrado Vestfalo, sub quo Hussitismus latè omnia occupavit, & ipse ob inertiam &c. à Summo Pontifice proscriptus reliquit post mortem suam sedem Archi-Episcopalem vacuam circiter per 140. annos.

Post ejus tamen mortem gubernator Archi-Episcopatus Pragensis rebus turbatissimis fuit Joannes de Praga Episcopus Litomisliensis. Postea Administrator-Ecclesiæ Pragensis constitutus Philibertus Constantiensis Episcopus Barbaram Imperatricem coronavit.

Reliquo tempore solùm Venerabile Capitulum Canonorum Pragensium curam



curam Archi-Episcopatus Pragensis gessit usque ad Antonium Archi-Episcopum à Ferdinando I. Rege & Cæsare procuratum.

### S. TERTIUS.

*Antagonistæ Hussij.*

**Q**Uàm multi, quantaque constantiâ se se pro Fide Catholica Hussitis opposuerint, patet vel solum ex numero occisorum in Boëmia Catholicorum Boëmorum, qui ad ducenta millia ascendisse creditur, ut patet ex Historicis. Certè solus Joannes Ziska eorum Dux manu propriâ (ut impij Hussitæ gloriabantur) mille Sacerdotes interemisse jactabatur.

Urbium Pragensium Senatores etiam multi crudelissimè sunt à furiosis hæreticis trucidati sæpius. Animæ 60. Religiosorum Servitarum B. Virginis ab Hussitis combustorum è medijs flammis spectabiles instar stellarum in Cænobio B. Virginis sub Wissegrad in Cælum volasse sunt visæ.

Anno 1419. cùm Pragenses Hussitæ Cænobio Carthusianorum sub titulo B. V. post portam Augezdensem trans Moldavam 31. Julij diruto, undecim Ordinis illius Religiosos per pontem ignominiosè, furioso cum tumultu deductos intra Curiam veteris Urbis carceri inclusissent, die sequenti non sunt in eo reperi ti nisi decem. Quare carcerem illum seris ac vectibus jusserunt Senatores quàm diligentissimè muniri: sed tamen die tertiâ inventi sunt solùm novem. Vocatos ergo examinârunt, quò socij eorum devenerint; qui nescire se aliud testati sunt, nisi quòd cùm se se omnes pariter in oratione prostravissent, finitâ oratione semper unus defuerit. Rursus ergo inclusos vesperi accuratè numerârunt, & carceris fores, fenestras, serâsque sigillis suis omni diligentîâ muniverunt: & ecce manè salvis sigillis omnibus, non nisi octo repererunt. Quod admirati Senatores, hos reliquos octo salvos in Moraviam dimiserunt.

In Academia Pragensi Doctores pluri-  
mi

mi fortiter adversus Hussij hæresim decertavêre, quorum nomina apud Cochlaeum Historiæ Hussiticæ pag. 50. ipse Hæresiarcha Joannes Hus cum indignatione recenset, nempe Stephanum Palecz, Stanislaum de Znogma, Petrum de Ikoyma, Joannem Heliæ, Andream de Broda, Joannem Hildesen, Matthæum Monachum, Hermannum Heremitam, Georgium Botam, Simonem Wendam.

Quos inter præcipuè eminuit Zelus Stephani Palecz & Andræ de Broda. Certè Stephanum appellat Cochlaeus virum Christiano Zelo vehementer succensum, & ardentem, atque in medio periculorum, Spiritûs libertate intrepidum & securum. Multa Vir ille, sine intermissione scripsit, adversus Hussium, nulloque modo adduci potuit, ut à tuenda Sancta Matre Ecclesia quiesceret, quamvis id nequissimus Hussus modis varijs ab eo conaretur impetrare, prout habetur apud Cochlaeum libro 1. pag. 20. 27. 35. &c.

Andreas verò de Broda, quem Coch-

laus vocat, vitâ & eruditione venerabilem Theologum, quanto intra pectus arserit divinæ gloriæ Zelo, apparet ex sanctissima ejus epistola, quam dedit ad Zbinkonem Archi-Episcopum, quando cum in hæresis Hussiticæ primordijs suffocandis cessare advertit. Extat epistola illa apud Cochlæum pag. 16. in hæc verba.

*Magister Andreas de Broda Boëmus, Artium Magister, ac Sacra Theologia Baccalaureus formatus ad Archi-Episcopum Pragensem Dominum Zbinkonem, cognomento Leporem ex nobilissima Baronum de Leporibus familia prognatum, Raudnicij in Arce sua Archi-Episcopali habitantem.*

Ac deinde inter cætera sic scribit.

*Valde tremendum existimo illud horribile Domini nostri, quod Ezechiel scribit. Ecce ego ipse super Pastores requiram gregem meum de manu eorum. Formidabile & pavendum, nè Sanguinem ovium de manu Pastorum quandoque requirat. Auscultet Reverenda vestra Paternitas. Si quis has brutas oviculas prædaretur, & abigeret,*

bigeret hominibus vestris, nonne vestri milites, nonne famosi clientes, nonne validi festinarant armigeri? immo, quod plus est, vestra Paternitatis tota consurgeret Parentela, quatenus abigere gregem pauperum non sinerent, sed ut prædam abactam recuperarent, etiam cum nobilium corporum dispendio, veluti Tigrides currerent, se seque conflictui ingererent, quoadusque recuperarent prædam cum effectu. Re verâ pluris est unica anima hominis, quam talia mille millia gregum. Igitur plus invigilandum est, nè hostis noster adversarius Diabolus suis venenatis decipulis captivans, & illaqueans animas, ipsas abigat & secum in interitum ducat. Labor hic, vigilia hæc vobis incumbit ex officio Pastoralis, cujus est errantes corrigere, & ad viâ reducere, imò compellere, veritatis. Ille autem res, quam intendo, V. Paternitati pateat. Ecce palam dico, quod varij libri illius pestilentis hæretici Wiclepb. Anglici, in vestra multiplicântur Diecesi: qui non paucos, imò complures erroneos articulos, immo damnatos, ac merito



damnandos continent. Quales sunt Dialogus & Trialogus & Tractatus de corpore Christi, & plures alij, ut audio. Ex quibus & eorum venenatis propositionibus timendum est, ne oves lethaliter, & insanabiliter sauciantur. In quibus precipue damnabilis ponitur articulus, quod in Sacramento altaris maneat panis post consecrationem: contra quem Articulum scribere cogor, quia prius cavenda sunt vulnera, quam veniens. Et chirurgi prius varia preparant antidota, quam ad se vulneratos, & saucios videant properare. Et ideo R.P. vestram propter JESU CHRISTI Sanguinem pretiosum & roseum & propter Salutem vestram, quam desidero, & propter tutelam Christi fidelium, quos omnes cupio, si DEO placuerit, fieri saluos, peto, & humiliter peto, immo poplite flexo devotius rogo: quatenus invigiletis, ne multiplicatis libris pestilenticis fideles vestri virus infidelitatis pestiferum hauriant, per quod animarum periculum & honoris excidium paterentur. Nulla enim pestilentia, nulla fames, nullus gladius

*dius tanta mala possunt ingerere, quantum fuerit ex hereticorum perfida pravitae. &c.*

In alia quadam Epistola idem hic Andreas scripsit se prius fuisse Hussio tam familiarem, ut in eodem cum illo lecto jaceret. At ubi primùm eum advertit esse hæreticum, ita eum vitavit, ut ab eo tempore nunquam viderit, nec se cōvidendum præbuerit.

Conatus est impijssimus Hus Virum hunc ad suas attrahere partes, cui ille acerrimâ epistolâ respondit, multisque deindè ejus hæresim refutavit, quamvis, ut ait Cochlæus, liber ejus typis excusus non sit, quemadmodum alij plerique ejus tempestatis Boëmorum adversus Hussium tractatus.

Postquam autem Concilium Constantiense congregari cæpit, mox hic Andreas de Broda cum Stephano Palecz & alijs, se illuc contulit, ut Hussium accusarent: quem etiam postea ibidem præsentem sunt acerrimè persecuti, donec tandem Hæresiarcha ille flammis traderetur.

Præter supra ex Cochlæo nominatos Hussij Antagonistas numerat etiam Wenceslaus Hagek alios ex Academia Pragensi, qui nascenti illi immanissimæ Hussitarum hæresi se se acerrimè opposuerunt, ut Magistrum Marcum eo tempore Universitatis Rectorem, Doctorem Lunam, qui Joannem Hus, ut à cæptis desisteret, est publicè cum lacrymis deprecatus. Doctorem Wlk, Doctorem Gbel, Doctorem Lew quem ob publicè ab eo adversus perfidum Hussium acriter dicta, rabida plebs in ipso Academiae magno Atrio lapidare, & interficere parabat.

Refert Cochlæus l. 3. Hieronymum Pragensem Hussij in hæresi socium, in Magistros & Clericos Boëmos Hussio contrarios vi, incarceratione, bonorum direptione, alijsque modis grassatum esse. Quendam honestum virum (verba sunt Cochlæi) cultellificem Pragensem, fecit capi, incarcerari, in mediastino verberari atque illic ligatum crudeliter vexari, putridis ovis, peponibus, luto, lapidibusque

busque immixtis, & in eum projectis tantâ sanè projectorum vi, ac multitudine, ut ille projectionibus illis obrutus interjerit, ac mortuus sit.

Fratrem Nicolaum Ordinis Carmelitarum, Concionatorem Monasterij S. MARIE in Arena (aliàs ad Nives) ob eandem causam manu violentâ fecit extrahi, simul cum duobus alijs è Monasterio & captivos abduci ad Judicem Novæ Civitatis Pragensis, qui duos illos haud secus ac fures in publico detinuit carcere. Nicolaum verò domi in privato carcere tenens diversis tormentis excruciauit. Cum non posset Nicolaum illum ad revocandum ea, quæ contra doctrinam Wikleffi dixerat, compellere, fecit eum adduci ad flumen, ut submergeretur. Projectus itaque ille è navi in Moldavam submersus utique periisset, nisi cujusdam auxilio ereptus fuisset.

Anno D. 1411. post Octavas Pentecostes, idem Hieronymus Hussij socius quendam Indulgentiarum prædicatorem captum currui cum Meretricibus (ad

quarum Mammas Indulgentiarum literas suspendit) imposuit Pragæ, cumque toti Civitati illudendum circumvexit, ac tandem illius literas publicè combussit, an nitentibus armatis Wikleis plurimis & currum stipantibus, nè quis suppetias ferret.

De Carmelitis illis apud eundem Cochlaeum, lib. 3. Jacobus Episcopus Laudensis in Sermone ad prædictum Hieronymum coram universo Concilio Constantiensi Anno 1416. 30. Maji sequentia dixit: *Non pigeat te meminisse illorum Sanctorum Virorum de Praga Carmelitarum, quorum Predicatores capi & Monasterium spoliari vos in animarum vestrarum perniciem procurastis.*

Tantâ rabie suo statim initio Hæresis Hussitica est grassata!

Quamvis autem turpissima hæc hæresis dominatum postea obtinuerit in Boemia, Capitulum tamen Canonorum Ecclesiæ Pragensis Metropolitanæ mansit semper DEO & Ecclesiæ fidele, semperque hæreticis, ut potuit, restitit, prout appa-



apparet etiam ex acerrima illa disputatione apud Henricum Canisium in antiquis lectionibus typis vulgata, habita in Aula Regia Pragæ A. 1465. à 2. Februarij per dies aliquot, ubi coram Georgio Rege Proceribusque Boëmiæ fortissimè, doctissimeque Joannem Rokyczanam, & Wenceslaum de Krumnau, Hæreticorum Antesignanos refutaverè Doctor Hilarius de Litomierzicz Capituli Pragenfis Decanus, & Doctor Wenceslaus Kržižanowsky, præclari veritatis Catholicæ propugnatores.

Fuerat autem hic ipse Kržižanowsky priùs Anno D. 1456: in Academia Carolina Pragæ Decanus Philosophiæ, quando post bella Hussitica videbatur Spes affulgere Academiam illam ad Ecclesiam reducendi: ad quod & ipse diligenter est cooperatus, adeoque ingeniosè quædam ad id excogitata cautè & secretò ordinationibus Academicis inseruit, & secretò inscripsit, quæ tamen à quibusdam oculatioribus hæreticis tandem deprehensa fuerunt, & autoritate

publicâ Anno D. 1458. 26. Junij deleta & expuncta. Mansit ille nihilominus in Academia illa rem Catholicam quocunque modo promoturus, donec ad Annum 1460. quando Academia illa literis publicis evulgavit, sacram Communionem dandam esse plebi promiscuè sub utraque, idque esse de necessitate Salutis; tunc enim literis illis assentiri cum multis alijs viris doctis noluit, seque ab ea Academia penitus segregavit; quem secuti sunt Joannes de Krcžin Medicinæ Doctor, Magistri Stanislaus de Welvara, Nicolaus de Horžepnik, Valentinus de Rakowicz, Georgius de Antiqua Praga, qui omnes ab ea Academia penitus recesserunt, cum viderent se adversus torrentem nihil proficere, siquidem etiam Rex Georgius Hæreticis adhærebat.

Anno deinde 1466. Paulus Papa Secundus Georgium Regem excommunicavit, agentibus præcipuè Doctoribus supradictis: atque tunc ad arma à Catholicis concursus est, suppetias mittente Cæsare Friderico, Matthia rege Ungariæ, alijs-

alijsque multis Principibus, quarum omnium copiarum Generalis adversus Hæresin Dux ab eodem Papa est declaratus Zdenko Baro de Sternberg, quem in Boëmia præcipuè adjuvère Barones Rosenfes, Hazmburgici, Kolowrat. &c. ac Civitates, Pilsna, Budwicium, Iglawia &c. duravitque gravissimum hoc bellum totò septenniò.

Quamquam & nascenti statim hæresi illi, multi Magnates Boëmiæ armis occurrere sint conati, quorum multi non solum magnas ob id ærumnas subiêre, verum etiam bonorum, quin & vitæ ac sanguinis fecêre jacturam, si quidem ex solo stemmate Sternbergico quatuor omnino Heroës in una illa Sigismundi Cæsaris ab Hussitis ad Wislegrad clade pro DEO, Ecclesia, & Cæsare suo fortiter pugnantes occubuère.

Primus autem qui rabidæ Hussitarum sectæ armis ausus est occurrere, fuit Petrus Baro de Sternberg, Ordinis Melitensium in Boëmia Prior, qui (ut habet Cochlæus) primo quidem æquo Marte

cum eis conflixit, altero verò prælio (tēste Wenceslao Hageko) eos graviter afflictos cecidit tantâ clade, ut Dux eorum Joannes Žižka vix solus, & ab alijs omnibus avulsus fugâ fuerit, relicto equo, pedes per densa sylvarum elapsus. Deinde verò hic ipse Heros Sternbergicus in clade Wissegradensi pro Catholicæ fidei defensione gloriosus occubuit.

Sed & consequentibus deinde temporibus Hæresi illi se se varij opposuere sæpius, ut & Paulus Židek Theologiæ Doctor, qui maximas perpeßus ob fidem Catholicam persecutiones, extremam redactus ad inopiam, nunquam tamen cessavit adversus Hussiticam hæresim depugnare, Georgiumque Podiebradium Hæreticum Boëmiæ Regem, in ejus aula multum versabatur, conatus est omni studio ad obedientiam S. Romanæ Ecclesiæ reducere, scripto etiam ob id grandi ad eum volumine, in quo, tametsi manifestum ob id vitæ adiret discrimen, non tamen dubitavit perfidiam, hæresimque Regi illi palàm exprobrare, & Salutis  
æternæ

æternæ certum naufragium, nî resipisceret declarare adeò, ut ibidem palàm professus sit se à Catholica fide non recessurum, etsi à Rege illo, alijsque Hussitis esset in plateis Pragensibus publicè diris flammis affandus.

### S. QUARTUS.

*Qui consequentibus temporibus hæreses se opposuerunt.*

**P**Ræcipua laus repressæ in Boëmia hæresis debetur haud dubiè Regibus Boëmiæ eorúmque Consiliarijs, ut non immeritò Successor Hussij Joannes Rokiczana hæresiarcha ad adventum Ladislai Regis Filij Alberti II. Cæsaris exhorruerit Zelum ejus veritus. Sed mors sanctas cogitationes abruptit, qui moribundus auream suam Cæsariem Beatissimæ Virginis honori dicavit: quamvis huic ejus pietati post obitum non sit satisfactum, siquidem etiamnum Pragæ in Mausolæo Regum, Cæsariem illam suam elegantem retinet integro corpore mirabilis,



lis, prout narrant qui eum ibi aspexere.

Primus cepit lethales ictus infligere hæresi Ferdinandus I. Rex restituto Archi-Episcopatu Boëmiæ, inductâ in Boëmiam Societate J E s u, Universitate Ferdinandeâ Pragæ oppositâ Carolinæ tunc hæreticæ, alijsque modis.

Rudolphus II. præter alia conamina induxit in Monasterium quondam Carmetitanum B. V. ad Nives Neo-Pragæ Franciscanos discalceatos, ut Nova illa Civitas hæresibus obruta scintillam saltèm aliquam Catholicæ pietatis haberet. Sed uno anno ante ejus obitum nempe 1611, quâ die LEOPOLDI Archiducis Austriæ Episcopi Passaviensis miles minorem Pragam occupavit, plebs Hussitica invasit Cænobia Catholica, quam quidam Dominus Wratislaw cum sua cohorte ab insultu, quem in Collegium Societatis J E s u ad pontem per collegium Convictorum (ubi nunc scholæ sunt) parabat, repulit; sed impediri non potuit, quin in Cænobio B. Virginis in Carlow Canon-

ni-

nicos S. Augustini Neo-Pragæ crudeliter occideret. Præcipuè tamen bacchata est in Monasterium B. Virginis ad Nives, ubi rebus omnibus direptis, temploque spoliato 14. Franciscanos Discalceatos immaniter trucidavit, nonnullis etiam ex turricula templi per tectum datis in præceps.

Nomina eorum sunt:

\*P. Fridericus Bachstein Pomeranus,

P. Joannes Martinecz Hispanus.

P. Simon Gallus.

P. Bartholomæus Italus Bergomensis.

F. Hieronymus, Clericus Italus.

F. Casparus à Varesio Clericus Italus.

F. Jacobus de Augusta, Clericus Germanus.

F. Clemens, Clericus Germanus.

F. Christophorus Grandæus Laicus Germanus.

F. Joannes Clericus Novitius, Germanus.

F. Antonius Laicus Novitius.

F. Joannes à monte piano Italus Laicus.

F. Di-

F. Didacus Laicus Germanus.

F. Joannes, Clericus Germanus.

Ferdinandus II. à DEO in Salutem Boëmiæ electus, hæresim profligavit, conculcavit, expulit, cujus sanctos labores prosecutus Ferdinandus III. effecit, ut nec vestigium hæreseos palàm compareret; cujus infelices reliquias Augustissimus LEOPOLDUS I. etiam è latebris protractas evellit.

ArchiEpiscopi Pragenses pro viribus hæresim oppugnârunt, contra ejus progressus Zbigneus Berka etiâ Synodū celebravit. Joannis verò Lohelij ex Præmonstratensibus Archi-Episcopi virtutum laus ingens in libro cui Titulus, Calendarium B. Virginis, est Typis vulgata.

Ad annum 1540. P. Joannes Rauch Ordinis Fratrum Minorum Conventualium Provincialis sese eo tempore, mundo ad Luherum ruente, pro domo DEI fortissimus Athleta opposuit.

Zdenko de Lobkowitz postea Princeps & supremus Cancellarius in Boëmiæ in vera Religione tam solidus, ut ad sub-

subscribendum literis Majestatis, quibus à Cæsare Rudolpho ad id ferè adacto hæreticis magna privilegia damno Catholicorum dabantur, nullis prorsus minis adigi potuerit, disseccandum in frusta potius corpus generosissimè offerens. DEus Optimus Uxorem illius natam ex Illustrissima stirpe Pernsteinia annis jam 50. gravem, post desperatam ferè successiōnem, prole masculâ Wenceslao Principe adauxit, qui postea ab Augustissimis Cæsaribus ad munia splendidissima adhibitus usque ad dignitatem Præfetti Aulae Cæsareæ ac primi Ministri ascendit. Ipse Zdenko ad mortem usque semper Catholicæ Religionis præsidium, Medicis inevitabile fatum nunciantibus respondit. *Latatus sum in his, que dicta sunt mihi, in domum Domini ibimus, & præsentem Nuncio Apostolico Regisque Catholici ac aliorum Principum Legatis tanti viri fortitudinem & pietatem admirantibus, pijsimè in Domino obivit.*

Huic gemellus Guilielmus Comes  
Sla-

Slawata, qui ultimam è Novo-domenſi familia Luciam Uxorem habuit, è fenestra Cancellariæ in Arce Pragenſi à rebellibus hæreticis, utpote acerrimus Orthodoxæ Religionis propugnator, ejectus, altius ascendit, Domûs Novodomenſis Gubernator, Sac. Cæs. Maj. intimus Conſiliarius, Eques aurci Velleris, supremus in Boëmia Cancellarius, ſucceſſione ſæcundâ à DEO benedictus, Auguſtiſſimis ad mortem uſque gratioſus, Auſtriacum Catholicæ Religionis Zelum ſuo fervore proficue promovit.

Ex ſtemmate Comitum de Martiniçz, D. Georgius (qui Arcem Smečnenſem, ac in ea Sacellum S. Annæ Chriſti Domini Avix renovavit) ob doctrinam & Zelum Religionis Catholicæ requiſitus fuit, etiam per Breve Apoſtolicum, ut vacantem in Regno Boëmiæ ſupremû Cancellariatum à Cæsare ſibi oblatum acceptaret: quod & fecit, relicto tunc majori, quod habebat, ſupremi Judicis munere, utpote, qui Cancellarius plûs poſſet prodeſſe Religionis indemnitati.

Hujus

Hujus Georgii ex filio Jaroslao, Ne-  
pos Jaroslauus posthumus, Matre, dum  
Maritus peste correptus esset, uterum ge-  
rente, mirè servatus, unicus tunc ex fa-  
milia illa superstes, sub tutela Domini A-  
dami de Sternberg supremi Burgravij  
educatus, ejus filiam Mariam Eusebiam  
Matrimonio sibi junxit, postquam Romæ  
Clementi VIII. Pontifici Maximo pro-  
misisset hæc tria: 1. se non nisi Catholi-  
cam Uxorem ducturum. 2. Mox à redi-  
tu in Patriam è suis bonis hæresim elimi-  
naturum. 3. In omnibus Comitij &  
Consilij singulari Zelo bonum Religio-  
nis procuraturum. Quo facto promissis  
sua Sanctitas illum à DEO fæcundandum  
faustâ successione.

Ejectus & ipse odio fidei Catholicæ à  
Rebellibus hæreticis, & quidē primus ex  
fenestra Cancellariæ in fossam Arcis Pra-  
gæ, invocatâ Mariâ matre gratiæ incolu-  
mis evasit, & illâ die adhuc fugiens non  
interrupto cursu 12. leucas curru confe-  
cit, cū eo tempore dignitatem Regij  
Locumtenentis obtineret, ad quem cura  
Regiæ



Regiæ Coronæ, Reliquiarum sacrarum & Privilegiorum in Arce Karlsteinensi pertinebat. Dixerat autem unus ex Ejectoribus: *videbimus, an eum juvabit ejus MARIA.* Cumque illum infra com-  
modè se moventem ex alto despexisset, exclamavit: *per DEUM, ejus MARIA illum juvit;* statimque aliquot bombardarum ictibus petitus Jaroslavs bis in veste & semel levissimè in brachio tactus est. Is post victoriam illam Catholicorum in Albo monte è politica Regia gubernatione Vicaria unus, ardentissimè hæresim jussu pijsimorum Cæsarum Ferdinandi II. & III. ex Patria profligavit, adjunctâ Capiti Ecclesiastico ope brachij sæcularis. Mortuus est in senectute pia & bona supremus Burgravius omnibus Ecclesiæ Sacramentis munitus. Sic divina providentia duos illos ejectos fecit inter politicos Regios Ministros, quasi Capita Reformationis, alterum in Aula, alterum in Patria, conjunctis viribus strenuè laborantes pro Deo, Rege seu Cæsare, & Patria,

Quan-

Quantum Societas JESU in Boëmia adversus hæreses desudaverit, orbi notum est, ex qua multi sanctitate suâ Boëmiâ illustrârunt, inter quos P. Petrus Canisius vir ob sua in Ecclesia per Germaniam merita celeberrimus, primus in Boëmiâ ingressus Præpositus Provincialis socios in Collegium Pragensc Anno 1556. induxit, cujus Collegij secundus Rector fuit P. Paulus Hoffæus à virtutibus laudatissimus, de quibus usurpabat Albertus Bavarix Dux : *Petrus Canisius, & Paulus Hoffæus docuerunt nos legē tuam, Domine.* In eodē Collegio vixit P. Edmundus Campianus Anglus primus postea ex Societate Jesu in Angliâ à Calvinistis in odiū fidei suspensus; cujus Sanctitatis tanta fuit æstimatio, ut cum de eo occiso fama has in provincias venisset, Serenissimi Austriæ Archiduces LEOPOLDUS & CAROLUS Pragæ cubiculum ejus olim dū Rhetoricam profiteretur, ingressi, genibus flexis in pavimento positos locū sint venerati. Henricus Ortonus verò Cæsareus Orator ex Angliâ redux ejusdem

dem cubiculi pavementum abjecto in terram corpore est osculatus.

P. Adalberto Bauzek ( prout refertur in historia Socie:) A. 1556. id est eo ipsô, quô S. Ignatius de Loyola obiit, & quô Societas JESU Collegium Pragæ adiit, cùm circa festa Natalitia in Collegij illius templo preces ad DEUM funderet, apparuit in Sacrosancta Hostia Dominus JESUS venustissimi pueri specie, ro-gantique, quid abs se vellet, *volo* ( respon-dit puer ) *ut ibi sis, ubi es* : quæ Adalber-tus de ingredienda Societate interpre-tans in eam recipi impetravit, vitamque vocationi Divinæ consentaneam usque ad extremum peregit in Provincia Austriæ, quæ tunc etiam Boëmiam complecteba-tur. In Academia Vienenfi Sacræ Theolo-giæ Professor & Decanus, tum alia for-titer ad Religionis munimentum gessit, tum obstitit, nè volumina parùm pietati congruentia, quæ magno numero offere-bantur, in lucem prodirent: tum deni-que effecit, ut qui doctrinæ publicis do-narentur insignibus, ex diplomate Pij

quarti

quarti Catholicum symbolum profite-  
rentur. In Moravia diœcesanæ synodo  
cum Patre Magio Provinciali, & cum Pa-  
tre Henrico Blyssenio interfuit, in qua  
ducentis præsentibus Sacerdotibus, An-  
tistiti concionibus, privatisque collo-  
quijs pro virili, quam DEUS dedit, tu-  
lit opem. Obijt Viennæ Anno Domini  
1671. Dequo sic habet Historia.

*Dum tanta sacrorum penuria colono-  
rum urget, ecce tibi maxime insignis amit-  
titur. Viennæ Adalbertus Rauzekius Boë-  
mus, quàm acerbô naturæ & rebus huma-  
nis, tam muturô virtuti, sibi que obitu  
quinto Nonas Majas cecidit, Vir mitis,  
innocens, candidissima anima, humilita-  
tis amabilissima, paratissima ad omnia obe-  
dientiæ. Ad hæc doctus cumprimis, pu-  
blicéque in Academia Viennensi, tempo-  
réque eodem in Collegio nostro Theologiæ  
interpres. — Impiger idem navusq; divina  
vineæ cultor: cujus in ore ac vultu, inno-  
centiam animi, caritatémque erga DEUM  
& quoscunque hominum legeres. Qui-  
bus virtutibus ita domesticorum amores,*

civiumque rapuerat, ut agro nullum emis-  
sumsit, certatim omnibus omnia conferen-  
tibus, divinum humanumque remedium:  
& fuerint, qui vota facerent atque enixe  
DEI Dominum precarentur, Vicari-  
rios se offerentes, ut detractos sibi, illi an-  
nos adjiceret, nè munimentum id Religi-  
oni, alienissimo tempore demeretur. Quæ  
spes ubi fefellit, quod reliquum erat, de-  
mortuo frequentia, dolore, lachrimis, ac  
lamentatione insigni iusta funebria persol-  
verunt. De eo Magius ita nunciat: Ter-  
tio die Maij migravit ad Dominum San-  
ctulus ille, ac benedictus Pater Adalbertus,  
dimidium animæ meæ, propter multas ejus  
virtutes. Cujus mors, ut communi bono  
perincommoda accidit, & Academia &  
Collegio nostro, & Theologorum nostro Se-  
minario: cum esset ille vas omnium bono-  
ruta, & ad labores infractus; ita vulnus  
cordi meo tale inflixit, ut etiamnum per-  
doleam.

### S. QUINTUS.

*Reliqui posteriorum temporum p̃j  
homines.*

Est

**E**st in Metropolitano templo Pragæ sepulchrum atque è marmore albo monumentum ad ipsum parietem Sacelli S. Wenceslai collocatum cum hac Epigraphæ.

*D. O. M.*

Georgio Popelio Baroni à Lobkowitz Domino iu Duxow, & Schockenstein, Sacratissimo Imperatori Rudolpho II. à Confilijs, Judicijs Appellationum in Bohemiæ Regno Præsidi, vitâ insigni cum pietate transactâ defuncto ANNO M. D. XC. die XI. Septembris, Adamus Gallus Popelius Fratri germano mœrens posuit. Vixit annis XXXIV. Mensibus VI.

Narratur sub ejus mortem, in signum ejus Sanctitatis, campanas divinitus impulsas, nullius hominis operâ sonuisse. De ejus autem pietate hoc speciale memorant (id quod tamen alij dicunt ab alio quodam Domino itidem Lobkowicio fuisse factitatum) cum singulis ferijs sextis Crucem trabalem exemplo Christi

H 2

Do-



Dòmini fuisse solitum bajulare tanto spatio, quanto suam Christus D. ad mortem tulit.

Illustrissimorum Dominorum Adami de Sternberg Regni Boëmiae Burgravij & Mariæ Maximilianæ Comitissæ de Hohenzollern filiolus Wenceslaus, cùm ab Archi-Episcopo Pragensi Joanne Lohe-lio, baptizaretur, manus precantium ritu complicuit. Huic Mater Cælites Patronos elegit, SS. Stephanum & Laurentium, quorum quidem nomina postea fuit oblita, sed tamen eis puerulum identidem commendabat. Non explevit ille septennium. In morbo suo lethali circa annum 1615: P. Georgio von der Boon/ è Societate JESU ter generaliter de tota vita confessus, sæpius ingeminabat, oportere nos magnâ diligentîâ ad mortem præparari. Flere Matrem prohibebat, quòd se utique ad Cælum mox iturum sciret; quin & jam venisse pro se SS. Stephanum & Laurentium eosque adesse ad illum locum, ubi Crucifixi effigies stabat. Et verò in pede Crucifixi illius

re-

repertæ sunt postea reliquiæ dictorum duorum Sanctorum; sed & Matri memoria redijt, hos esse Sanctos, quos illa infantulo Patronos legerat. Solebat puerulus ille ad sonum singularum horarum Cruce sanctâ frontem signare, ac paulisper precari, quod & in illo morbo, cùm tertiam pomeridianam audiret, facturus, dexteram elevârat, debilémque etiam levâ juvabat; sed eo ipso momento morte abreptus duos digitos complicatos reliquit, quos ad Crucem faciendam extenderat. Sepultus Bechinæ in Monasterio Franciscanorum, ubi circa annum 1619. à rebellibus hæreticis à tumba dum esset ejectus, manus illa cum cubito apparuit integra, hodiéque incorrupta perseverat, quam deinde Mater Sacrorum lipsanorum instar asservatam, Filiæ suæ Illustrissimæ Mariæ Evæ de Tiffenbach post obitum reliquit, quam etiam Serenissimi Archi-Duces Austriæ sæpius sibi monstrari jusserunt, ac admirati sunt, vocarique Viennæ manus illa solet, *manus boni pueri.*

H ;

Quia

Quin & Mater ipsa magnæ fuit Sanctitatis, cujus virtutes prolixè à P. Matthia Nennichen è Societate JESU. qui Dominæ illi erat à Confessionibus, sunt descriptæ.

Aliud priori affine huc adjiciam exemplum ex annuis Provinciæ Boëmiae Societatis JESU acceptum. In Toparchia Humburĝiczenſi, inter Gicĝinium & Reginae Hradecium ſita, in cellula templo Sanctæ Mariæ Magdalena Gerĝinij, adnexa, ex quopiam rumore invenit P. Simeon Hubner Societatis JESU corpus Virgunculæ incorruptum, cujus tamen veſtimenta ex nigro ſerico jam ſitu aliquid de putredine in iſſis plicis contraxere. Rei insolentiam admiratus, dum cauſas & originem indagat, ex ſenibus fide dignis, & qui puellæ convixere didicit ſequentia. Virginem hanc Patre Georgio Wratislavv de Mitrowitz, Gerĝicz, & Humburĝicz, Matre Magdalena genere Warczuviana de Rhenicz, utroque pio & Catholico, & è nobili Boëmiae familia oriundo prognatam, Sabinæ habuiſſe

buiffe nomen. Hanc virtutibus in tenera ætate jam adultis, præ cæteris pietate erga DEUM, misericordiâ & benignitate erga proximum floruiſſe. Parentum enim in alios excandefcentem irâ animum flexis tam diu genibus placare conſueverat, uſque dum precibus ejus victi iram ponerent. Neminem mendicabulorum vacuum abire patiebatur, ſed aut ære à Matre obtento, aut pane à familia impetrato recreabat. Quod ſi neutrum mox conſequi poterat, tam diu ſupplicans pro paupere, domum circumibat, dñm voti compos fieret. Si quos ſubditorum in carceres conjeſtos didiciſſet, opportunis precibus importuniſque eorum liberationi patrocinari, felici plerumque eventu conſuebat. Unde Parentes, ſi quid ejusmodi impoſterum accidiſſet, Sabinæ id indicari prohibebant, nè inde fieret triſtior, & ſolitis blanditijs diſmiſſionem captivorum vel ab invitis Parentibus extorqueret. Tanta denique naturæ virtute corroboratæ benignitas fuit in puella, ut nec jumenta exagitari aut

molestiâ affici citra necessitatem pateretur. His virtutibus Cælô jam maturum tertiumdecimum ætatis annum agens, animam Conditori reddidit Anno Salutis 1597. Virgo formâ corporis, sui temporis cæteras in hoc districtu antegressa, sed animo multò formosior. Ejus integerrimæ pulchritudinis index hæc corporis sexaginta jam propè annis incorrupti integritas est, Sed & corolla, quam unâ cum annulo & pretioso frontali Svedicus miles Panirio Duce Boëmiam devastans Virgini detraxerat, tam vernans tunc triginta annorum est inventa, ac si Rosmarinum illo ipso die ex horto in sertum in-nexum fuisset. Manet etiamnum in ejus manu lignea crucula incorrupta, uti & precatorius libellus Boëmici Idiomatis, ex quo quotidie crebras ad DEUM tenero affectu preces fundere solebat omnis corruptionis expers. Ejus corpori honorificè tumulando cellulam seu cryptam, in qua modò requiescit, Patruus Virginis Wenceslaus Wratistaw Lytomissliensis Dominij id temporis Gubernator ædifica-

ficavit. Vicini & advenæ digitum DEI in ea tam diuturna Virginei corpusculi integritate venerantur, nec immerito, siquidem nulla in ea sunt indicia Balsami, aut aromatum, & ij quoque, qui morienti puellæ adfuere, negant fuisse corpus ejus ullatenus apertum. Insuper & Amicorum quorundam corpora ibidem multò tardius reposita, jam pridem in pulveres redacta sunt, illius autem solius Virginis corpus incorruptum perseverat.

Ursula ex Illustrissimo Lobkoviciorum Stemmata, Parentum nostrorum memoriâ, magnæ virtutis & Sanctitatis fæmina nupta Domino Wenceslao Plesky Baroni Societati JESU addictissimo, qui præter aliam quandam piam in Collegio Pragensi ad S. Clementem Foundationem perpetuam, præterque multa alia Societati munificâ pietate præstitâ, etiam ædificavit suis sumptibus Sacellum S. Franc: Xaverij in Templo Salvatoris, in quo Sacello sepulturam nunc obtinent Illustrissimi DD. Comites à Sternberg. Hæc solita se quotidie in certum quodpiam

H s

Chri-



Christi Domini vulnus commendare, multa à Dæmone passa fuit adversa. Quâdam nocte, cùm ei mortem minaretur, illa verò minas ejus flocci faceret, negarétque eum hujus rei habere facultatem adversus eam, quæ se DEO eâ die in vulnus manus dexteræ Christi Domini commendâsser, arrepto Dæmon cervicali eam suffocare conabatur. Cumque illa nihilominus spem suam totam in DEUM collocaret, victus Dæmon aufugit; ità tamen, ut prius pestilenti aliquo halitu faciem ejus afflaverit, ex quo vultus ejus postea graviter intumuit. Eo autem ipso, quo eam Dæmon deseruit, momento, cùm illa levâsses oculos, magnâ vidit lucē splendidam super se dexteram protegentis instar extensam. Aliàs cum in prædio suo deambularet, contigit, ut locum accederet, in quo effusum quidpiam humoris fuisse advertebatur, quam effusionem quotquot Gallinæ transibant aut anseres, mox in vestigio extinguebantur. Monita igitur illa ab ancillis, ut locum caveret, cùm nihilominus factò signo

ŏ Sanctæ Crucis transivisset, mox, non  
videm exanimis, corruit tamen, atque  
lectulum est relata, membris nervisq;  
mnibus contractis, atque hoc in morbo  
tribus annis ac mensibus sex ad obitum us-  
ue mirâ patientiâ, decubuit, mamillâ  
extrâ sanie, ac tabô itâ corrosâ, ut inte-  
ora pectoris apparerent, Cûmque ei  
er magica quædam valetudinem promit-  
rent, adduci non potuit, ut nefaria ejus-  
odi medicamenta admitteret. Extra-  
ebantur aurem ex illo vulnere varij ca-  
illi, & pili, ac carbones, cortices, aliæq;  
usmodi quisquiliæ, ut facilè appareret  
orbem illum magicis incantationibus ei  
isse procuratum. Sed quod in hac re  
it admirabile, lignea, quam Domina il-  
habebat, Crucifixi effigies, quasi dolo-  
us ejus condoleret, quoties ipsa acer-  
ûs cruciaretur, agebat & ipsa in vulnere  
teris pus, & saniem ostendebat, atque ex  
eratissimo illo vulnere, etiam similia  
pillamenta, aliasque quisquilias emit-  
bat. Sacrum missæ Sacrificium coram  
moribunda celebravit P. Andreas Nei-

baur Societatis JESU Pragæ ad S. Clementem Germanicus Concionator vir ab opinione Sanctitatis celebris, ubi illa postquam Sacratissimam Hostiam elevari aspexisset, mox exclamavit; *Jam D. DEUM meum vidi, nec amplius quidquam video.* Et sic cæca eadem die obiit. A. 1590. sepulta in Sacello S. F. Xaverij in Templo Salvatoris Societ: JESU Pragæ. Crucifixum illum eidem Patri donavit, à quo ad prædictæ Domine privignam, Domini Plesky ex prioris Conjugis Filiam pervenit, quæ Religionem ingressa, eum secum ad Monasterium Regium Viennæ Austriæ intulit, unde eum ad tempus vitæ suæ concessum habuit Excellentissima Comitissa Maria Eleonora, nata de Lobkowitz, uxor supremi Boëmiae Cancellarij Hertwigi de Nostitz.

Memorabile est facinus Elisabethæ de Plawna natæ Korženskyanæ, quæ, dum hæreticus Electoris Saxonie miles Duce Hoffkirchio magnâ Boëmiae parte ipsaq; Pragâ occupatâ, Thaumaturgam DEI paræ Imaginem Boleslaviensem in publico

Pra-

Cle. Pragæ foro ad patibulum collocatam,  
irab magno numero militari ordine arma-  
tiss- tus cinxisset, insultatoriè & illusoriè  
exploraturus, an demum (id, quod cum ea  
E- sapius accidisse à Catholicis audierat)  
eis esset elapsura, & ex eorum potestate  
crepta, ad locum suum Boleslaviensem, ut  
aliàs solebat, miraculosè reditura: præ-  
dicta D. Elisabettha per medios illos hære-  
ticorum militum ordines, Catholico in-  
flammata Zelo, ad Sacram illam accurrit  
Imaginem, ibique flexis poplitibus eam  
est publicè venerata, magnâque voce ex-  
clamavit: *O Beatissima Virgo Mater DEI*  
*ulciscere te de tuis inimicis.* Et mox cor-  
pus animûmque aptavit ad mortem, quam  
non tantum parata fuit in obsequium DEI-  
aræ subire, sed & sese tunc magnò arsis-  
professa est desiderio, ut militum illo-  
maliquis ei ferrò caput amputaret.

Sequenti verò statim anno Ducis illi-  
Hoffkirchij Frater eodem loco, quo  
Iparæ Iconem sic despectui habuère,  
ob alia quædam facinora plexus capi-

Supereſt etiam piſſima memoria Illuſtriſſimi Domini Joannis Baronis Senioris Ržycžansky Kawka de Ržicžan, Patris Beatricis Principiſſæ de Portia & Ludmillæ Comitiſſæ de Sternberg Matris Wenceslai, Norberti ac Ignatij Comitum de Sternberg; itemq; Annæ Mariæ, quæ in ſtatu Virginali ætatem totam ſenex abſolvit. Is DEO, ſacræque contemplationi penitus addiſtus, noctibus ſingulis ad orationem lectulo conſurgere, & in ea horis pluribus hære ſolitus; ultimis vitæ ſuæ viginti annis carnem ſciens non deguſtavit, ab omnibus paſſim magnâ habitus in opinione Sanctitatis. Obijt Anno Domini 1643,

Magni etiam ex diverſis Religionibus viri Boëmiam his temporibus ornavère, quos inter P. Laurentium à Brundufio Cappucinum virum ſanctiſſimum Pragæ fuiſſe concionatum P. Raderus Soc. JESU in ſua Bavaria pia refert.

Ex Societate JESU P. Dominicus Veleſius Crumlovij ſepultus, cujus virtutes ſunt in victimis Charitatis typis vulgatæ à P. Joanne Nadafy. P. Ni-

P. Nicolaus Torrentinus, cujus (ut & aliorum ibidem aliorum è Societate nostra) corpus ab annis propè centum jam et incorruptum Brunæ in Moravia.

P. Nicolaus Lancicius Lithvvanus à auctoritatis opinione & libris editis notissimus.

P. Martinus Stredonius Silesius, dono prophetiæ, atque ob defensam contra decos precibus suis Brunam in Moravia celebris, ibidem dum Provinciam Boëniæ secundò gubernaret Provincialis decanus Anno 1649.

## CAPUT VI.

### *Catechetica.*

**A**Nno 1640. Civis quidam Sutticij erat, qui quotidie indulgebat haustui vini cremati, eoque consuetudinis in bibendo progressus erat, ut nequidem unâ die abstineret, sidereturque sibi mortem oppetendam

ma-



magis eligere posse, quam consuetum  
haustum omittere. Accidit autem illi  
die quâdam visio, astitit enim quidam  
puerulus candidissimus, qui illum hortari  
cepit, nè unquam posthac prædictum  
haustum degustaret: quod ipse se facere  
posse negavit, eò quod abstinere ab eo  
diffideret. Ad quod cum perpetuò tri-  
bus diebus & noctibus urgeretur, quasi  
prædictum puerulum semper conspiceret  
promittentem, quod facile servaturus es-  
set promissum, dummodo promitteret:  
& cum nihilominus reluctaretur, in tan-  
tam debilitatem corporis & animi deve-  
nit, ut penè rationem amittere videretur.  
Quare tandem se resolvit & jura-  
mento suum votum firmare coactus fuit.  
Tunc apparuit Virgo cum infantulo, qui  
præ gaudio ex ulnis Virginis exilire vide-  
batur. Voto & juramento emissio facile  
abstinuit ab haustu, mirante tota Clvita-  
te, ex tanto potatore tam abstinentem  
à vino cremato subito factum, qui in ho-  
diernum diem profitetur se non accep-  
turum totum mundum, ut unicum mini-  
mum

mum ejusmodi haustum biberet, in quo ante valdè intemperanter se gessit.

Anno aliquo post 1620. Kynssowicij in Dominio Kržiwo Klatensi quidam fictus Catholicus voluit balneare in piscina festo S. Viti Martyris; & cùm illum alij monerent, nè id faceret die Festo, contempsit festum illud, tanquam parvi momenti. Submersus ergo fuit: & multo labore tantem mortuus, totus niger, fuit inventus.

Alius eodem in Dominio volens aliquid die Dominico consuere, oculum sibi subulâ effodit.

Alius ibidem festo quodam Sanctissimæ Virginis volens laborare, ex cumulo æni decedit ferè occisus.

Eâdem die alter ex curru onerato factus, capite in terram cecidit, statim occisus.

Testes harum rerum sunt D. Joannes Iorn Capitaneus Dominij, & cum illo major Dominij illius pars.

Dominus Jacobus Sternbersky Parous in Radomissly indixerat omnibus paro-

parochianis, ut moribundi Sacramentis se munirent, aliàs carituri Sepulturâ Ecclesiasticâ. Promittebat etiam, si id facerent, experturos esse magnum quoddam bonum. Quare qui id fecerunt, sanati sunt, ob idque alij infirmi idem factitant, & paucissimi moriuntur, sed ferè omnes sanantur.

Post Boëmiam ab Anno 1625. & consequentibus annis Ecclesiæ restitui cæptam, non longè à Civitatè Colinensi contigit, quod sequitur. Cùm omnes adhuc illic essent hæretici, Capitaneus Catholicus mandavit, & promulgari curavit, ut festum Assumptionis B. Virginis omnes diligentissimè celebrarent. A meridie autem diei illius festi cum nobili quodam Polono ad campos Eques prodiit visurus, num qui in agris laborarent. Et ecce tres fæminæ culmos cannabis extrahebant ex terra. Quare illi equites admotis equis calcaribus ad proximum Pagum properârunt, mandaturi Judici, ut eas ad cippum acciperet. Cælum erat serenum, lucidum sine ullo vento, &

nu-

ubecula, & ecce perstrepere nihilominus cæpit: tum nobilis Polonus: *Tange tange tonitru*, clamare cæpit. Sed com-  
pescuit illum Capitaneus verbis gravibus  
& pijs: tum ille: *opto ego*, inquit, *hoc*  
*hæreticis festum violantibus*. Et cum hæc  
loquuntur, fulmen cum maximo strepitu  
cælo sereno tangit prædictas Mulieres.  
Adussit illas nonnihil, quæ in pœnam sui  
peccati manipulos cannabis intra genua  
habebant, jacentes exanimes, signum vin-  
dictæ DEI. Et ita prædicti Nobiles in  
pago mandârunt, non ut eas vivas vincu-  
lis traderent, sed mortuas sepulturæ. Sic  
violatores festorum puniuntur. Testes  
huius rei sunt Dominus Križl Capitane-  
us, & alij.

Colinij erat vir Senatorius, nomine  
Joannes Pržibramsky, qui de se ipso se-  
quentia adhuc acatholico, nobis multis  
præsentibus narravit. Invitatus fuit à  
Prædicante hæretico ejusdem Civitatis  
Psevdoparocho feriâ 6. cum aliquot alijs  
honeſtis viris ad prandium. Et data est  
illis primùm recens pingvis assatura, cu-

jus primum bolum cum gustare prædictus Joannes vellet, & jam ori admoveret, ecce foetor intolerabilis nares ejus invasit, ita ut indignabundus bolum abjiceret, & causam socijs cum nausea exponeret. Sed tanquam insanus ab ijs irrisus fuit, quia sciebant carnem recentem: imò optimè alijs omnibus sapiebat, Sed ille nullam aliam causam hujus foetoris invenire poterat, nisi quod DEUS illum moneret, nè comederet carnem, eò quòd esset feria sexta, memoria passionis Domini. Quare promisit DEO se nunquam feriâ sextâ carnes comesturum. Alio tempore idem illi accidit die Sabbati apud honestum civem, ubi cum jusculum carnum ori apponeret, similem foetorem expertus, cum alij nihil simile sentirent; eodem modo promisit DEO, se Sabbato abstinentiam à carnibus postea servaturum.

Horazdio Wicy vir Senatorius Joannes Laubsky die festo Patroni sui S. Joannis Baptistæ aliquid laborans in domo sua trabem quandam amoliri conabatur: sed

sed ipsa mirabiliter elevata caput ipsius circa tempora ad alteram trabem ita appressit, ut indè graviter decubuerit, & unum oculum amiserit. Testes major pars Civitatis.

Anno Domini 1634. die 15. Decembris in Nałzow Domini Ferdinandi Słwioſky pago, circa horam noctis tertiam una rusticana domus incendio fuit consumpta. Conjuncta autem illi fuit valdè altera domus & juxta ignem ferenter ardentem multum fuit straminis, sed cum Agnus DEI cereus in id stramen reiectus fuisset, statim ignis cessavit, quasi suam naturalem vim amisisset. Quod factum mirati, & adhuc mirantur omnes, qui aderant, ut & ipse Illustrissimas D. Ferdinandus, P. Franciscus Orinis S. Francisci Conventualis, familia homini, & plerique ex pago Rustici.

Horaſdio wicij quidam furiosus venit in Domum Capitanei D. Danielis Malowsky, & cepit more suo insanire. Cataneus affixit occultè illi Agnum DEI, ille statim pacificatus fuit.

An-



Anno Domini 1634. in Pago Dożicz in Districtu Prachenſi ortum fuit incendium in domo ruſtica propè Caſtellum, illic exiſtente, Domino Bohuſlao Chanoſky. Contigit id circa feſtum Converſionis S. Pauli. Non potuit ſtatim Agnus DEI inveniri; ubi tamen inventus in ignem conjeſtus fuit, ſtatim cæpit ignis minui, & paulò poſt ceſſavit.

Idem accidit eidem Domino in Pago Budieticz Anno 1645. circa feſtum S. Martini.

Anno 1638. 11. Aprilis, Dominica, *Quaſi modo geniti*, ſeu in Albis, quidam operarius, cognomine Autlicky Clatto-viæ, cùm haberet propoſitum prædictæ die conſitendi, & communicandi, perrexit ad templum: & ecce bonus ſocius, nomine Wenceslaus Koſeſa, molitor occurrit, rogatque, ut omiſſâ templi viſitatione, confeſſione, & communionẽ, ſecum pergat ad domum quandam in ſuburbio dicto Hoſpitalenſe: ubi vinum & vinum crematum potitando, ſuppeditante pecuniam dicto Wenceslao Koſeſa,

be-

vene immaduerunt. Interea omnibus  
in Ecclesia peractis, Helluones illi men-  
sæ assident, & primo bolo carnis bubulæ  
Autlicky strangulatur, & à mensa cadit  
in terram mortuus. Fuit magnus accur-  
sus populi. Multi dixerunt pœnam esse  
DEI, quòd ille divinis omiſſis, ventri pe-  
ius servierit. R. Dominus Decanus  
um in loco sacro sepelire noluit. Te-  
res hujus rei sunt, ipse D. Decanus, &  
major pars Civitatís.

A.D. 1634. 14. Decemb. obiit Joannes  
Achilles Horazdiowicensis Patriâ, civis  
Mattoviensis, qui aliquando in Monaste-  
rio Horazdiowicensi, inter Picarditas  
oleslavienses, quasi quidam Diaconus  
erat. Is cum in illis tenebris adhuc  
erfaretur, (ut de se dicere solebat) mo-  
do illorum hæreticorum five ex consue-  
tudine, five ex contemptu Ecclesiæ, pro-  
fiscuè etiam quâvis feriâ sextâ memo-  
riæ Passionis Dominicæ dicatâ carnes co-  
edere solebat. Accidit autem quo-  
dam tempore, dum prædictâ die carnem  
inderet ad manducandum, ut advertet-  
ret

ret os quoddam interius in ea carne latere, quod inde exscindens reperit ossam miraculosam esse crucem. Agnovit monitionem Crucifixi DEI, & ab illo die feriâ sextâ carnem nunquam comedit. Crucem autem illam multo tempore inter supellectilem suam argenteam habuit, quæ tandem unâ cum argento accepta illi fuit à militibus.

R. Dominus Andreas Winter Parochus in Civitate Pergreichstein, vir pius, narravit, cùm in illa Civitate per varia maleficia quædam Matresfamilias, neque lac à suis vaccis habere, neque vitulos educare possent, consilio sui Parochi sale sacro, & aquâ lustrali uti cæpisse. & sentire etiamnum optimum & præsentissimum remedium. Quare illæ, & aliæ, ad eadem Sacra in omnibus suis adversitatibus frequenter recurrunt.

Idem Parochus administrabat alteram Parochiam in oppido Hertmanicz, ubi oppidani diebus festis, neglectis divinis & templo, potationibus & ludo operam dare solebant. Quodam die Dominico  
cum

cum nullus virorum illius oppidi in templo comparuisset, sed haustibus & ludis vacarent, Parochus cum admiratione in illos inVectus, severe denunciavit illos brevi scelerum suorum poenas laturos. Et contigit non multo post, ut maxima ars oppidi flammis ultricibus conflagra-  
et, & ita plane omnia usque ad terram xusta sunt. Eoque major divina ultio nit, quod propter occupationes in agris, non nisi fere pueri domi erant, & quam-  
vis parentes statim ad exortum incendi-  
um velociter Domum properassent, ta-  
men quasi intra quadrantem unius horæ,  
etiam partem oppidi vorax flamma  
sumpsit. Ita DEUS Sacrorum suo-  
rum contemptum, & contemptores vin-  
care solet.

In Civitate Ziatecensi erat vidua an-  
sa, valde dives, nomine Anna Grilo-  
a, quæ cum in varijs cistis asservaret  
cuniam, & jam præ senio caeca esset,  
mi autem suæ duos domesticos habe-  
re; factum est, ut vel ipsi domestici,  
etiam alieni ipsi occultè subductis  
I clavi-

clavibus ex cistis subtraherent pecuniam; advertit illa tandem defectum & vehementer indoluit. Observavit hoc antiquus hostis, & tribus diebus illam ad desperationem sub prætextu magnanimitatis incitabat. Proposuit, quam olim gloriosa, dives, & felix fuisset vivente Marito, & nunc famosa esse posset, si cultrum ventri suo infingeret; sic enim fore ut nomen ipsius ita morientis ubique divulgaretur. Fecit illa tandem, sed quia culter brevis, & venter pinguis fuit, abdomen non penetravit, neque ilia læsit. Quod conspiciens parvus puer domesticus, accurrit, & dentibus cultrum extrahit. Mulier fidem Catholicam suscepit & pœnitentiam egit. Vixit deinde satis diu sanata. Testes hujus rei tota Civitas, & ego ipse qui tunc Ziatecij adfui in reformatione religionis.

Contigit Pragæ ad tabulas Regni, dum ijs præsideret Vice-Judex Dominns Joannes Henricus Chanowsky, qui hæc subsequencia retulit. Vir erat equestris Ordinis, ætate grandævus, qui definitione Judicis

dicum, aut causâ cadere, aut suam Sententiam justam esse juramento confirmare compellebatur: quamvis & ille, & Judicij Assesores privatâ notitiâ non ignorarent, eum falsam causam tueri. Nihilominus homo perjurus suam pertinaciam urejurando confirmare voluit. Dum igitur hoc ageret, manum dextram elevavit, sed brevissimo tempore erectam tenere non potuit, quin sinistram in auxilium dextræ adhiberet; sed neque cōtatione eam erectam retinere potuit, quin tremere & vacillaret. Insuper etiam, ut falsarius, vix medio anno in vita superfuit, præmaturâ morte sublatus.

In Pago Hradistie, subditus D. Alexij Chanowsky, festo Divi Martini creas reficiebat. Quod cum conspiceret vir quidam pius, eum admonuit, videret, quid ageret; non licere festo celebri Martini serviliâ opera exercere; cui superbè respondit. S. Martinus mihi creas non reparabit; sed ecce paulò ost sibi ipsi, nescio quo casu, oculum bulbâ elisit.



Illustrissimus D. Franciscus Baro à Sternberg rem aliàs notam de se ipso narravit. Dum esset infantulus, incuriâ obstetricis umbilicum ità malè habuit affectum, ut computruerit, adeò ut medici de vita ipsius desperarent. Unde humanis medijs deficientibus, Domina Mater Maria, Comitissa ab Hohenzollern ad divina confugit. Est Pragæ, ubi tunc morabantur, in templo Salvatoris PP. Societatis JESU imago S. Ignatij, quondam à Philippo Spinello S. R. E. Cardinali (in cujus insignibus 6. Stellæ radiant) Anno 1603. curata, ad quam cerei votivi applicantur, & lumina multa micant & per B. Ignatij intercessionem multi recuperant ex varijs morbis sanitatem. Eò igitur prædicta Domina confugit, lampadem tam diu ibi arsuram posuit, donec filiulus convalesceret; & sanitatem optatam filio impetravit. Quotiescunque ergo Medici puerulum tractabant, toties puerulus dormiebat, ut nullum dolorem ab attrectatione sentiret. Mirabantur Medici & dilertè fatebantur impossibile

fuisse humanâ arte, & manu infantem  
 uvari id solius DEI opus esse, atq; adeo  
 magnum miraculum, quod puer sanatus  
 uerit.

Anno 1639. in Pago Lažianeck Do-  
 minij Domini Joannis Genischek, qui-  
 am rusticus sat senex, Dæmonem per  
 aliquam imprecationem nominavit, ut  
 prioris est in ea gente. Contigit autem  
 espere, cum jam lumen extinxissent, &  
 ibitum concederent, auditus in area  
 repitus fuit. Timebant in hypocausto  
 itantes milites adventare. Et subito  
 reffectæ fores hypocausti & lumen re-  
 censum ostendit tres intrantes in illud  
 biculum specietenus insignes milites,  
 eorum unus resedit, & liripipio musicam  
 hibuit, alijs duobus saltantibus. Post  
 tum unus innixus humero junioris u-  
 ratî Patrîsfamilias, cum uxore illius  
 dormiente aliquid cæpit loqui. Mo-  
 nit illum prædictus Paterfamilias, ut  
 iret vias suas, cum nihil haberet ad a-  
 ndum in domo illius. Et tunc dixit  
 us illorum Seniori Patrîsfamilias. Re-

cordare, quid proximè fueris locutus; non manebis diu hic. Et statim abiverunt, lumen etiam per se extinctum fuit, humerus autem rustici, cui dæmon innixus fuerat, valdè niger apparuit, ut & uxoris alterum uber eâdem nigredine tinctum.

### *Appendix.*

**A**Nno Domini 1638. in mense Junio in Civitate Zitavvienti in Lusatia hoc contigit. Erant ibi milites Saxonici, quorum quidam observavit certum hominem centum florenos accepisse, & cum illis peregrè proficisci. Quare prævenit illum, & in quadam silva spoliavit. Vir ille rediit in Civitatem & accusavit militem de furto. Miles coram suo Capitaneo negabat jure jurando, & dæmoni se devovebat. Dum ergo sic contendunt, ingreditur conclave Capitanei quidam, ut apparebat, politus miles rubeo indutus pallio. Offensus autem Capitaneus, quod sine jussu illius intrasset, illum objurgabat. Respon-

pondit se nunquam intraturum fuisse, nisi vocatus fuisset; & subito pallium ad mensam posuit, & elevans militem conussit, & ecce pecunia, quam adhuc secum habebat, in terram excidit, & dæmon relicto pallio animam cum corpore cepit. Corpus tamen ipsius postea apertum fuit in silva eo loco, ubi illum miserum pecuniâ spoliârat. Exemplum contra mendaces & perjuros. — Domini documtenentes S. C. M. Pragæ ex Luthia scriptum acceperunt.

*Auctarium.*

**A**nno 1503. Cum feriâ quintâ majori, seu in Cæna Domini, quidam Equestris Ordinis homines non procul Boëmo-Broda ad Pagum Clucziova 13. Aprilis, venarentur manè, aëribitò in nubem coaluit, fulmenque eruct, quod famulorum unum cum equo excidit; incujus rei memoriam eo in loco lapis est erectus.

Anno 1512. Pragæ ad S. Benedictum

in Hradeſan miraculum contigit, quod in templo illo eſt depictum, ac deſcriptum ſequentibus verbis.

Eo tempore, quo Sanctarum reliquiarum Pragæ memoria recolitur, ipſo die S. Georgij, Proceres Regni volentes Prædones viarum (quorum plerique fuere Nobiles) exterminare, mandârunt ex illis duos Equeſtris Ordinis in loco Pohorſelez dicto, palis inſigi. Uni eorum, cui Chleyvecz nomen, palus juxta humeros, capite ſalvo permanente penetravit. Is verò devotè ſeſe uſque ad veſperam DEO commendabat. Subſequentem autem nocte palus, quo trajectus fuit, in parte inferiori juxta corpus, fractus, quo cum reptando pervenit in Racſin atque in ſimeto requievit. Manè factò ſurgens, ædem penes templum Sancti Benedicti (quod modò à Patribus Clericis Regularibus S. Pauli Apoſtoli, vulgo Barnabitis unà cum dicta æde poſſidetur) ſitam, ingreſſus eſt, vocavitque Sacerdotem ex templo Metropolitano Pragenſi, cui peccata ſua devotè confeſſus retulit, ſe

se absque confessione, atque corporis, ac Sanguinis Christi sub una specie, juxta ritum Sanctæ Ecclesiæ, communione mori non potuisse idèò, quod fide Christiana hunc morem habuerit, orare quotidie in honorem DEI omnipotentis, unum Pater, & in honorem B. V. Mariæ, unum Ave Maria, & in honorem S. Barbaræ Virginis & Martyris unam brevem Orationem; & quòd ab illo tempore eam spem & fidem habuerit, se propter hanc in S. Barbaram devotionem, ac ipsius intercessionem, absque Sacramentis non moriturum. Quæsit ab eo Sacerdos, quænam esset hæc oratio, eam sibi indicaret. Respondit hanc esse.

*Domine DEUS omnipotens, rogo te ut intercessio Sanctæ Virginis & Martyris tuæ Barbaræ, semper mihi sit auxilio, ne subitanè moriar, sed ante diem mortis meæ Sacramentis salutaribus muniar, & ab omnibus inimicis meis visibilibus & invisibilibus protegar, atque à malignis Spiritibus defendar & ad gratiam vitæ æternæ erducar, per Christum Dominum nostrum Amen.*

I s .

Hæc



Hæc Sacerdos audiens venerabile Sacramentum illi porrexit, quo accepto eodem die, non multò post è vita migravit, & penes templum S. Benedicti multis lacrymantibus sepultus est,

Olomucij in Moravia quædam, quòd infantem suum occidisset, aquis adiudicata, suffocari in eis non potuit, cò, quòd Sanctam Barbaram Martyrem quotidie invocasset, donec ad templum S. Blasij adducta, peccatis per Sacramentum pœnitentiæ positis Sacratissimâ Synaxi fuisset refecta. Hinc in templo illo hodièque altare S. Barbaræ, & magna ad eam Olomucensium devotio.

Juxta Albim quinque milliaribus infra Pragam silva est cujus ligna omnia sunt curva, id quod divinitus accidit, hac occasione. Cùm fundos illos Laici sub tempore Hussiticæ hæresis occupassent, qui prius ad Archiepiscopum Pragensem pertinebant, vellètque non nemo territorij illius possessor ad arcis ædificium ligna silvæ illius adhibere, omnes silvæ ejus arbores divinitus sunt incurvatæ, ut nulla earum

arum ædificio esset utilis: atque in rei  
 ejus memoriam DEUS voluit, ut hodié-  
 ue silvæ hujus arbor nulla recta inve-  
 niatur.

Sed & silva alia Vetero - Boleslaviæ  
 proxima nullam dicitur habere rectam  
 arborem, idque esse memoratur etiam  
 celeste monumentum, grandis illius pro-  
 digij, quo arbores silvæ illius universæ S.  
 Wenceslao Boëmiæ Duci illac eunti se  
 inclinasse, ei que honorem eo flexu ha-  
 uisse narrantur.

## CAPUT VII.

### *Presagia Mortis.*

**I**N familia Rosensi & Novodomensi,  
 quorum illi albam, isti flavam Rosam  
 pro insignibus gestabant, quædam  
 Domina, nomine Perichta fuit. Hanc  
 erunt pro Te ex familia Dominorum  
 Chwamberg junctam matrimonio cuidam  
 Rosensi, uti cognitum fuit ex quibusdam  
 litteris datis Monasterio Virginum Crum-

loviensi. Hæc quod Thesaurum magnum auri & argenti abscondisset, grave multis annis purgatorium sustinuit. Nam post obitum inter familiam Crumloviensem & Novodomensem totâ arce vagabatur nemini nociva, nisi quis illi injurius fuisset. Dominum Petrum Wok Rosensem ultimum ex familia, adhuc puerulum nutricibus subducebat, ulnisque suis circumgestabat: quin & loco Thesauri in Arce Trebonensi abditi designato nutrices rogabat, ut ubi adolevisset, Thesaurum levaret, ut illa quiete potiretur; id quod tamen ipse non fecit. Ante mortem itaque cujusvis viri aut faminae prædictarum familiarum in alba veste tristis apparere solebat: quod signum fuit aliquem certò ex ijs moriturum.

In familia Dominorum Strogeticky super templum, aut aliquod castellum Jurisdictionis eorum albus passer visebatur, quod ipsi plurimis annis suæ familiæ prognosticon mortis habebant.

Familia Dominorum Genislek de Augezd

gezd habebat hydriam stanneam, quæ fuit quasi prodromus mortis ejus familiæ. Nam ultro aperiebatur, & claudebatur, & ipso strepitu homines attentos reddebat, & mortis admonebat.

Simile quid est in familia Dlavhoweskyorum, qui sunt Dlauhowsky, Czastolarij, & Chanovvsky omnes ejusdem familiæ, nempe cista quædam magna.

*Ex qua familia cum fuerit P. Chanowsky, de hac cista retulimus in ejus vita cap. 15.*

In familia Přichovvskiorum varia præfagia mortis sunt. Nam si quis moriturus est venator, canes, tubæ, & voces venantium audiuntur: si quis equos amat: hinnitus perstrepat equorum: si quis musicâ oblectabatur, cantus personat. Hæc omnia aguntur in castro Skoczicz, ita ut distinctius in hac, quàm in alijs familijs notetur is, qui à DEO ex hac vita brevi evocandus est: quod in magnis DEI beneficijs ponendum est.

In familia Nebylovvskiorum in templo Parochiali ad castrum eorum Polina,

na, uno milliari Clattoviâ ad Missæ Sacrificium lumen extingvitur.

Familia Klenovvskiorum dicitur observare ante mortem suorum, fæminam habitu lugubri prospicientem per fenestram.

Aliæ familiæ conspiciunt lumina in suis templis : aliæ tumultus, & strepitus audiunt in suis ædibus.

In Arce Schvvamberg, cùm aliquis ex familia Schvvambergica est moriturus, apparet alba Domina inter familiam, nullique nisi injurio, nocet.

In Chudenicz Arce Dominorum Czer-nin, ante mortem cujusvis illorum auditur strepitus, quasi aliquid arenæ vel rudrum funderetur.

In Arce Kamen, quæ antiquitus semper fuit Dominorum Malovvecz, prænuncia mortis singulorum erant tria lumina miraculosè accensa, & circummeuntia in terra in hortulo quodam dictæ arcis.

Familia Dominorum Kolo wrat habet uno milliari à Luna Civitate Monasterium Rožovv, cujus Fundator fuit sub Ca-  
rolo

rolo 4. D, Albertus à Kolowrat, qui illic ſepultus jacet. In eo tumulo mirabiles ſubinde motus audiuntur, & lapis ſepulchralis ſudat; quæ ſigna ſunt mortis alicujus ex prædicta familia. Quare Prior Religioſus S. Auguſtini, qui illi loco præeſt, hæc viſa & audita ſolebat toti familiæ denunciare, & Domini eò convenientes confitebantur, & ſe ad mortem parabant, ac tum ſibi vale dicto recedebant quique mortem exſpectans.

Quibus omnibus DEUS per Angelos Cuſtodes familiarum monet, mortales ad agenda pænitentiam: quod non ſolùm in Boëmia, quin etiam in alijs Provincijs reperitur. Sic in familia Comitum Hohenzollern tabula ſtrepens, mortem illorum designat.

## NOTÆ, & AUCTIONARIUM.

**A** Nima illa, de qua initio capitis hujus dictum eſt, à veſte candida, in qua apparere ſolet: *Alba Domina* paſſim dicta nondum apparere ceſſat, in arcibus illis, in quibus olim Roſenſes & Novodomenſes



ses Magnates habitabant. Et in arce quidam Bechinensi majorum nostrorum ætate apparebat tam frequens diu noctuq; ut quodammodo ibi habitare videretur, ita horis integris in Gynæcæo inter ancillas versabatur, & in Sella aliqua sedebat; vespere per Arcem obambulans candelam præferebat; ita, ut incauti subinde eam accederent, lumen ab ea accipituri. Audita est nonnunquam dum Gynæcæum ingressa, quasi longissimo ex itinere fatigata, se componeret in sellam cum suspirio & gemitu dicere: O quantum ego hodie Spatium percurri!

Est & hodie admirabile, quòd in Arce Novodomenfi, nisi singulis annis feriâ quinta in Cæna Domini lautum detur pauperibus prandium, quorum milleni, confluunt, mox alba illa Domina, Arcem rotam tumultibus impleat & homines infestet. Habetur de illa, ut dicunt, revelatio, eam in Purgatorio fore usque ad Diem Judicij aut saltem donec Arx Novodomenfis diruatur. Ante mortem Domini Joachimi stippis Novodomæorum

Ro-

Rofenſium ultimi, in Collegio Societatis JESU ibidem Patri Reſtori Nicolao Piſtorio apparuit, hortataque eſt, ut omnia pro extremis neceſſaria approperaret.

In familia Comitū de Martinitz Arx eſt Smec̃na dicta (unde vulgo ejus Domini Smec̃ſansky vocati) quæ ab aliquot ſæculis hucusque manet in illa familia. Illic eſt vetuſtiſſimum Sacellum S. Annæ Aviæ Chriſti, in quo ſingularia quædam præſagia videntur ante obitum perſonarum adultarum: nam vel lumina à nullo accenſa apparent, vel inſignia ex alto ex ipſo muro decidunt & ſimilia. Recentiſſimum accidit ſignum mortis paulò poſt ſubſecutæ Domine Barbaræ natæ Comitiffæ de Martinitz Uxoris Sereniſſimi Chriſtiani Wilhelmi Marchionis & Principis Brandenburgici olim Coriophæi, nunc Reſutatoris acerrimi hæreticorum, magni Patruſ modernæ Sereniſſimi Electoris Brandenburgici. Nam ex Inſignibus fæmineis, quæ in fornice è regione Inſignium maſculinorum ſunt ex olido lapide ſuſpenſa, deciderunt quædam

dam nullo movente in pavementum & rupta sunt, omnibus omen sinistrum in personam Muliebrem ex hac familia præfagientibus. Obitum quoque Excellentissimi Supremi in Regno Boëmiæ Burgraviij Domini Comitis Jaroslai, hujus Dominae Barbaræ Patris signa varia tam illic in Sacello, quam alibi præcessere.

*Przichovyskiana familia habet & hoc Est Pržesticij in templo duobus Clattoviâ milliaribus, in quodam ex dextro latere altari statua S. Joannis Evangeliste, qua quotiescunque ex dicta familia est quis moriturus, in terra absque ulla lésione invenitur, cum tamen in summitate ferè altaris sit collocata, ubi visuntur tria capita anserina, qua sunt insignia ejus Familie.*

*Familia Dominorum de Sternberg mortis suorum præfagia habet in templo Parochiali Nepomaci, in quo noctu lumina visuntur à parte dextra, si moriturus est masculus; a parte verò sinistra si femina.*

*Familia Baronum nunc & Principum de Lobkowitz mortis suorum habet præ-*  
nun-

*uncium sonum campanule: atque ita D. Idalricus de Lobkowicz ante paucos annos defunctus, cum esset Brunæ in Moravia noctu audivit argenteam suam campanulam intra cistam inclusam bis personare, Coniuge ejus, & si vigile, nihil audiente. Ex quo mox ille sibi siliolôque mortem instare collegit, quæ etiam utriusque post aliquot menses est subsecuta.*

## CAPUT. VIII.

### *Fontes.*

**Q**UADRANTE milliaris à Civitate Sutticensi, ad occasum, est mons & silva altissimo situ, nomine Swatobor, quasi dicas, Sanctum pascuum, vel sanctum pinetum. Illic visitur copiosus fons salubris aquæ, quam multi frequenter visitant, & oculos suos & corpora lavant. Nonnunquam etiam Sacerdotes piam Processionem eò instituunt, & concionem habent ad populum. Origo hujus fontis dicitur hæc fuisse.

*Virgo*

Virgo quædam pia morti proxima Amicos rogabat, ut corpus ipsius demortuæ, currui imponerent, & duos boves jungerent. Qui cum ad prædictum venissent locum nullo modo ulterius progredi voluerunt. Illic igitur sepulta, ubi usque hodie signum Sepulchri visitur. Et statim juxta Sepulchrum fons aquæ copiosus erupit. Non est dubium, quin olim locus iste magnæ venerationi majoribus nostris fuerit, & illic varij morbi curati sint. Fons nominatur Wodolanka: suspicor, à nomine illius Virginis, quia olim in Boëmia multi viri vocabantur proprio nomine Wodolan & fortè nonnulla femina Wodolana. Et ita probabile videtur hanc ita vocitatam & ab illa fontem dictum derivatè more Boëmico, Wodolanka. Quamvis & fons à Pago vel Pagus proximus à fonte dicitur Wodolany.

Ex Wodolanka sæpius rustiei tempore siccitatis hauriunt aquam, & in suos puteos & fontes infundunt, certam concipientes spem, se ex nubibus Cæli pluvi-

am

am habituros; & obtinent speratam. Hic, num causæ naturales operentur, an miracula, an superstitio, doctiores disputent & judicent. Est ad partem alteram ejusdem Civitatis Sutticensis fons, cujus aqua medetur varijs morbis: valdè laudatur.

Reperitur & alius fonticulus ad Sacellum Sanctæ Kunhutæ circa oppidum Stražiw in monte propè fines Boëmiæ & Bavariæ, quò oppidani in maxima penuria aquarum & siccitate, cùm Processione confugiunt. Et post cantum pium & sacras preces, turbant aquam fonticuli. Quo factò vix unquam regrediuntur domum sinè pluvia. Hæc retulit R. Dominus Simon Simonis Parochus prædicti oppidi, qui etiam ipse fusis precibus & motâ aquâ veluti Angelus ad probaticam piscinam unâ cum populo pluviam impetravit.

Stoboražiensis pagus una cum Parochiali templo S. Ægydij Domini Henrici Kocz altissimo loco situs est uno milliari à Civitate Clattoviensi. Hic etiam in  
tam



que ubi ad Niğow pervenissent, visum est illis paululum subsistere; & ecce fons ante conspectum illorum ebullijt, quo illa Virgo oculos lavit, & lumen Solis subito conspexit, & DFO maximas gratias egit; ac pro memoria hujus facti elegantem, & magnum Crucifixum ad eum locum fieri curavit, qui intuentibus magnam sui adfert venerationem.

Susceperat Uir quidam Sub-Diaconatum, volens etiam brevi Sacerdos fieri: interea excæcatus fuit. Hic veniens ad prædictam aquam piè DEUM veneratus, oravit, oculos aquâ abluìt, & continuò lumen oculorum recepit.

Pagus Březan sub Dominio Horazdiovicensi est, & ab ipsa Civitate distat circiter medio milliari. Circa hunc Pagum visitur fons in campo, & colliculo, circumdatus novâ ædiculâ ex muro, ubi plura sinè dubio miracula contigerunt, quæ notata non sunt, præter unum, quod ipse bonæ memoriæ Dominus Adamus Pernglo, cui accidit, narrare confreyerat, cuius rei narratæ testes pluri-  
mi

mi Nobiles etiamnum supersunt. Dominus igitur Adamus Perniglo Eques Bömum cum Cive quodam Planicensi ex Psalmo 113. cujus initium: *In exitu Israël de Ægypto, cantarunt: Simulacra gentium, argentum & aurum; aures habent & non audiunt, oculos habent, & mercedem videbunt.* Ita DEO displicuit hæc sacri textus inversio, & abusus, ut illico uterque excæcetur: quod illis maximo dolori fuit. Quare indè profecti, cum venissent ad prædictam salutarem aquam, è curru descendentes flexis genibus culpam suam deflexerunt, & suppliciter DEUM pro sanitate deprecati sunt. Deinde aquâ oculos abluerunt. Et ecce subito alter alteri cum gaudiô narravit, quæ loca circumposita redonato à DEO lumine cerneret, quæ itidem alter se conspicere affirmabat: atque ita genibus flexis, gratijs ferventer actis, sani in oculis domum redierunt.

Joannes Planicensis Opificio Braxator, cum in gravi morbo nullum appetitum ad comedendum quatuor diebus haberet,

nec

nec quidquam cibi gustâſſet, voto ſe obſtrinxit, ſi convaſceret, ſe ad illum fontem perrecturum, & iuxta illum curaturam ædiculam in modum Sacelli: & ſtatim convaſcere cæpit. Ubi ad aquam acceſſit, hauſit paululùm ex illa & ſubitò appetitus ad comedendum redijt, & ipſe perfectè ſanatus fuit.

Pragæ circa templum Sancti Wenceslai in nova Civitate eſt fons copioſæ & recentis aquæ, quem plurimi Pragenſes quotidie frequentant, partim aquam illic bibunt, partim in domos ſuas referunt, & pluſimum illâ hauſtâ recreantur. Videntur etiam quidam relevari in ſuis defectibus & morbis corporalibus.

Inter Civitatem Strakonienſem & caſtrum Ržepice fons eſt aquæ ſalubris, ubi complures ſuis oculis medicinam repererunt. Ex quibus Domina Anna Hexowa civis Strakonienſis filium Nicolaum cæcum effectum, quem plurimi exiſtimabant ſemper cæcum, & lumine caſſum manſurum, adduxit ad prædictam aquam, & oculos filij abluir, & ſubitò

K

appa-

apparuit albugo, tanquam pellicula, quæ est circa albumen ovi, quam illa detraxit, & statim visus filio est restitutus, qui etiam nunc vivit junior Notarius Civitatis Strakonicensis. Et quamvis in uno oculorum quoddam vitium seu defectum habeat, hoc tamen illi, dum è pustulis laboraret, contigit. Hoc nostro tempore Dominus Joannes Raus ædiculam quandam curavit illic exstruî, quâ fontem ipsum maxima ex parte inclusit.

Ad Pagum Prioratûs & Domini Strakonicensis nomine Krty, visitur item fons ad quem columna Crucifixi. Cujus origo hæc est. Fuit aliquando in eo Pago Materfamilias, nomine Anna, in domo Petraŝio Wicz, contra quam Maritus adeò irâ & odio exarsit, ut illam summè affligeret, & verberibus crebrò exciperet, & capillis hæc, illucque traheret; unde illa ob magnam afflictionem, & continuam vim lacrymarum, ratione, & visu privata fuit, & amens in Silvam Pago proximam profugit. Ubi monitu & ductu Angeli ungvis manuum terram egerere

rere caput, donec foveolam quandam efficeret, in qua cum humorem sentiret adesse, oculos abluit, & rationis ac visus pariter compos facta fuit. Abijt ergo in Pagum Brzezan & læta vicinis DEI virtutem & omnem suam actionem circa prædictam aquam exposuit. Et ecce subito confluit illuc multitudo magna ruralis plebis, inveneruntque fonticulum aquæ, quam unus pileus caperet, & DEUM laudantes adoraverunt. Et quia mulier inventrix aquæ Anna vocabatur, promulgârunt celebrem eò peregrinationem in festo S. Annæ unam, & festo S. Mariæ Magdalenæ alteram, & fontem profundiorum effecerunt, muro circumdederunt, & juxta ædiculam extruxerunt eâ spe, ut successu temporis inibi templum ædificarent. Erat eo tempore quidam dives rusticus in prædicto Pago, qui ad dictas Processiones, & Peregrinationes Sacerdotes evocabat, & laute tractabat, qui aquam quotannis benedicebant, Sacra ibi celebrabant, & Conciones habebant, ubi multi cæci, & lippientes

tes oculis, multi item scabiosi sanitate donati sunt. Hinc adeò celebris ille fonticulus factus est, ut peregrinationes frequentes eò fierent, non modò incolarum Districtus Prachensis, sed etiam ab alijs longè remotis Districtibus, qui cùm morbi fuissent, optatâ Sanitatè potiti sunt. Silvula autem illa tota excisa, & agri valde vicini aquæ spectantur, quibus nè aqua noceat, ipsa non longe à fonte in terram se abdit, & sub agris ad viam erumpit, & ulterius sine damno pergit: nihilo minus tamen agros, sub quibus fluit, valde fecundat. Quam Processionum celebritatem interruperunt proximè exorta bella, ubi plura sine dubio miracula facta oblivioni data sunt. Hoc tamen narratur unum, quod quidam (quo animo, vel quibus in peccatis incertum est) totus nudus fontem ingressus, corpus suum lavit & statim aqua evanuit. Quare incolæ denuo altius foderunt, & rursus aquam provocarunt & reduxerunt.

Circa Montem viridem ad medium milliare versus Septentionem est in Silva

Sa-



Sacellum S. Adalberti ubi ipse sæpe locum transiens, quiescebat, ubi visitur, in ipso Sacello lapidis in quo jacebat, & alter in quo sedebat. Non longè indè in altera Silva est fons, quem dicitur idem S. Adalbertus Martyr & Pontifex benedixisse, unde dicitur & creditur aqua illa sanitates nonnullas operata: quare sæpius, maximè ferijs majoribus Paschatis, & festo ejusdem Sancti, quod est 23. Aprilis, quibus diebus locus ille majori frequentia hominum, colitur, populus aquam visitat, & oculos abluit.

Fontem in suburbio Civitatis Clattovienſis dicitur olim invenisse quædam Virgo nomine Klattovvka, sive Klattka filia Bytiz illius, qui in Pago suo Bytiz in Districtu Podbrdensi mandato Principis fuit ob excessus quosdam suspensus, cujus filius & frater prædictæ Virginis Wolstrata, pagum Wolſtřetiez, & ejus frater Lubec pagum Luby ædificârunt, ut habet Historia Civitatis Klattovienſis. Hæc, inquam, Virgo aquæ bonitate delectata, tugurium illic exstruxit, &

K,

ha-

habitationem statuit. Ubi successu temporis Civitas fundata ab ea Virgine dicta est Klattovia. Aquam indè multi ægri accipiunt, & ejus refrigerio recreantur. Sed utrum morbos aliquos pellat mihi non constat.

*De fonte Strassnensi ab ipsa Sanctissima Cali Regina digito facta dictum est in vita P. Alberti Chanowsky cap. 3.*

## CAPUT IX.

### *Loca Sacra.*

**P**Ragæ multa sunt loca Sacra, & imprimis antiquæ Urbis forum; illic enim multum Sangvinis Christiani per totum illud forum effusum fuit, quando nimirum Drahomira impia Dux per suos Ethnicos curavit Christianos mactari.

*Hoc forum asserebat se P. Chanowsky nunquam sine magna Reverentia ob memoriam Martyrum eo loco interfectorum transire.*

In eadem Antiqua Urbe ad initium Pontis ex opposito templi & Collegij Societatis JESU est columna & super illam statua S. Wenceslai. Hæc denotat translationem corporis S. Wenceslai. Nam cum Boleslaus fratricida corpus S. Wenceslai curasset Boleslaviâ veteri occultè Pragam deferri, ut Sanctitas ejus minueretur & miracula Boleslaviæ fieri consveta, cessarent, cum jam bis trajecissent aquas sine ponte & navi, solo DEI nutu & miraculo, cum venissent ad locum dictæ Columnæ steterunt, & quia tunc pons illic nullus erat, cogitare cæperunt, quomodo Moldavvam transaturi essent, ne proderentur, quid veherent. Et cum hæc cogitarent, in noctu oculi viderunt se esse trans flumen in parva parte virtute divinâ constitutos. Pro memoria hujus rei est erecta dicta Columna. Cum autem progredierentur per minoris Prægæ forum ante publicos carceres, mox currus cum Sacro illo Corpore ita substitit, ut nullâ vi, nec plurimis boum jugis loco potuerit moveri, donec omnes

carcere illo detentos dimisissent. Ita S. Martyr etiam post mortem voluit in miferos esse benignus. Eo in loco nunc templum est Parochiale eidem Sancto dicatum juxta templum S. Nicolai.

In præurbio Pragensi, nomine Pohoržalecz ante domum, quæ vocatur ad globum aureum, est locus nunc murali columnâ conspicuus; ubi Drahomira impia Mater Sancti Wenceslai à terra fuit absorpta ante templum Sancti Matthæi, quod ædificari curavit Spitihneus Dux, Patruus S. Wenceslai.

Hospitale & templum S. Antonini juxta Scharkensem portam ædificatum est à S. Wenceslao pro pauperibus & pupil-  
lis, quos ille Sanctus loco filiorum habebat, ijsque subministrabat cibum ex culina sua.

Templum S. Procopij in Parva Parte illic, ubi olim rusticus limen primum Prægæ, & postea primam domum ædificavit (unde *Præga* à Libussa dicta fuit Boëmicè quasi *Limina*, id est *Præba*) est positum jussu ipsiusmet S. Procopij, qui Ci-

vi domûs illius hero Sulislao, & uxori Dobromilæ apparuit, locumque illum sub suo nomine, DEO jussit consecrari Anno 1213. id est ab obitu ipsius Sancti Procopij Abbatis Anno 160. ab ejus Canonizatione Anno Octavo, à fundata Praga Anno 490.

Radomislj templum est S. Joannis, ubi Domina Margaretha Czegkovviana magnos cruciatus ventriculi pati solita, cum jejunâset & ad templum id DEUM precatura accessisset, ab ijs doloribus fuit deinceps libera.

Circa idem oppidum in colle sunt ædificata sex templa invicem conjuncta, quamvis populus novem templa, nescio quo errore, nominet. Hæc curavit ædificari Dominus P. Nicolaus Kržžek Parochus ejus loci Cruciger, & postea Prior Crucigerorum Melitensium Anno 1570. pecuniâ in ea optima Parochia collectâ: Quamvis alij putent ab eo Thesaurum magnum in agro inventum & indè eum ædificâsse. Obijt Prior existens in Conventu Strakonicensi Anno

K 5

1589.

1589. Sepultus Radomislj in Templo S. Joannis à se fundato.

Hic olim fiebant magna miracula & magnæ Peregrinationes; quin etiã modò mittunt illuc imagines partim pictas partim fictas, cercas, & fatentur se à varijs morbis curatos. D. Margaretha Horcžicžiana nata Kanicziana D. Georgij Horcžicze uxor, in tolerabili colicâ sæpius laborans, ex bonis suis Cžekanicz ad unum milliare nudis pedibus pergens, sanata fuit, ut nunquam postea ex eo morbo laboraverit. D. Catharina Plotjana nata Cžekiana, sæpius per intercessionem S. Joannis & ad prædictum locum peregrinationem, multa bona obtinuit: quæ si singula diligenter conscripta fuissent, forsitan justus liber exstiteret.

Est pagus Milecz non longè distans ab oppido Nepomuk & Arce Zelena hora, ubi in Ecclesia Parochiali est sculpta imago S. Virginis & Martyris Barbaræ stantis supra suum persecutorem & Tyrannum. Ibi homines, maximè ex oculis laborantes, jejunando communiter tri-



tribus ferijs sextis & orando ante dictam imaginem, sanitatem perditam recipiunt, & dona varia, uti lintea, linum & cereos offerunt. Quam Ecclesiam hoc Anno 1640. renovavit, & ornavit Illustrissimus D. Joannes Junior Rziczānsky Kavvka. Ex oculis laborantes isti nostro sæculo sanati sunt. Andreas Bubulcus ex Mohelnicz Pago, filia item Judicis Hagny ex Pago Kramolin: & quædam fæmina ex Koczenic; item Bartholomæus Zika ex Pago Milecz tredecim septimanis lumine cassus, dicto medio lumen recepit; & Joannes filius ejus septem hebdomadibus & Magdalena Uxor dicti Bartholomæi, etiam septem septimanis videndi virtute privata, beneficio & intercessione B. Barbaræ sanitate donati fuerunt. Apud eandem gloriosam Martyrem, quas miraculorum virtutes Dominus fuerit operatus in hominibus incolis, prædictæ Civitatis Nepomuk Senatus ipse collegit, & conscripta suo sigillo munivit, quæ hic sequuntur.

1. Dorothea Fantowa in pleno Se-

K 6

natur

natu testificata est de Martha Matre sua, quòd cùm illa sex hebdomadis visu caruisset, noctu quiescentem quidam puerulus allocutus fuit, mandans, ut voveret peregrinationem ad D. Barbaram, sanitatem illi promittens. Quare summo manè accipiens suos liberos, etiam prædictam Dorotheam, ad dictum templum profecta ante altare S. Barbaræ genuflexit, & cùm ipsius imaginem attingere non posset, imaginem vultûs Domini strophiole attigit dicens: Domine JESU Christe, scio quod neque sis sculptus neque pictus, sed vivus, dignare me sanare: & tergens eo strophiole oculos suos, statim quasi squammæ ab oculis illi reciderunt, & rectè vidit, & ampliùs minimè viæ ducem requirens domum redijt.

2. Judith Krogiczkowa habuit Dorotheam filiulam duorum annorum eodem defectu oculorum laborantem. Igitur exemplo supra dictæ Marthæ eam ad dictum templum detulit, pro eaque ante sacram imaginem D. Barbaræ, DE-  
UM

UM & D. Martyrem exoravit, & filix sanitatem impetravit.

3. Catharina Hawliczkowa ob tollendam sterilitatem suam in matrimonio, vovit peregrinationem ad S. Barbaram, & illic Sacramentaliter confessa, & cælesti pane refecta, & supra altare S. Martyris Barbaræ unam mappam obtulit, paulò post fructum suæ peregrinationis experta, feliciter cum Marito suo Hieronymo Anner prolem habuit. Aliàs eadem habens filiolum ægrum, illum adduxit ad templum & altare idem S. Virginis Barbaræ pro illo orans, qui sanitate recuperatâ etiam modo vivit.

4. Paulus Swoboda Senator ætatis annorum 60. etiam testatus fuit, quòd defuncta uxor ejus Veronica multo tempore oculorum dolorem sentiens, hujusmodi peregrinatione ad altare B. Barbaræ sanitatem recepit.

5. Erasmus Schlehta, Civis & Senior populi, testatus fuit, quomodo ante annos viginti, cùm esset æger oculis jam quinque annis, & cùm non posset ullò

K 7

alio

• alio remedio sanari; trium dierum suscepto jejuniō & peregrinatione ad ædem S. Barbaræ in Milecz, secundum consilium quorundam piorum hominum, illicq; ante altare D. Barbaræ flectens oravit, & particula mappæ altaris oculos extergens, illico sensit sui visus aliquam sanitatem, & exinde nunquam amplius oculorum dolorem expertus. Actum in Prætorio Nepomucensi 16. Junij. Anno 1640.

Ad Arcem & oppidum Sſwihow est in colle templum, quod aliquando Parochiale fuit in honorem S. Ægydij constructum. Hoc magnas fertur olim primâ Septembris habuisse peregrinationes & miracula, uti D. Martinus N. Loci Parochus & alij testabantur.

In Dominio KržiwoKlatensi, cujusdam Pagi incolæ moliebantur templum erigere in medio sui Pagi, in DEI & S. Gothardi honorem; sed quidquid lapidum advectum fuit de die, amissum est de nocte, & ad colliculum amænum, juxta piscinam quandam non adeo remotam

è prædicto Pago translatum. Quod animadvertentes rustici illic templum exstruxerunt. Visuntur adhuc fossæ & terra ex ijs egesta in prædicto Pago, ubi jam jam fundamenta jacienda erant.

Simile quid contigit in Pago quodam nunc Equitibus de Ziakawecz subjecto, duobus milliaribus Clattoviâ dissito, ubi templum est D. Vito Martyri dicatum, quod olim Cænobio Doxanensi Virginum Præmonstratensium erat subjectum. Id captum erat alio in loco ædificari, sed quidquid per diem erat erectum, id per noctem disjectum, lapidesque eo in loco priori opposito, reperiiebantur, ubi nunc templum illud visitur. Ædificantes ergo, ex hoc miraculo, DEI voluntatem interpretati, templum ibi exstruxerunt, quò lapides translatos invenerunt. Magna in hoc templo sub ferijs S. Viti exercetur Populorum pietas, huc ex locis vicinis accurrentium numero ingenti.

Est Milinum oppidum in districtu Podbrdensi medio milliari à Civitate Práibram dissitum, cujus incolæ ante mul-

tos

tos annos, cùm vellent templum & Parochiam ædificare, propè suum oppidum, ubi modo stat columna lapidea memoria Passionis Domini, quidquid de die lapidum eò convexerunt, id totum per noctem miraculosè translatum fuit ad eum locum, ubi modo templum S. Petri visitur. Quod cùm incolæ advertissent eò loco terram pro fundamentis eruere cæperunt. Et ecce statua lapidea longa unius magnæ ulnæ, valdè gravis, similis imagini S. Petri Apostoli profundè in terra reperta est. Templum itaque in honorem S. Petri ædificatum: quod aliàs vocatur *Sslivice*, quod latine sonat: *iverunt plures*: eò quòd, quantumcunque multi eò homines unquam convenerint, nunquam tamen templum repleverint, quin adhuc plures possent intrare. Tempore autem, quò Hæresis in Boëmia regnabat, Prædicans loci illius prædictam imaginem, ex templo accepit dicens: *Petre, veni mecum, non est hic locus tuus; &* posuit illum ad suam Parochiam. Paulò post nescio qua de causa reversus ad templum,



plum, Imaginem invenit stantem præ foribus templi, cui ille: *O Petre, non est hic tuus locus. Veni mecum, ego te ita hinc amovebo, ut nunquam amplius huc revertaris.* Et ecce Imago invasit illum, & ita compressit, ut brevi moreretur. Ad hunc locum olim celebres fiebant peregrinationes.

*Auctaria.*

**D**E hac statua narrant, eam nonnunquam tam gravem factam esse, ut nulla humanâ vi loco moveri posset: aliquando etiam templo illo egressa viatoribus in vijs publicis obviabat. Illud etiam de templo illo est vulgatissimum, quòd nullâ unquam populi multitudine repleri possit; quin pluribus ad huc locus supersit; cujus stupendi miraculi modum deprehensuri nonnulli vicini nobiles, conspiratione factâ subditorum suorum multa millia undique ad certum diem simul adduxêre & templo catenam circumdedêre ferream, visuri, num fortè parietes discederent, ut tanto Populo  
seme

semper in templo locus superesset. Sed immotâ catenâ immotisq̃ue parietibus ingresso Populo illo universo superfuit locus pluribus ingressuris.

In Arce Viridis montis amplum est templum S. Adalberto dicatum, qui in loco illo, ubi nunc summa templi ejus ara est, stetisse, & Boemiæ benedixisse dicitur.

Est & summa in Metropolitano Arcis Pragensis templo ara sepulchro D. Martyris Viti adjuncta inter sacrâ Boemiæ loca reponenda, in qua sæpius adversum est eos Sacrificium missæ peragere non potuisse, qui cum anima peccato mortali fæda accessissent, id quod de se palàm sæpe testatus est Reverendissimus Dominus Joannes Sixtus de Lerchenfels Lito-mericensis Præpositus, dicebatq̃; se quâdam vice in Sacrificio medio quasi excæcatum, ut nullo modo posset progredi donec contritione viribus omnibus quibus poterat, sæpius elicitâ, tantulum sibi lumen affulsisset, ut quasi per caliginem intuen-  
do reliqua Sacrificij vix absolveret,

&amp;

& mox finito Sacro peccata Confessione expiaret. Quin & temporibus Rudolphi secundi Cæsaris casus ejusmodi Sacerdoti cuiquam seculari accidit, quem cum ad altare cæcitate ita percussum præsentibus adverterent, ut Missam non posset absolvere ullo modo, eorum aliqui ad antiquam usque Civitatem ad Collegium Societatis JESU (magna enim tunc erat adhuc Catholicorum & Sacerdotum Pragæ paucitas) decurrerunt, indeque Patrem Marcum Soldanum Congregationis Italicæ Præsidem advocaverunt, qui per tantum ex Collegio ad Arcem usque spatium tandem accurrens Sacerdotem illum ad ipsam Aram Sacramentali Absolutione à peccato illo liberavit: quo facto Sacerdos mox oculorum recepit usum, Sacrificiumque nullâ difficultate peregit:



CA-

## CAPUT X

*Mixta.*

**V**idi in Dominorum Nebylowsky castro Polina unum Nummum argenteum ex ijs triginta, quibus Christus Dominus à Juda Proditore venditus fuit. Fertur quidam Nebylowsky olim cuidam summo Pontifici pluribus annis fideliter servivisse & pro magna gratia eum nummum impetrâsse. Contigit ut plures fratres in dicta familia & bonis, hæreditatem inter se dividerent, & pro magna parte unius hæreditatis nummum illum ponerent. Ille ergo, qui ex illis, unâ cum nummo illo accepit minimum hæreditatis, brevi tempore alijs fratribus ditior fuit. DEUS illi benedixit, sicut Domui Obededom propter Arcam fæderis.

Cum in Monasterio Miliwsko, Ordinis Præmonstratensium, Religiosis per hæreticos expulsis, intempestâ nocte jaceret in lecto, circa annum Domini 1600.

Do-

Dominus David Bechinie Vir Ordinis Equestris, apparuit lucida Processio Monachorum, quæ circumibat cubiculum interius, & quoties quis ad ejus lectum veniebat, toties singuli per ordinem ei è capite aliquid capillorum evellebant, cum addito quodam Boëmico dicterio, quod Domino illi erat familiare: donec decalvaretur ad formam Monasticæ coronæ totum caput, cui etiam postea ad mortem usque capilli eo loco non succreverunt.

Mira DEI providentia circa quosdam spectata Anno 1639. Nam circa Civitatem Příbram, cum omnia & hostis Pannir Svecus & noster miles devastasset, coacti rustici in Silvas se recipere, quidam circa finem Februarij domum reduces messem instituerunt: alij post Pascha idem fecerunt, atque copiosam messem & panem habuerunt. Quidam in Pago Dubno nomine triginta Messores conduxit: alij alibi totidem: færinæ etiam rusticanæ linum & canabim totâ hyeme in agro stantem repererunt, & pro suis  
usibus

usibus facile parvo labore cum magno fructu aptaverunt.

Pragæ sub fenestra in Arce Cancellariæ Boëmicæ in fossa sunt tres cruces, memoria Domini Jaroslai Boržitæ de Martinicz, nunc Supremi Burgravij Regni; & Domini Wilhelmi Slawatæ nunc Supremi Cancellarij; & Domini Magistri Philippi tunc Secretarij Regni, quos rebellantes Hæretici ob fidem Catholicam & fidelitatem S. C. M. ex fenestra Cancellariæ deorsum præcipitaverunt, quibus tamen ille lapsus parùm nocuit.

Circa Civitatem Pergraichstein supra Sutticium montes sunt ad meridiem, versus Bavariam, ubi incipit Hercynia Silva, quæ cingit Boëmiam: sunt etiam ad Septentrionem alij montes oppositi & profunda vallis interiacet inter utroque: tantæque est differentia, ut nunquam ad septentrionem æstas, ad meridiem verò hyems esse videatur: illic nullæ nives, hîc maximæ reperiantur. Quod ipse Anno 1639. expertus fui, cum illas magnas nives transirem; eam ob-

ob causam multò citiùs in una parte montium messis, quàm in altera absolvitur.

Idem reperitur inter Dominium Bieslin & Dominium Czachrovv, ubi campi sunt continui, quos unus tantum quodammodo fulcus dividens facit, ut dum in parte Czachrowiensi, sunt frigora hyemalia, in agro Biefflinensi sit calor æstivus, hic messis, illic frumentum immaturum conspiciatur. Quæ causa sit tantæ diversitatis disputent Philosophi.

### *Auctaria.*

**I**Nnumera sunt naturæ miracula pariter & munera intra Boëmiam. Nam soli illi montes Boëmiæ Septentrionales, dicti Gigantæi, tomum exigèrent. Ego hîc paucula obiter, ut se memoriæ obtulerunt consignabo.

Prope oppidum Mielwaldium, quâ versus Ziambergam iter est, mons eminet, cujus latus unum sæpe est nivibus plenissimum, quando alterum est floribus amænissimè conspersum.

In districtu Cubitenfi locus est in fundis Excellentissimi Comitis Hertwigi de



de Nosticze Boëmiae Cancellarij, igne subterraneo perpetuo fumans, crebroque flammis coruscans.

In eodem Districtu mirâ varietate sunt thermæ multiplices partim noxiæ, partim aduersus varios morbos mirè salubres; tepentes aliæ, nimio fervore bullientes aliæ.

Hic præterea aquæ, quas dicimus acidas, sunt toto sparsæ districtu, viribus medicis, & sapore admodum diversæ.

Sed & fluminum Boëmiae mira est differentia: nam solus Moldava Pragam triplici colore varius pervadit, eâ siquidem parte, quâ veterem allambit Urbem, tetro, quem à flumine Sazaua hausit, squallore sordidus incedit; ripam verò adversam, candore, quem à fluvio Misa accepit, speciosus abluit, medius verò suo nativo virore graciosus delabitur:

Watawa margaritarum aurique ferax cristallineis ubique pellucet undis. Quin Salmones ipsi aquarum Boëmiae diversitatem notant, qui è mari per adversum Albim huc cluctati, Moldavam deinde  
&

& Aquilam ac Watawam magno frequentant numero, Egrâ, Sazawâ, Misâ Lužnicâ penè desertis relictis

Lapides pretiosi circa Gitečĭnium & alibi ingenti numero, sed & ingenti magnitudine colliguntur: nam & ego vidi unum Rubini coloris cubitali magnitudine & alterum Topazium mole amulum, Romam destinatos, ut ibi statuae ex illis efformarentur.

In districtu Prachenſi minutæ gemmæ Granatæ ita sparsim per solum jacent, ut eas anseres cum gramine deglutiant; quales ego ex unius anseris stomacho circiter 60. exemptas vidi.

Habet præterea Boëmia Adamantes, Jaspides, Sapphyros, Cryſtallum. Sed & Carbunculi sunt hîc quandoque inventi, ut & gemmæ aliæ generis diverſi.

Illud autem est in metallis admirandum, quod aurum & argentum in Boëmia sæpiùs è terra in altum, virgarum & culmorum instar excrevit; nam & fodinæ Kuttenbergenses originem, noménque inde putantur habere, quòd Mo-

nachus quispiam Cisterciensis, cum per  
 filvas errans in Virgam argenteam è ter-  
 ra frondis instar egressam incidisset, ve-  
 stem suam religiosam, Germanis Kut-  
 then dictam, ex ea, nè loci memoriam  
 amitteret, suspenderit tantisper, dum ce-  
 leri pede in cœnobium regressus Abbati  
 suo rem nunciaret.

Sic Rudolphi secundi Cæsaris tempo-  
 ribus in Prachenfi districtu messorum u-  
 nus, dum frumentum demeteret, inter  
 spicas culmum aureum demessuit, qui  
 cum frumento reliquo excreverat de  
 terra.

Quandoque etiam vitibus se aurum  
 filatum circumplectit è terra excrescens;  
 aliquando verò intra arbores invenitur  
 circa medullas & venas instar tenuissimi  
 funiculi in altum eductum. Posteriori-  
 bus annis rusticus Excellentissimi D.  
 Humberti Comitis Czernin subditus, sæ-  
 pius in agro suo filum aureum aratro cir-  
 complexum abruptum collegit, eoque  
 ferculæ suæ messoriæ manubriū, stolidus,  
 circumligabat, donec ex occasione Ju-  
 dæi,

dæi, qui filamentorum illorum segmina, tanquam rem nullius pretij, ab eo sæpius impetraverat, repalàm factâ, prædictus Excellentissimus D. Comes, ex tota filorum illorum congerie pretio à rustico illo comparata, scyphum sibi aureum pro usu suo, tanti naturæ miraculi memoriæ causâ, conflare curâisset.

Vitrum Moschowiticum etiam circa Kaczow inveniri potest.

Terra sigillata, tanti in re medica usûs, albi pariter, & rufi coloris propè Jablonam & Brundusij, ac alibi eruitur.

Sal sæpius in Boëmia repertus, ut & temporibus Ferdinandi primi Cæsaris in Districtu Regiæ Hradecensi; sed abundantia salis exteri Reges ab eruendo patrio avertit.

Mala aurea, mala granata, mala citrina, ficus, piper, aliaque ejusmodi fructuum & aromatum genera intra hortos Boëmiæ proveniunt: certè crocus Majorum nostrorum ætate Libochowicij tantâ colligebatur copiâ, ut quotannis

aliquot urnarum vas impleret, cujus singuli sextarij floreno uno venibant.

Gossypium etiam, tam rarum naturæ donum, est in Boëmia deprehensum.

Nec minus & atrocissima venena germinat Boëmia, nam & Napellus, venenorum Rex, cæruleus pariter ac albus magnâ copiâ provenit; in quo miratus sum aliquando naturæ providentiam, quæ pecoribus; nè peste hæc gramine permixtâ exanimarentur, illud indidit, ut Napellum mox toto è gramine & pabulo evolvant, evolutumque ore detrudent ad latus, nec eo ullo modo pasci velint.

Monstra, variâque animantium prodigia sæpè in Boëmia visa; quale & illud est quadrupes quod in horto Virginum Carmelitarum in Parva Praga depictum spectatur.



Animalium verò genera sunt plurima in Boëmia, inter quæ Aquilæ, Lynces, Bubali, Taxi, Castores, Lutræ, Martes, Mustelæ, Putorij, Ursi, Scorpiones, Serpentes & quidem etiam non nulli caput


put diademate ornati, quale unius diadema apud me spectaculo servo.

Piscium etiam tot genera est reperire, ac formas, ut Illustrissimus Dominus Franciscus de Sternberg Horazdiovicij è solo fluvio Watavva exemptorum in uno eodémque prandio habuerit super mensam viginti duo genera diversorum.

Est etiam intra Boëmiam vocale quoddam genus minutorum piseiculorum, qui ubi se clausos à piscatoribus advertunt, sibilis gemitibusque sortem suam intra aquam ac etiam aquâ extracti mirum in modum deplorant.

*A. M. D. G.*





# INDEX CAPITUM.

**C**ap. I. *Eucharistica.*

Cap. II. *Mariana.*

Cap. III. *Sancti Boëmi.*

§. I. *De Sanctis domesticis Patronis Boëmie.*

§. II. *Sancta Parentela S. Wenceslai.*

§. III. *Reliqui Boëmi cum opinione Sanctitatis honorati.*

Cap. IV. *Sancti Patroni Boëmie externi.*

§. I. *Sancti externi Boëmie aut Patroni aut Incole.*

§. II. *Vita S. Guntheri.*

§. III. *Reliqua notabilia circa S. Guntherum.*

§. IV. *Reliquia Sacra in Ecclesia Metropolitana Pragensi.*

§. V. *Reliquie Sacra in Boëmia reliqua.*

Cap. V. *Pij homines.*

§. I. *Pij homines ante Hussij haeresim.*

§. II.





*§. II. Episcopi & Archiepiscopi Pragenses.*

*§. III. Antagonistæ Hussij.*

*§. IV. Qui consequentibus temporibus hæresi se opposuerunt.*

*§. V. Reliqui posteriorum temporum p̃ij homines.*

*Cap. VI. Catechetica.*

*Cap. VII. Prasagia Mortis.*

*Cap. VIII. Fontes.*

*Cap. IX. Loca Sacra.*

*Cap. X. Mixta.*

FINIS.

















